

БЫД ТӖЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

5
МАЙ
(ОДА КОРА)
2002

ПЕТӖ 1926 ВОСЯНЬ

ЛЭДЗӖНЫ:

КОМИ
ГИЖЫСЬ
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

СЫКТЫВКАР

□ □ □

ТАЙӖ НОМЕРЫН:

Елена КОЗЛОВА. **Вова да мукӖд**. Повесьт 3
Владимир ТИМИН. **Кывбурьяс** 24
Нина КУРАТОВА. **Чечыштын увлань юрӧн**. Повесьт . 28

ГИЖӖНЫ ТОМЪЯС

Татьяна КАРМАНОВА. Елена ЕВСЕЕВА. Юлия ГЛУД.
Настя БУШЕНЕВА. **Кывбурьяс** 41

ТАЛУНЪЯ СИКТ

И.Д.ПЕТРУНЕВ. **Кадыс сетӖ на позянлун** 43

ВЕЛИКӖЙ ПОБЕДАЛЫ — 57 ВО

Агния БЕЛЫХ. **Праздниксьыс кыла сьӧлӧм дой** 49

ВОЯС ДА ЙӖЗ

Юрий СЕМУКОВ, Алексей ПОЛУГРУДОВ. **Крестьяна
сямӧн** 61
А.И.ЩАНОВ. **Эз мойви нимавны** 66
Владимир СОЛОВЬЕВ. **Григорий Распутинлӧн ордпу** . . 72

ЧУЖАН МУ, ЧУЖАН КЫВ

Евгений ИГУШЕВ. **«Коми гижан култура паньсыяс»** . 74
Зоя АНУФРИЕВА. **«Вок кывъяс»** 77

СЕРАМБАНА ГИЖӖД

Анатолий АФАНАСЬЕВ. **Кӧнӧсь ті, чаньясӧй?** Висьт . . 79

□ □ □

Обложка вылын снимокыс С.Гавриленколӧн.

© «Войвыв кодзув» («Северная звезда»), 2002 г.



Елена КОЗЛОВА

Бова га тукөг

ПОВЕСТЬ

Биджыд мам ордө

ВОВА ОЛӖ КАРЫН. Сылы сизим арӖс. Локтан ар школаӖ мунас. Но кор на сийӖ кадыс воас! ГажтӖм сылы гортас, бать-мамыслӖн ӧтка пины. Гӧгрӧр чачаяс, эм весиг батарейкаа танк, ачыс ветлӧддӧ. Но и дона чачаыс оз ышӧд ворсны зонкаӖс. Медся нин гажтӖм шойччан лунгясӧ, кор садикӧ оз ветлы.

И со — нимкодъыс ортсö вöйыйсö: батыс сиктö лэччöм йылысь юöртis. Вовалöн ыджыд мамыс сэни олö. Карыд, дерт, кар и эм: асфальта шылыд туйяс, уна сикас мороженой, «Детской мирö» мамыскöд пыралас — ставыс вунлö. Но и сиктыд — сикт: ыджыд мамыслöн вылын öшиньяса керка, дiнтiыс сöдз шор визувтö — дзебссылас веж турун пöвстас, а улынджык, видзöдан да, бара нин мыччысöма. И сёльгö, сёльгö. Ылынджык парма вөр лöзалö. Тюлю-букаяс пö сэни олöны, ыджыд мамыс шулö, но Вова сöмын серöктö та вылö: ош, руч, кöин — да; а тюлю-букаясыд сöмын мойдын да телевизорын.

Воисны батыскөд сиктө. Керка гөгөрыс мича дзоридзьяса веж
турун пуритө-быдмө. Сулаліс онялан жар луньяса гожом. Батыс
сёрнитыштіс ыджыд мамыскөд, тапкөдыштіс Воваос мышкөдыс да
бөр искөвтіс карө. Уджыс пө уна.

— Аттö, Вова, со öд нимкодсьö вайин — бара на абү öтнамöн, — вашъялис-варовитис ыджыд мамыс. — На, со медся пушыд көв-дүмсö, аски чöскыд блин джажга выйöн. Эн на вунöд көрсö?

И овмөдчис Вова ыджыд мамыс ордын. Лунтыр сы гөгөр бергалё. Чеччас ыджыд мамыс водза-водз, юкталас, лысьтас да лэдзас йирсыны кőзаясөс, ломтө пач, пőжасьö. Шондїыс вылын нин югвидзö, садьмас и Вова. Петас ывлаö, а сэнї курөгъяс котсöны, на костын вылын сорса петук тшапа ветлөдлö. Ыджыд мамыс пырысьтөм-пыр и чепөсьяс:

— Садмин, донаой, садмин, гулюой. Мыссы, сёйышт.

Пырасны. Чуткылас Вова пось выйё гоз-мод блин, юас блинъ-яснас стёкан йёв, и пёт нин. Ошиньё видзёдö. А ыджыд мамыс ассьыс дольö:

— Сёй да мёдам. Кывлін: гажтём кё — уджё кутчысь. Талун мог эм — давийдз кайлыны. Ноко, тёдмав: чукыльё-мукульё му гөгөр гөгөртас, яг дорё нюжёдчас... Мый тайё?

— Туй?— Вова чукыртö кымöссö да сöдз лөз синъяснас юася-на видзöдö ыджыд мамыс ылö.

— А вот и эн төд. Тайо потшос — сы пöлөн и мөдөдчам. Корось чегйыштам. Гожомбыд ковмас коросьтö ваявны көзукъясыды,

төвбид кежлө дасытыны. Воам бөр да лук чольсийдлаам-киськалаам. Рытланьыс нин. А давъяс, төдан, коді олө?

— Бара шуан: «тюлю-буку»?

Ыджыд мамыс серөктіс:

— Öнi тюлю-буку оз нин тан ов, лөгасьöма да пышйöма, но кодкө олө на... Висьталöны.

— Коді?

— Кузьыс.

— Коді сійö?

— О-о, сійö? Рытнас висьтала.

Пöрысь да ичöt тэрмасьтөг восьлалісны потшöс пölөн.

— Нöшта öти нöдкыв,— шыасьö ыджыд мам.— Чукыль-му-кыль, кытчö мöдін?— Мый тэн дела, шырöм юр.

Мый дыра юрсö жуғліс Вова, но эз вермы төдмавны. Ыджыд мамыслы и лои висьтавны:

— Шырöм юрыс — ытшкөм видз, а чукыль-му-кыльыс — шор, со и сёрнитöны найö. А тэ, Вова, сюся гөгөр видзöд. Кывзысь. Вөр-ваыд öд ловъя. Сійö мортыдлысь ловсö личöдö, сьölөмсö бурмөдö.

— Öтнадлы, ыджыд мам, тэныд гажтөм да быдторйыс и волö юрад.

— Абу дзик öтнам ме.

— Ме шуа, менам вотöдз вölін.

— И сэки эг вöv öтнам. Да и öнi миянысь кындзи олысьяс эмöсь: курөгъяс, көзаяс, кань. Войнас эн öмöй кывлы, шыръяс гиджгөдчöны гөбөчын. Пакөститчöны.

Чөскыд узян ун вöснаыс Вова эз кывлы некутшөм гиджгөм.

— Ыджыд мам, ме нинөм дзик эг кывлы.

— Менам унмöй кокныыд да ставсö кыла. Вот эськө босьтін да кыйин найöс. Пызь мешök розьöдöмны. Да öд и картупельсö весиг йирöны.

— Ме кыя?

— Абу öмöй тэ айулов?

Вова көсйö вölі юавны, көнөсь сылөн колян वोся чачаясыс, куим гөгыла машина вölі да öнi оз тыдав, но «айулов» йывсьыд кылөм бöрын та йылысь яндзим нин лои гарыштнысö.

— А каньыд нö?

— Пöрысь да оз нин кыйсьы. Дышмис. Колö вот каньпиös вайöдны да быдтыны.

Гөгөр сьылісны лэбачъяс, но Вова найös эз кывзы — юрас бергалісны пакөститчысь шыръяс йылысь мөвпъяс, кодъяс лысь-тöмаöсь пызь мешök розьöдны.

Дэльөдчөм

Корөсь нөб лэччөдөм да пажнайтөм бöрын ыджыд мамыс водіс шойчыштны. А Вова аддзис колян वोся мач да ывла ывлө петіс сійөн ворсны.

Медводдза морт, кодкөд аддзысис Вова сиктын, вölі Паладь пöч. Сійö воысис ыджыд мамыскöд, да и лунвылө öшиньяса керкаясыс сулалісны шор дор мозыс орччөн. Паладьыслөн — ув-ланьынджык. Ыджыд мамсяныс кывліс: сьökыд пеля пö. Паладь пöч сулаліс аслас йöрас — веськөдіс коссö — ёг турун град ыв-сьыс нетшкө.

— Но, Вова воома, мися кодi нo тайo мачасьысьыс?

— Видза олан, Паладь пoч!— шыасис зонка.

— Видза, видза!— сэссия чoв олыштiс да серoктoмoн coдтiс:— Вова ыджыд мача, да дoмаса гача.

— Некутшoм дoмас абу менам гачын... Виль на весиг. Джинсы гач.

— Абу тай. Бoрад нo мый, гoрд вурысoн дoмас шняпкoмaoсь. Вова ыджыд мача да дoмаса гача.

— Кoнi?— Вова весиг мачасьнысo дугдiс. Вежынътчис став тушанас, мед бoрсяныс гачсo видзoдлыны.— Некoн некутшoм дoмас абу.

— А ме шуа: выйим. Вова ыджыд мача, да дoмаса гача.

— Да тэ ачыл... Тэ ачыл Гаддя Паладь.— Вова тoдiс: сиктсаясыс Паладь пoчсo Гаддя Паладьoн шуoны, воддза волiгъясас на кывлiс. Но зонка eна дoзмис сы вылo воoмысь да тадзи нимтысьoмыс сылы этша на кажитчис, сiйo нoшта на кызкo кoсьис дoйдны пoчoс:

— Чукля кока Гаддя Паладь!— артмис сылoн. Коксo эськo Паладьыслысь Вова некор эз аддзыв, кузь юбка новлo да, но скoр-йывсьыд тадз гoрoдсис.

Пoч вoлi мышкыртчoма нин град дорас да эз и вoчавидз Вовалы. Гашкo, эз и кывлы, сьoкыд пеля да.

Мачoн ворсны Вова сэссия эз и вермы — сэтчoдз дoзмoма. Гортас пырис да элясис ыджыд мамыслы:

— Шу мыйкo Паладь пoчыслы.

— Шoвктугiйoй, гулюйoй,— мeлiа шыасис ыджыд мамыс да шылькнитiс Вовалысь юрсисo.— Эн лoгась, Паладь пoч oд шмонитo сiдзи. Сылы oд гажтoм жo. Да и шулi тай, oмoля кылo сiйo. Унаoн на тэнo мoдласны и дэльoдны, и дзерoдны, а шмоньсo колo гoгoрвоны да аслыд тшoтш кужны шмонитны. А казьяслыны кo, мый тэ скoрман, eнджыка на мoдасны дэльoдны. Он кo скoрмы, регыд эновтчасны, оз кoлась нимтысян кывийыс.

Ыджыд мамыслoн шань шуалoмыс лoньoдiс ыззылoм зонкаoс. Вова бoр петiс ывлаo, син гугнас видзoдлiс Паладь пoч йoрo, но сэнi некод нин эз тыдав. Бoсьтiс эновтлoм мачсo да мoдiс шыблавны керка стенo, бoр кутавны да артавны, кытчoдз оз сорсьы: oти, кык, куим...

Петiс ведраясoн ыджыд мамыс.

— Пывсям талун, ва катла пoртъясас.

Вова котoртiс сы бoрся. Ичoтик пывсяныс куткыртчoма дзик шорбокса кыркoтш дорас. Васo пывсянас катывлiсны шорысь, сэнi пo небыдджык.

Вова тшoтш корис ведра да лэччис горулас. Шорсo пывсян весьтoдыс кодйыштoма, паськoдoма, гoптас ваыс тырoдз чукoр-мoма. Шорас сoдз юкмoс. Берегысь берегo паськыд пoв шыбитoма. Пос. Танi жo ыджыд мамыс и пoжъясьывлiс. Шор дор мозыс льяк бадь бьдмис, мoдарас тoзь дзордзалис, чoскыд oгурчи кoр гoвкъялiс гoгoрас, а вылынджык коз пуйас тыдалiсны. Гажаа сeльгo шорыс, быттo Воваoс ворсны кoрo.

Но зонкалы oнi некор. Сiйo кoшoн лoдiс ведраo ва, медводз ыджыд мамыслы, сылы джынсьыс унджык, сэссия аслыс — этшаджык. Тадзи ыджыд мамыс тшoктiс.

— Зэв сьoкыд кыр вoчатo,— элясис Вова джын туяс.

— Миянлы oд кыкыдлы уна ва оз ков. Нoшта oтчыл-мoдысь лэччылам, и тырмас.

Вова бõрыннас дыр мõвпаліс, кыдзи эськõ кокньõдны ва вая-
лõмсõ, кыдзи вõчны, мед ваыс ачыс пывсянас каяс. Но юрас сідз
нинõм эз и во.

Мыр кыйõм

Ыджыд мамыслысь шыр кыйõм йылысь коркõя сёрнисõ Вова
эз вунõд. Да и кань вылас элясьõмыс, пõрысь пõ да дышõдчõ, оз
нин кыйсы, вежõрас коли.

Шынь-шынь гõгõртис Вова ыджыд мамыслысь овмõссõ: йирк
выв и гõбõч, посводз и сайник. Йирк вывсьыс и сюри сылы пõвтор
вылõ тувьялõм, чорыд сутугаысь кыõм садõк. Лэччõдіс аддзõм-
торсõ посводзас, весалыштіс сімсõ, бус-няйтсõ. Пытшкас нянь тор
да сыр чир пуктыштіс, октіс-каличаліс пружинаа õдзõссõ, катõдіс
капкансõ пõсйылõ да пызь мешõк дорас и пуктіс. Рыгнас, узыны
водõм водзвылас, видзõдіс, да вõрзõдтõм на вõлі самыс.

Мõд лунас Вова муртса восьтіс синъяссõ, пыр и воис юрас
кыйсян кõлуйыс... Звирк чеччис. Ывлаыс югыд, шондіа. Ыджыд
мамыс абу гортас, буракõ, град йõрас. Пасьтасьтõг и мыссьытõг
котõртис пõсйылас. Шедõма шырыд! Пырõма да самсõ вõрзõдõма,
каличыс чеччыштõма да ён пружинаа садõк õдзõсыс и пõдлассьõ-
ма. Котралõ шырыс садõк пытштіыс. Воваõс аддзис да нõшта на
тэрыбджыка мõдіс визлавны. Зонка босьтіс садõксõ да петіс ывлаõ.
Шонді югыдсьыс, буракõ, шырпиыд повзис да дурпоп моз кутіс
бергавны, сэсся шыбласьны õтарõ-мõдарõ õдъялі. Недыр мысти
мудзис да лõнис, куткыртчис ылі пельõсас. Сэтшõм мичаник шы-
рыс, рудіник, бõжыс кузь да вõсньыдик, синъясыс посни сьõд
чутікъясõн югъялõны.

«Мый нõ сэсся õні, вины тайõс колõ? Ыджыд мам абу гор-
тын, ачим ог кууж, да ог и лысьт. Лэпта кõ садõк õдзõссõ —
пышъяс. Колõ либõ каньõс дїнас пуксьõдны, мед петігкостіыс
тшапнитас»,— мõвпалõ Вова.

Ичõтик шырыс зонкалы жалъ лоис.

«Лэдзны? Но мыйла нõ, сідзкõ, и кыйис? Ыджыд мамыс бара
Мурõ каньсõ мõдас дõжнавны, мый пõ тэысь бурыс, йõв лақан да
шонді водзын сõмын куткырвидзан синтõ куньтыраліг. Сэсся нем
тэысь. Воваõс на ошкас, со õд тэ пыдди сылы лоõ шыртõ кый-
ны».

Мурõ каньыс некõн эз тыдав. Кыдз нõ сэсся шырсõ вины?
Изйõн юрас камгыны? Ёна ыджыда ышловзис Вова. Сэсся босьтіс
киас капкансõ да мõдõдчис шор горув.

Векньыдик туйõд лэччис пывсян дорõдз, сэсся водзланяс ту-
йыс вожалõ — веськыдасõ шор дорас лэччõ, а шуйгавывланьыс —
Паладь пõч керка дорõ кежõ. Шуйгавылас и кежис Вова, пуктіс
садõксõ эжа вылõ, лэптіс чорыд сутугаа õдзõссõ, ачыс вешйис.
Шырыд дыркодъ на чõв пукаліс, сэсся исасигтыр матыстчис вось-
саинас да воськовтіс турун пиõ. Здук сулалыштіс, бергõдчыліс на,
збыль али мый нõ вõля вылын? Синъясыс полõмõн югнитлісны
зонка вылõ, и сõмын вирдыштіс, воши турун пиас. Жалъ на и
лои Вовалы сэсся, мыйла и лэдзис, позис и садõкас гортас видз-
ны. Вова бõр катіс капкансõ гортас да пуктіс йирк вылõ, важи-
нас. Мед сэсся мукõд шырсõ кань кыйõ, Мурõыс. А пызьсõ, дерт,
кытчõкõ, шыръяс судзтõминõ, ковмас инавны.

Рытнас Вова ыджыд мамыслы висьталіс шыр кыйомсö да сійö швуч-швачкерис кияснас:

— Эн жö öд лэдз?

— Мед олö,— лабутнöя вочавидзис Вова.— Паладь пöчыдлөн матынджык керкаыс, да сэтчö, көнкö, муніс. Ми ордö оз нин лок.— Ачыс мөвпыштіс: «Мед Паладь пöчыс оз нерсы дай».

Мөс видзөм

Талун Воваясö асывсяныыс гөстя воис, сусед Макар Ивөлөн Ия нылыс. Зэв визув да варов. Вова сы тельгөм улö и садьмис.

— Мамъяс лөсьöдчöны нин видз вылö петны турун пуктыны. Ми Лидакөд асьным мөдам горт овны. Öд ыджыдöсь нин. Лида весиг пусыны кужö. А ме джодж чышкывывла да тасыті-пань мыськавлывла.

— Отсасысьяс нин мам-батыдлөн,— ошкыштіс ыджыд мамыс.

Вова бергөдчис стенлань: кор нин мунас. Нывка дырйиыд абу и лөсьыд чеччынысö. Но, кылö, ыджыд мамыс чукөстіс нывкаöс чай юны. Сідзкö, быть ковмас сувтны, удзöдасны. Зонка чеччис, пасьтасис, идраліс-лөсьöдіс узыланінсö, эз эськö сэтшөм пелька и артмы, кыдзи ыджыд мамыслөн, но туяна. Петіс мыссыны.

— Воöмыд, Вова, а он и петкөдчыв. Ме тэнö ворсны виччыся,— ыджыд сьöд синъяснас Ия дзоргис зонка вылö. Зонка нинөм эз шу, да, гашкö, та вöсна, Ия мөдіс öдйö лапйöдлыны синлапъяснас, кузь сук синлысьясыс быттьö лэбач бордъяс. Сэсся раммыштöмөн нин выльысь юаліс:

— Тэ ворсан мекöд?

— Мыйысь?— юалөм вылö юаліс Вова.

— Чомйысь ворсам. Бать миянлы пөвйысь чом вөчис.

— Кутшөм нöшта чом?— дөзмөмпырысь нурбыльтіс Вова. Сылы эз вөв окота мунны кытчөкö гортсьыс да нöшта нывкакöд.

— Чайсö юышт рыська шаньганас да ветлы, видзöдды,— ышöдіс ыджыд мамыс.

Чай юигчөж тельöдчис вöсни гөлөснас Ия. Став сиктса выльторсö висьталіс.

«Лунтыр кө такöд öтлаын — пельыд сьöдмас»,— ас кежсьыс мөвпыштіс Вова. Ачыс сійö эз вөв вывті варов. Коланасö висьталас-юалас, а ковтөг кывсö оз пес. Шыасясны кө сы дорö — лабутнöя вочавидзас мортыслы синмас видзöдөмөн. Абу зумыш зонка, зэв на и вöсьса видзöдласа.

Нуръясьыштөм бöрын челядь лэчисны кыр горув Макар Ивö керка дорö. Керкаыс выль да зумыд, неважөн на олöны. Гөгöрыс эжа вежөдö. Некымын нэриник пу öшинь улас: пельысь да льөм, выльөн пуктөм сэтөр кустъяс.

Керка дорас матын пөвйысь вөчөм ичөтик пелькиник чом, öшиня и öдзöса. Иялөн кужысь киа батыс, уджач и. Нывъясыслы ворсанін лөсьöдöма. Чомъяс и вöлі тільгуныслөн ыджыдджык чойыс, Лида: кузиник да вöсныдык нюдз бадь кодь нывка. Латшкөсіник Вовакөд орччөн сувтіс да юрөн пöшти ыджыдджык. Кыдзи му да енэжыс торъялöны, сідзи и кык чой. Лида шабді рöма юрсиа да лөз синъяса. Синлысьясыс кузьöсь жö Иялөн моз, но еджговöсь да оз ёна тыдавы. Чөв олысьджык Лидаыс да ньöжмыд-

джык. А Ия инас оз өшйы, потшөс вылас нин кайөма, коксө потшъяс костас суйөма да увлань юрөн өшалө.

— Ой-ой-ой! Сэтшөм ті тешкодьөсь,— гигзьө сійө.

— Энлы, Ия, вай сёрнитчам,— вөзйө Лида.— Чомйысь ворсам. Ме лоа мам, Вова — бать, а тэ мян ныв. Ворсан, Вова?— юалө сійө.

— Ворса,— вочавидзө зонка. Мый нө сэсся, оз өд ыдждөдчы, локтіс нин да.

— Лок либө сёйышт, да мөс видзны сэсся мун.

Вова бура дыр видзөдаліс чомсө, кызди вөчөма нывкаяслөн батыс. Нинөм сьөкыдыс и абу. Нель сюръя сувтөдөма, улітіыс и вылітіыс тувъявлөма пөвъясөн, сюръяяссө йитөма, а стенъяссө сувтсөн тувъявлөм пөвторыасысь вөчөма. Пытшкөссө нывкаяс асьныс нин мичмөдөмаөсь: шпалер торъясөн кышөмаөсь, картинас өшлөмаөсь, өшиняс — тюль, вышивайтөм дөра, рөмпөштан, дзоридзьяса ичөтик ваза пызантор вылын сулалө. Ортсысянныс и пытшкөссянныс пельк да гажа чомйыс.

Воваөс гөститөдісны сёйысь пөжалөм пирөгөн. Сэсся ыстісны ю дорө мөс видзны.

Эз эськө Вовалы окота вөв өтнаслы вадорас лэччынысө, но көс-йысис ворсны да быть кывзысь. Төдлас кө ыджыд мамыс юас-төг ю дорас лэччылөмсө, мый на и шуас.

Киас ньөр, шутөвтлас да швичнитлас, быттьө мөсьясөс луд вылө и вөтлаліс. Макар Ивө керкасянь увланыс абу и стрөйтчылөмаөсь. Борті лэччыштан да юдорса кыр йылө и воан: улиас паськыд ота лыа, а водзынджык и юыс визувтө. Лыа вылөдзыс эз и лэччы Вова, мөсьяссө өд веж видз вылын йирсьөдөны. «Асьныс кынөмпөтсө корсясны»,— мөвпыштіс Вова да пуксис кыр йылас. Ю вылас видзөдіг, казгыштіс батьсө да мамсө. Кор найө воласны, быть ю дорас лэччөдлас, пөттөдз сэки Вова купайтчас. А өтнаслы ыджыд мамыс оз тшөкты, вөйөмысь полө. Да Вова оз и лэччы, кывзысьө.

— Володюш!— кыліс сійө меліа шыасьөм.

— Коді тайө?— Вова звирк чеччыштіс да бергөдчис. Некод эз тыдав. Сөмын веськыдвылас өтка пашкыр бадь дөввидзис.

— Володюш!— өні стөча нин гөгөрвоис зонка, мый бадьладорсянныс и кылө гөлөсыс.

«Менө али мый чуксалөны?— Вова бергөдчыліс, гөгөр видзөдаліс — некөн некод сэсся эз тыдав.— Менө тадзсө чуксалөны? Но таөдз өд сэтшөм меліасө некод на эз шыасьлы».

Бадь куст сайсянь мыччысис Лида, киас тубраса.

— Ме тэныд сёйны вайи,— шуис сійө. Матыстчис да пуксис орччөн. Вольсаліс эжа вылө вышивайтөм пызандөра. Пуктіс эз нин сёй пирөгъяс, а чөскыд көра нянь чөлпан, өгурец, лук, пуөм кольк, йөв сулея.

— Сёй!

Вовалөн и збыль кынөмыс сюмалөма. Мөдіс солө тшуклавны лук да нянь сорөн азыма няклявны.

— Тэ тшөтш,— нывкаөс сыөн жө вайөм сёянөн гөститөдө Вова.

Лида эз жө мөд пыксьыны.

— Ияыд нө көні?— юалө зонка.

— Водтөді узыны.

Сёйыштөм бөрад гажаджык лои. Да нөшта кыкөннад. Оз тусьяс корсялыштісны кыр дор мозыс, сэсся ворсігтыръя и коли кадыс. Чом дінас воөм бөрын дыр ковмис корсьны Ияөс, тюрө-

дѡма конюшня дорѡдз, сѣні нин отсасѣ Ёгор дядьлы, конюшня весавны: вѡвѣяссѣ вуджѡдѡмаѡсѣ мѡдлапѡлѡ видзѣяс вылѡ. Визув нывкатѡ гортад он пукѡд, быдлаѡ вевѣялѡ. Отсаси пѡ Ёгор дядьлы, бѡрыннас ошйысис. Бергаліс, кѡнкѡ, сы гѡгѡр, кутшѡм сѣсся сысянь, ичѡт мортсянь, отсѡг.

Рытнас, ыджыд мам ордас водѡм бѡрас нин, Вовалы уси дум вылас сійѡс меліа чуксалѡмыс:

— Володюш!

Сійѡ шудаа нюмѣвтис да чужѡм вылас нюмпасѡн и унмовсис. И вѡтѣясыс сылѡн вѡліны югыдѡсѣ да сѡстѡмѡсѣ.

Чиганѣяс

Асывсянныс Ия ышки-пошки воис.

— Вова, чиганѣяс локтѡны!— и водзѡ тѡвзис.

Зонка эновтис вѡласѣмсѡ, аслыс сабля вѡлі вѡчѡ, да весиг вѡлалѡм чагсѡ улыс кильчѡ вывсѣыс идравтѡг, котѡртис шор кыр йылѡ. Сѣтысянь бура тыдаліс, кыдзи шор мѡдарсянныс, шорсѡ вомѡналыс пос вылѡ ѡта-мѡд бѡрсяыс лѣччисны вѡла-доддѣа чиганѣяс. Корскыс вѡвѣяснас веськѡдлісны чим сѣд юрсиа айуловыс, тарантаѣясас пукалісны уна рѡма дзоридза юбкаяс да коска жакетѣяс сѣтшѡм жѡ смоль сѣд юрсиа чиганкаяс, посни и гырысѣджык челядѣ, кѡрѡба додѣ тырыс нопѣяс — овмѡсныс. Нѣль вѡла арталіс Вова.

Сиктѡ пырыс чиганѣясѡс видзѡдлѡм бѡрын Вова бара бѡсѣтчис вѡласыны. Саблянас сѣсся мѡдас вермасыны гундырѣяскѡд, кодѣяс, дерт, олісны-дзѣбсясисны гидсайса петшѡрын. Йылыс сабляыслѡн лѡсѣыд артмис, ѣсѣ. Воропыс эзджык на эшты, кывсѡ нюжѡдѡмѡн буретш зіля вѡласис, кор дзирѣя дорѡ матыстчисны кык чиганка да накѡд ар куима зонка.

— Мам-батыд гортынѡсѣ?— юалѡны комиѡн.

— Абу.

Ѳдйѡ и пырисны чиганкаясыд йѡрѡ, варовѡсѣ, збѡйѡсѣ.

— Тѣ тай зѣв шань зонка. Няньтѡ миянлы петкѡдышт.

— Ме ог тѡд,— шай-паймуні Вова,— ыджыд мам абу гортын да.

— Вай ѡти нянь, ме тѣныд вугыр сѣта,— шуис томджык чиганкаыс, коді кутіс киѡдыс мугов чужѡма да ыджыд сѣд синѣяса ичѡтик зонкаѡс.

Вовалы вугырыд ѣна колѡ. Зѣв окѡта аслыс нин видлыны чери кыйны.

— Но,— гогнитис Вова юрнас да пырис гортас. Талун ыджыд мамыс асывбыд пѡжасис, керкаас век на гѡвкѣяліс чѡскыд нянь кѡрыс. Пѡжалѡм кѡвдумѣяссѡ нянь пѡв вылын вѡлі лѣптѡма пачдорса сѣр вылѡ. Вылас павгѡма еджыд вышивайтѡм дорѣяса ки чышкѡд. Зонка бѡсѣтис улѡс, сувтис сѣтчѡ да судзѡдчис няньла. Сѣк кості чиганкаясыд пырисны керкаас. Вова мыччис чиганкалы ыджыд банийѡм кѡвдум, лѣччис улѡс вылыс да бѡсѣтис киас еджыд дзирдѡн дзирдалыс вугыр.

— На, мѡдѡс бѡсѣт,— вѡзйѡ чиганкаыд.— Ѳтиыд ѡти и эм, нетшыштчас чериыд да оз коль, няньыд со зѣв на уна.

Сійѡ пуктис Вова ки пыдѡсѡ мѡд югѣялыс ичѡтик вугыр да ачыс и судзѡдчис няньысла.

— А со этайо вугырыс ыджыдджык, та выло гырысыджык чери сюрас,— бара вөзйө чиганкайд.

А модыс мый вермө ошкө Воваос:

— Со од нин сійө кутшом ыджыд лоома, ачыс чери кыйны лосьодчө.

Вовалы нөшта ыджыдджык вугыр вөзйисны. Чиганкаяс повтог нин лөдисны сумкаас ыджыд мамысөн пөжалом няньсө.

Кор збой да ызгыс чиганкаяс петисны, Вова бара сувтліс улос вылас да аддзис: нянь пөвйис вөлі куш. Вова кабырын эзысөн дзирдаліс квайт вугыр.

Өні вөлисти Вова гөгөрвоис, мый неладнө артмис. Няньыд абу. Мый нө ыджыд мамыс шуас? Сійө, гажтөминик да рам, петіс кильчө выло, эз ло окота сылы и вөласьны. Эз вөв нимкодь и вугырясысь. Довгис дзирья дорө: абу пөдлалөмаось ас бөрсяыс волысысыс. Каличаліс дзирьясө да бөр ротіктіс кильчөланы. Пуксис сод выло. Көні нө эськө ыджыд мамыс? Мый шуас?

Ыджыд мамыс мыччысис керка сайсянь корось нөбья.

— Кайлі вөр дорө корось чегьявны, ном-гебйис петөма кольтанөн гудравмөн. Роснас и лэччөді, тані лоө корөсявнысө,— пуксис сійө кильчө дор лабичө.

— Мыйкө тай рам талун, эн-ө чуньтө вунды вөласигад?— юасьо сійө.

— Эг,— нурбыльтіс зонка.

— Гашкө, висян да?— майшасьо ыджыд мам.

— Ог.

— Он кө, вөлалом чагтө идрав, чышкы да чукөрт, пачводзө пырт, пач ломтіг сотам,— велөдө сійө ичөтөс.

Вова өдйө и чукөртіс чагсө да, керкаас пыригмоз, бара чөвтліс синсө тыртөм нянь пөв выло. Бөр петігас өдзөсас и люкасис ыджыд мамыскөд.

— Эн пет, чай юам небыд няньон да вөлисти коросьсө көр-тавла.

Но Вова эз кывзысь, петіс посводзө. Зонкалөн топавліс сьолөмыс: өні ыджыд мамыс аддзас тыртөм пөвсө. Мый бара лоө?

Регыд и кыліс:

— Көні нө няньыс? Кытчө нө вошөма?

Вова звирк чепөсйис пөсйылө, синнас гөгөртөдіс татчөс овмөссө: кытчө позяс дзебсьыны. Йирк выло кайны оз нин вевъяв, сэтысь эськө ыджыд мамыс и оз аддзы. Со быд сикас эмбурыс. Вова аддзис увланы вомөн кымыньтөм тыртөм пельса, сійөс лэптыштліс да сэтчө и дзумгысис.

— Нолы, көні тэ? Кытчө няньсө воштін?— петіс керкасыыс ыджыд мамыс да пөсйылас и веськөдчис, буракө, кывліс пөсйыв өдзөс шысө.

— Нолы, лэччы да висьтав, кытчө няньсө шердйин?— скөра шуаліс ыджыд мамыс. Сійө чайтіс, мый Вова йирк вылас. Содйис сэтчө эз вөв, Вова ур моз пелька кайлывліс керка пельөстіыс. А ыджыд мамыс пельөсөд кайнысө оз вермы, да и нинөмла сылы йирк вылассө. Мый коланаыс сылөн матынджык ки улас.

— Сюран кө өні меным, ньөрьяла,— скөраліс ыджыд мамыс.— Став нянь сеталөма. Кодөс нө вердін? Оти көлөб абу кольөма. Картупель и сөйны ковмас. Сюрлан тэ меным. Чомъяд ворсны нуин няньсө? Лэччы! Кымынысь тэныд колө шуны,— бара горөдіс ыджыд мам.

Сэсся пуксис стөч сійө пельса вылас, көні и куткырвидзис Вова.

Зонка лов шысö кутöмөн ланьтöдчис путкыльтöм пельса пытш-кас, öнi ачыс быттö налькйö веськалöм ичöтик шыр. Шедас кö — бур оз ло.

Сэсся ыджыд мамыс дыркодь чöв олiс.

— Но, лэччы нин да висьтав, кытчö няньсö лотiн, гашкö, позяс на бергöдны,— небзыштöма нин, буракö, бур ногөн шыасис. Но Вова век на чöв олiс, да весиг, чöскыд кампет кö корисны сёйны, и сэк эськö эз пет.

Ыджыд мамыслы, буракö, дышöдiс виччысьнысö, броткигырийи пырис керкаас.

Вöлисти зонка пыдiсянь ышловзис, быттö лэчкыс мынi. Петiс пельса увсьыс, ёна жö дзескыд сэнi куткырвидзöмнад пукавныгö, кокъясыс весиг позялöмаöсь. Но нюжмасьнысö некор, бара на, гашкö, петас ыджыд мамыс. Вова пелька кайис керка пельöсöд йирк вылö. Сэнi вöляджык, и сэтысь öдвакö сйöс судзöдан.

Некымынысь на петалiс ыджыд мамыс, корис Воваöс гортас, но зонка шы эз сетлы.

Рытланьыс нин кыськö ыджыд мамыс тöдмалöма, мый сиктö волöмаöсь чиганъяс, да мöдiс бурөн корны Воваöс лэччыны.

— Да лок нин сёйышт. Тэнö, буракö, чиганъяс ылöдлöмаöсь. Налөн öд рöдыс сэтшöм: пöръявны да курыштны. Ерöмаканьяс.

На вылö мöдiс ыджыд мамыс пинясьны, да сэк сöмын личалiс сёлöмыс Вовалөн. Узыны водан кадö и лэччис Вова йирк вывсьыс.

— Сёй да вод. Паладь пöчыд со сетыштiс няньсö. Асыв бара пöжася. Чиганъясыд öд ылöдлiсны?

— Найö,— шöпкöдöмөн моз артмис Вовалөн.

— Но нинöм, — ышловзис ыджыд мамыс.— Мöдысь сюсь-джык лоан. Мед инö корысьяслы пыдди лöö. Таысь Енмыс прöститас.

Чери кыйöм

Асъядорыс нин Вова матыстчис горт дорас. Мудз. Тшыг. Но нимкодь. Ыджыд мамыс радлыны мöдас: сы мыйта чери Вова кыйис. Юква вылö тырмас, и каньлы чöсмасьны. Ывлаыс руд рöмыд. Татшöмыс овлö гожся войясö, кор шондiыс недыр кeжлö дзебсьылö вöртас сайö.

Зонка котөрөн кайис кильчö вылас. Игана. Зөркнитiс öдзöсас. Ыджыд мамыс, буракö, абу и водлöма узынысö, жакета и чышъяна, здук мысти и вöсьтiс.

Вова нюмгёвтiс сылы воча да чöла мыччис югыд пакетын кыйдöссö.

— Черинад и быдөн!— скöра öвтовтiс пакетсö ыджыд мамыс да бөр крапкис öдзöссö.

Чериыс сямунi кильчö содъяс вылö: кельчи да ёкыш. Мукöдыс вöрисны на, ловъяöсь.

Вова лап-лапкерис синлысьяснас: эз гөгөрво, мыйысь сы вылö скöралö ыджыд мамыс, мыйла эз босьт черисö? Мыйла бөр крапкис öдзöссö? Гашкö, эз сёян чери кый да? Кузь Коля тай нö татшöмöс жö гортас нуис. Вова дорысь, дерт, сылөн унджык-а. Но сйö и ачыс ыджыд, витöд классö нин вуджöма. Сйö и чуйдiс Воваöс чери кыйнысö мунны. Кыськö кывлöма, мый Вовалөн вугырыс уна, öд танi быд юөр öдйö разалö: сикт помас несъян,

а мөдарас төдөны нин. Ыджыд мамыс сэк эз вөв гортын, буракө, бара кайома вөр дорө, юасынысө некоддысь лои. Питшөгас көвдум суйис, зептас вугыръяс, и петіс гортсьыс.

Вугыр шатсьө сылы Коля вадорас нин и вундіс да кырссис, вугыр суниссө ассьыс пысаліс. Сикт увланыс вуграсьыштисны, а шонді лэччигас нин Коля ышөдіс сійөс берег пөлөныс юкатыдса чукыль саяс ветлыны, сәні пө бура курчө чериыс. Сэтысь медсьсө и шеді.

Сэтшөма Вова нимкодясис. Чайтіс, ыджыд мамыс ошкас сійөс, малыштас юрөдыс, шуас: со, Вова нин кыйысь-вайысь лои. А сійө...

Вовалөн лигышмуні ки-кокыс. Эз и чукөрт черисө, пуксис сод вылас. Весиг кынөм сюмалөмыс вуні. Мыйла нө ыджыд мамыс тадзсө? А мөдыс нин петө тасьтіа, нюмъялө, скөр руыс разалөма.

— Пыр мун да мыссьы. Шыд чөвті, сөй.

Вовалөн ки-кокыс тіраліс. Мудзысла, дерт. И гөгөрвотөмысла.

Ыджыд мамыс мышкыртчис чукөртны черисө, а Вова чөла пырис гортас.

Тіралөмыс мөдіс бырны шыд тасьтісө ректігмоз. Ыджыд мамыс сәні жө, сөян пызан вылас, керис да сьөмйис чери.

— Тэ тай ыджыд нин вөлөмыд! Та мыйта чери шедөма!— вөлисти ошкыштис сійө.— А ме өд, вошин да, мыйсө нин юрын эг бергөдлы. Мися, гашкө, чиганъясыд бара волісны да тэнө нуисны, либө вадорө өтнад лэччин да вөйин. Некод весиг мунөмтө абу адзылөма. Ю дорөдз лэччылі, вөр дорөдз кайлі. Шы ни ру. Быттьө сылөмыд.

— Кузь Колякөд кыйсим. Катыдас, ю чукыль саяс.

— Петкөдла ме гаж сылы, кагаөс босьтөма сы ылнаө!— бара мөдіс ярзыны ыджыд мамыс.

— Ыджыд мам, но сійө өд менө кыйсьынысө велөдіс, өтнамлы эськө та мыйтаыс эз сюр.

— Сідз эськө, дерт, да. Зэв на өд тэ ичөт ю дорас ветлөдлынысө.

— Öні на шуин: ыджыд нин.

— Да ог нин и төд, мый татчө шуны. Дерт, уна чери кыйин да ыджыд, но юасьтөг мед эз вөв некытчө мунөма. А бужді кө берегыс да ваас тьовгысин?

— Ыджыд мам, ме өд эг өтнам вөв.

— Сідз эськө да. Асыв юква пуам. Со каньыд кутшөма корө, кылө чөскыдтө. Тшутшыс тэныд,— шуис ыджыд мам.

— Черинас гөститөд. Кыкөс сет, эн, куимөс. Мед чөсмасьө.

— Зэв тай небыд сьөлөма тэ, шөвктугійой,— меліаліс ыджыд мамыс.— Сета, сета. Вай вод да узь. Көмтө пөрччы. Ва ставыс.

Төтрасьом

Асъявылыс Воваөс биаліс. Вөтын моз кылө: кодкө кымөсас көтөдөм көдзыд ки чышкөд пунктө. Сэсся кодкө юктөдө туруна чөскыдтөм дэбыд ваөн. Син пырыс руын моз вуджөртчис ыджыд мамыс, петкөдчыліс и Паладь пөч. Сэсся найө вешийисны бокө, а Вова сунтшик усылі-унмовсьліс. Вөталіс ли, збыль сылы аслас кийис кажитчис сэтшөм кызөн да сьөкыдөн ли, но Вова мый вынсьыс көсйис лэптыны кисө да эз вермы. Кокыс сэтшөм жө кыз да сьөкыд вөлі. Бара ыджыд мамыс лэптыштіліс юрсө да юкталіс курыд ваөн.

Дыр-ө та бөрын Вова узис — оз төд. Садьмис, да Паладь пөч сы дорын пукалө.

— Но, со тай Воваыд, бур пи, синсө восьтіс, паляліс, оз нин вись, жөник.

Мыйла Паладь пөчыс сы дорын пукалө, Вова некыдз эз гөгөрво. Синнас корсьыштис ыджыд мамыс, но эз аддзы. Абу, буракө, гортын.

— Жөник өд?— бара юалис пөч.— Жөник!— ачыс и вочавидзис.— Тэ вай ме вылө гөтрась.

Вовалөн весиг синъясыс чашкавлісны татшөмтортө кылөм бөрын.

— Ог бара-й,— тэрыба бөрынтьіс зонка.

— Мыйла нө он?— небыдика сёрнитіс Паладь пөч.— Менам со кутшөм ыджыд керка, эмбурөй керка тыр, кык көза, ыжъяс, курөгъяс, а айулов керка помын абу. Вай ми тэкөд гөтрасям. Ме ордө вуджан овнытө.

— Ме ог!— горөдіс Вова.— Ыджыд мам! Ме ог! Шу мыйкө...

— Да он, дерт, он,— шыасис ыджыд мамыс, быттьө мездіс пикө воөм зонкаөс, пукалө, вөлөм, улөс вылын крөвать юр во-дзас.

Мед не аддзыны Паладь пөчлыс чукурөсь мугов чужөмсө да дзор юрсисө, Вова бергөдчис стенлань, льөбйыс тіралө, муртса оз бөрд. Бур, мый ыджыд мамыс дорйис.

— А код вылө нө гөтрасян?— абу на өвсьөма Паладь пөч.

Вовалы мыйлакө дум вылас уси Лида, сылөн мича лөз синъясыс, шабді кодь юрсиыс да меліа шыасьөмыс: Володюш! И зонка ас төдлытөгыс нюммуні.

— Лида вылө.

Өні нин азыма гызнитісны-серөктісны и Паладь пөч, и ыджыд мамыс. Паладь пөчыс весиг пельпом вылас павгөм чышъян помна-нас чепөсйөм синвасө чышкыштис.

На серам вылө и зонкалөн нюмыс петіс.

— Но мый сэсся, висьысьыд гөтрасьны нин көсйө-а. Менө верөс саяд оз босьт да гортө лоө петны, ыжъяс колө юктавын да көза лысьтыны,— вевттис чышъянөн Паладь пөч дзор юрсисө.

— Ыджыд мам, кынөмө сюмалө.

— Вай чеччы, юкваыд тэнө виччысьө, картофеля шаньга и. Ми Паладь пөчыдкөд чөсмасим нин. Вордім и. Чери кыйысьлы сюсь син да тэрыб ки-кок, дзоньвидзалун да, мед мөдысь лыыс-сьөмыс мында чериыд сюрө.

— Кыдзи лыыс-сьөмыс мында?— эз гөгөрво Вова.

— Мыйта вайөм чериыслөн лыыс да сьөмыс, мөдысь мед сы мында чери сюрө,— гөгөрвоөдіс ыджыд мамыс.

Юөр

Зэрмытөдзыс муртса вевъялісны вайны пошта. Вова сөмын босьтіс газет кудсьыс «Коми му», мөдіс войтасьны. Котөрөн и пырис керкаас, восьтіс газетсө, а сэні письмо. «Гашкө, гортысь»,— бергөдлыштис Вова конвертсө. Тэрмасьөмөн пырис и ыджыд мамыс, град йөрын вөлі да пышйис зэр увсьыс.

— Ыджыд мам, өдйөджык лок, письмо воис.

— Час, шөвктуг, мысся да,— шыасис сійө воча.

Ыджыд мамыс чышкис кисө вышивайтөм ки чышкөдө, өчки-

асис да пуксис пызан сайё. Вова сэк кості восьтома нин кон-
вертсё.

— Но, батыд тай гижёма. «Видза оланнѣд, мамук да Вовук!
Чолёмала тѣнёс. Миян семьяын вѣль морт чужис: тэныд, мам,
внучка, а Вовалы — чой. Нимсё пуктам Юля. Ме ётнам гортын,
найё рёддомынёсь на».

Письмёсё лыддём бёрын ыджыд мамыс пернапасасис:

— Бласё кристос, дзоньвидзаён торъялёмаёсь. Слава богу,—
сэсся бара на пернапасасис да дыр на мыйкё шуалис вомгорулас.
Вова сёмын кыліс: «Пресвятая Богородица».

Сэсся шыасис Вова дорё:

— Зэрыс кобыштас да петав, корлы Паладь пёчтё чай юны.
Быттё тёді бур юёр воёмсё, пёжаси талун.

Ыджыд мамыс мёдіс лёсьёдны пызан вылё, ваяліс тасьті-пань,
сёян-юан.

Вова пукаліс вёрзёдчывтёг да мёвпаліс: кёсийс гёгөрвоны пись-
мёсьыс юёръяссё, но ковмис мыйсюрё выльысь юавны ыджыд
мамыслысь.

— Ыджыд мам, а мыйла мамёй больничаян?

— Чойтё чужтіс, да оз на лэдзны.

— А сэсся?

— Лэдзасны, да гортад нин кыкён воасны.

— А ме?

— Тэ тані олан арёдзыс.

— Найё карын, а ме тані?

— Но, шёвктуг, лёк али мый тэныд тані? Меным гажаджык
и. Век нин вом ёрт. Школаад мунігкежлё катёдасны.

Зэрыс кобис. Вова петаліс Паладь пёч ордё.

Пёчъяс юисны картофеля шаньгаён да вареннёён чай, а Вова
вёйтчис аслас думъясё.

«Со сійёс батыс лэччёдіс сиктё ыджыд мам ордас. А асьныс
нылёс чужтёмаёсь. Вова, сідзкё, ковтом лои. Мамыс гортас боль-
ничаясь нывкаёс вайёдас. Вовалён садикас вёлі жё Юля нима
нывкаыс, но ньёти сійё сёлём вылас оз во. Няргысь да пыскыль
кывъя. Гашкё, сэтшёмёс жё вайёдасны, пыртёдасны сылён жырьё,
и мёдас сійё ворсны Вовалён чачаясён, гашкё, и сы крёватё на
водас. Колё вёлі батарейкаа танксё татчё босьтны, жугёдны вер-
мас.— Вова аслас шог мёвпъясысь жугыльмис, синваыс кутіс
доршасьны.— Гашкё, сійёс сэсся оз нин и босьтны гортас, тані
и ковмас ыджыд мамыскёд овны. Дерт, оз жё вёлі век кывзысь
мамыслысь. Со и босьтісны найё аслыныс кывзысьысь нывкаёс».

Паладь пёч гортаснин муніс, ыджыд мамыс тасьті-пань ид-
раліс да петіс юктасьны, а Вовалён лов вылас пыр на вёлі сэтшём
букуш, кутшём и ывлаыс. И сёлёмсё чеплёдлёны шог думъ-
ясыс. И шуис Вова, мый аски ыджыд мамсьыс гусьён (эрдын кё
мёдас дасьтысьны — оз лэдз) мунас карё да юалас бать-мамыс-
лысь: колё оз налы Вова. Али эсійё гортас вайёдём нывкаыс налы
мусаджык. А Вова кё налы оз ков, босьтас ассъыс чачаяссё да
нэм кежлас лэччас овны ыджыд мамыс ордё, коді збыль радейтё
Воваёс, «шёвктугйён» шуё да, дерт, оз веж сійёс кодкё вылё.

Карё

Мёд асылыс лои югыд да кыпыд. Шондіс азыма юис тёрытъя
зэрсё: ёдйё косьмисны видз выв да туй выв гёпъяс. Вова виччы-

ссыштис, кор ыджыд мамыс каяс вөр дорё корось чегъявны, босьтис тōрытъя кык кōвдум (талун абу пōжасьōма), суйис югыд пакетō, тōрōдис гōрддымсō зептас, мōд зептас пуктис пуом кольк да истōг кōрōбын сов. Юнысō нинōм эз босът, кыскō оз ōмōй сюр, горшыс кō косьмас. И петис туйō.

Паладь пōч йōрас мошкоритчис да ковмис виччыссыштны кытчōкō сайōдчылōмсō, мед эз юась, кытчō-мый внукуыс мōдис. Ылōдчынысō Вова оз радейт, а веськыдасō висътавны оз позъ, а то оз лэдз ыджыд мамыс.

Лэччис Вова кыр горув, вуджис пос вывтī шор да кайис мōдар кыркōтшас. Сэни вōв гидня дорын бергаліс-ноксис Ёгор дядь. Вōвъясыс ōні видз вылынōсь, сэни найōс дōзьōритō Ёгор дядьлōн пиыс, Виталей, а ачыс со тані идрасьō-лōсьōдчō. Ёгор дядь дінтī тōддытōг мунōм эз артмы, шыасис:

— Володя, пуксьы, шойччы. Куритчам.

— Ме ог куритчы,— вочавидзис Вова, но сувтыштис, ыджыд морт шыасис да абу лōсьыд пырысьтōм-пыр муннысō.

— Но, пуксьыв, пуксьыв, шойччышт,— бара на корис Ёгор дядь.

Зонкалы, кōтъ и тэрмасис, бытъ лои кывзысьны. Пуксисны керпом вылō. Ёгор дядь ōзтис чигарка, мōдис шпуткыны-куритны.

— Ыджыд мамыд нō кōні?

— Корōсьла кайис вөр дорō, тōв кежлō кōзаяслы дасътō.

— Тэнō оз ōмōй босътлывлы?

— Мукōддырйиыс катōддывлō.

— А тэ тай нō зэв тэрыба кытчōкō мунан?

Вова чōв оліс.

Ёгор дядь бара юасьō:

— Зептыд нō мый польдчōма?

— Кōвдум сэні.

— Пажунōн кытчōкō мōдōдчōмыд?

— Карō.

— Ōтнадōн?— шензьō Ёгор дядь.

Сэсса мыйкō дыра кежлō чōв ланьтыліс, буракō, мый йылысь кō мōвпалыштис, но регыд бара шыасис:

— А ме вōлі тэнō талун отсасьны кōсья корлыны. Виталей видз вылын, а меным колō коса тōчитны. Тōчиласō бергōддысьыс некод абу. Со мичаммис, турун боръяс колō ытшкыштны. А тэ ыджыд нин, верман тōчиласō бергōддыны. Тэысь бур отсасьысь меным оз и сюр. Вай карад асыв мōдōдчы, а талун меным отсасышт.

— Но, — кōсийисис Вова. Верстьō морт корō да ōд он вылō пуксьы. Вермō нин отсасьнысō да. Ыджыд морт дорō моз шыасисны. Асыв, сідзкō, карас мунас.

Ёгор дядь йōрō пырōм бōрын Вова пыр и аддзис тōчиласō. Розя шōра, плавкōс, пызь пож нога гōгрōс из. Розьōдыс сой кызта бедь тōчила пырыс тувъялōма. Ōтар бедь помас вороп, пуысь жō вōчōма бергōдданыс. Тōчилаыс ва ворйын, ки вомлōс ваас бергалō. Ёгор дядь пукалō тōчилавывса кōзла-пуклōс вылын да ко-сасō кутō, а Вова тōчила изсō бергōдлō. Быттьō и абу сьōкыд удж, а кийс зонкалōн ōдийō мудзō. Ōтарō шойччōдō. Ёгор дядь оз дōзмы сувталōмсьыс.

— Шойччышт, шойччышт, а сэсса васō содтышт воръяс,— бурпырысь варовитō Ёгор дядь.

Петис йōрō Иринь тьōт.

— Мый нө кагасö уджодан, ме бергöдла.
— Тэ мун чай пузьöдны пукты, öбедайтны пырам. Тан ми ай-улов асьным нин кызкö-мыйкö.
Регыд и корис Иринь тьöt чайсö юны. И ас кадö. Вовалы быд бергöдöм нин мырдөн сорөн сетчис, кыис лёталöма, а шунысö оз лысыт, ыджыд туйö нин со, отсасыны вермысьö пуктöны да.
Иринь тьöтыс, мыйкö öдзöс сайын Ёгор дядькöд гунгыштöм бöрын, кытчöкö сиктö петис.
Шыд тасьтi панялöм да чай юём бöрын Вова бара на недыр бергöдлыштis изсö, кытчöдз Ёгор дядь эз шу:
— Тырмас. Бур. Бритва кодь лэчыд лои.
Видзöдö Вова: Иринь тьöt локтö, а сы бöрся ыджыд мамыс.
— Прамöй зонмöс быдтан,— шыасис сы дорö Ёгор дядь.— Ёна отсасис меным талун Воваыд. Асыв позьö ытшкыны петны.
Киöдыс кутöмөн и нуöдiс сэсся ыджыд мамыс гортас. Мудзöм бöрад öдйö и унмовсис Вова, некутшöм гажтöм мөвпгяс эз падмöдны сийöс.

Орчча сиктö

Асылыс тöрытгя кодь жö мича пуксис. Шондi гөгöр саякйö югöрсö. Енэжыс лöz: кымöр чир оз тыдав. Ыджыд мамыс вöтчöма, абу быд лунгя паськöма: лöz юбкаа да еджыд ылын сэтшöм жö посни лöz дзоридзгяса ковтаа. Юрас мича еджыд чышгян кöртыштöма. Томмöма быдөн.
— Ыджыд мам, тэ талун быттьö уна рöма бобув.
— Но-о!— серöктis сийö.— Тэ, инö, вöччы жö, ветлам орчча сиктö, пошта ылö, звöнитлам батгыдлы, мед волас.
— Мыйла?
— Мед тэнö карö катöдлас, чойыдкöд тöдмöдас. Сийö öд дзоля на, да татчö оз на лэччöдлыны-а.
Со öд мый ыджыд мамыс думыштöма, Вова вöли ачыс лöсьöдчö карас мунны-а.
Вова мича кельыдлöz дөрöм кышалis, джинсы гачасис, камашиссö ыджыд мамыс крема щöткиөн юггявтöдз весалöма. Петisны туйö. Вöв гидня дорын бара Ёгор дядькöд вочаасисны.
— Талун, тыдалö, пöча-пия кытчöкö ылö мöдöдчöмныд?
Ыджыд мамыс висьталis, кутшöм мөгөн туйö вöрзöдчöмаöсь.
Орчча сиктыс матын. Позьö асфальта туйтi мунны, а позьö и весгасавны муяс-видзгяс вомөн, пода туйöд. Ыджыд мамыс веськöдчис пода туйöдыс, чорыд вывтгыс ылын дай сьöкыд восьлавнысö. Майбыр, шондiа да кос.
Вова öтарö кольччылö, мышкыртчылö да ботинки вывсьыс буссö чышкыштö. Ыджыд мамыслөн весиг серамыс петis:
— Ми челядь дырйи вöли кöмкөттö жалитам да кöмтöг ветлöдлам. Сиктö пыригөн сöмын кöмасям.
Вова кылис тайö да бара кольччис, пöрччис камашисö, кöвгясöдыс кöрталis, öшöдis бедь йылö да сiдзикөн и вöтöдis ыджыд мамсö:
— Тадз вöли ветлöдланнныд?
— Тадз, тадз, шöвктуг. Кöмтöгыд пö, висьталöны, зэв на и бур.
Сиктö воигөн Вова бöр кöмасис. Сиктыс вöли тöдчымөн ыджыд-джык ыджыд мамыслөн дорысь, асфальта туйтi гежöдика журкнитlisны машинаяс, мунisны ыджыд öшиня школа, лавка да пу

вичко дорті, пырисны пошта выло. Йёзыс уна да ковмис вич-чысьыштны. Вовалы оз пукавсьы да ыджыд мамыс ыстіс сійёс ывлао. Сёмын пö ылö эн мун, вошта öд тэнö. Пошта-керкасö гөгöртöм бöрын да мыйкö дыра кильчö вылас сулалыштöм бöрын Вова восьтіс öдзöссö да кыліс ыджыд мамыслысь телефон пыр сёрнисö:

— Тöрыт нин мöдöдчылöма. Не Ёгорыс кö, код тöдас көн нин эськö öнi вöлі. Катöдлöй да петкöдлöй чойсö, гашкö, бөр усыпань-выв пуксяс. Пышгъяс кö, мый ме кута вöчны?

Вова тайö кывъяссö кылöм бöрын эз и пыр пошта вылас, бөр пöдлаліс öдзöссö.

Со мый вöлöма! Ёгор дядьыд менö карö кайöмысь кутöма. Мися, мыйкö зэв мудера нюмъёвтлывліс. А Вова чайтіс, мый збыль от-сасьысь ковмис. А ыджыд мамыс кутшöм мудер! Кыв эз шулы, а ставсö вöлöм тöдö.

Пошта вылысь ыджыд мамыс петіс кыпыд чужöма.

— Асыв батыд волас. Шойччан лунгъяс кежлö тэнö карö ка-тöдлас. Мамыд чойыдкöд гортынöсь нин.

Бöрсö мунігөн Вова бара кöмкотсö бедь йылын нуис. Сэтшöм лöсьыд вöлöм кöмтöгыс! Ыджыд мам тай шуліс, важөн пö че-лядьыд абу и кöмасьывлöмаöсь. Вова тадзи, кöмтöг и мöдас сик-тöдыс ветлöдлыны.

Ас грездас воём бöрын Вова сетіс ботинкисö ыджыд мамыс-лы, ачыс кежис Ёгор дядь йөрö. Сійö пукаліс кильчö вылас да куритчис.

— Мый нин, Вова, висьталан? — шыасис.

— Асыв батыд мела машинаөн локтас, карö катöдас.

— Бөр на öд волан? Гожöмбыд буса карас öд он жö ов? Тані со уджыс пöчыдлөн юр ылöдзыс тырмö и... Зэв нин бур отса-сьысь тэ. Сідзкö, колö и отсыштны скöтыслы кöрымсö дасьтыны.

— Ёгор дядь, тэ карас кайöмысь косöдöм ради тöрыт косатö тöчитöдін?

— Эг жö! — быттö чуймис Ёгор дядь. — Тöрытъя косанад ме со быдса йөр турун водтöді асывводзнас, йöз узигкості на. Видзöдлы. Асывнас тодö лэччыла, сэнi менам неыджыд видз. Мöс видзам, ковмас төвйöдмөн турун заптыны.

Вова ышловзис: вот сэсся и гөгөрво верстыöястö. Зэв öд му-дерöсь!

Морта небöг

Батыс воис кыпыд руа. Кутыштлис ыджыд мамсö, кыпöдліс Воваöс пöтöлөкöдз. Карса гөстиндзинас тыртіс пызан вив: кам-пет, яблөг, банан, преник-печенньö. Сы мында: чöсмась — оз ков.

Вовалы батыс вайöма морта небöг. Быдторсö серпасалöма, а уліас кывбура неыджыд гижöд. Со налим сера кань, со куканя мöс, со вöв дорын чибö, нывкаяс да зонкаяс слөнöс вердöны-чöсмöдлöны, а дзик помас еджыд юрсиа нывка серпасалö гулюöс. И быд серпас улын неыджыд кывбура гижöд. Сэтшöм ярьюгыд рöмъяса виль небöгыс. Öтиысь видлаліс Вова, мöдысь... А кор батыс петіс пывсянас ва катлыны, Вова виль небöгнас мöдöдчис сиктö. Медводз муніс Ия да Лида дорö, найö бара чомйысь вор-сöны. Накöд вöлі тшöтш Дима. Тайö тшöтшгъя зонкаыскöд Вова ворслис жö нин: чорыд сутуга йылын кöрт гöгыль быгльöдлісны. Кытчö сöмын сэк эз волыны...

Чойяслы зэв ёна воис сьолём вылас небөгыс, унаысь жö вид-
лалісны.

— Меным кө эськө татшөм небөгсö козьналісны?— нора кай-
тыштіс Ия.

— Зэв мича небөг батъыд вайёма,— рама нюмъялігтыр мыч-
чис книгасö Лида.

— Бөрйы, кутшөм серпас тэныд колö.

— Мый тэ, Володюш,— бöрынтьчис нывка.

— Меным этійö левсö,— корö збой Ия, öти кок пöв йылас
чеччалігмоз.

Вова нетшыштіс корөм серпассö да мыччис нывкалы.

— А меным шыръяса серпассö вай,— шыасис Дима.— Ичöt
чойöс повзёдла,— гажаа нюмъяліс сійö.

— Босът,— мыччис сылы Вова.

Лидалы торійöдіс слöна лист бок да ачыс гажаа серöктіс:

— Мед ставлы лоö.

Гортас мунігөн кежаліс Кузь Коля ордö, но сійö эз вöв гортын.
Мамыс шуис, лэччис пö ю дорö. Сылы Вова торійöдіс ёкыш чериа
серпас. Сэсся пыраліс Ёгор дядь ордö, козьналіс чибöа лист.
Медбöрын нин кежаліс Гаддя Паладь ордö, сетіс сылы налим сера
каньöс. Паладь пöчлы нимкодь лои:

— Тайö дзик менам кань кодь. Стенö öшöда.

Сэсся пуксьöдіс Воваöс пызан сайö. Вайис көвдум, вый, ва-
ренньö. Көвдумсö шöри вундіс, мавтіс выйөн, а вылісö варенньö-
аліс. Сэтшөм чöскыда Паладь пöч гөститöдіс.

Гортас Вова вайис сöмын небөг кышсö. Но сьолём вылас вöлі
долыд, мед батъыслөн козиныс быдөн ордын лоö.

Рытнас ая-пия пывсисны, ёна и корöсяліс батъыс Воваöс. Тэ
öd пö öні абу нин ичöt, тэ миян ыджыд пи.

Вова нимкодясис, мый воис батъыс, вайис сылы козин, а сійö
юкліс сиктсалы. Нöшта казяліс, мый батъыс сійöс радейтö важ
моз, гашкö нö, збыль оз кöсйы вежны сійöс нывка вылас. А ма-
мыс? Гашкö, мамыс сійöс оз нин радейт да? Сылөн эм ичötик
нывка.

— Асыв чойтö аддзылан, — быттö кылöма майшасьöмсö ба-
тъыс.

— А кутшөмджык сійö?— вашнитөмөн юаліс пиыс.

— Ичötик да бöрдысь.

Бара Вовалы тöд вылас уси садикса бöрдысь Юляыс. И ньöти
абу окота сэтшөмсö видзöдлыныс. Но сійö олö на ордын, гашкö,
Вова жырыйн.

— Менам чачаөн ворсö?— юасьö пиыс.

— Оз, оз. Оз на куж сійö ворснысö. Узь. Асыв аддзылан.

Но дыр на эз вермы унмовсьны зонка, кыдзи и письмö воан
войö.

Чой

Небыдика шлывгö машинаыс асфальта туйті, катöдö Воваöс
карö. Батъыс руль сайын да ёнасö оз варовит. Ыджыд мамсö
корöны жö вöлі карас, но эз кöсйысь, кöзаясöс пö ог эновт. Катöны
карö бидонын кöза йöв, рысь, картофеля шаньгаяс: талун ыджыд
мамыс водз чеччöма да быдторсö пöжалöма.

Вова вöйтчöма аслас мөвпгясас, виччысьö чойыскöд аддзысьöм.
Со и кар: уна судта джуджыд керкаяс, машина-автобусыс жуö.

Вовалы быттьо велавтом нин карса шума олөмыс. Шы ни төв өд вөлі ыджыд мамыслөн грездын. Машинаяс оз журъявны, некутшом шум ни жургом эз съөдмөд пельсө.

Со и налөн керка. Вова котөртө батысьыс водзын. Таркөдө өдзөсө, звөнок кнопкаөдзыс сійө оз на судз.

Өдзөссө восьтө мамыс; сійө — кокныдик кельдлөз халата — шевгөдө кияссө да топыда кутлө Воваөс, окыштө кытчөкө пель саяс. Зонкалы нимкодь: мамыс сійөс радейтө. И некутшом нывка вылө сійөс оз, дерт, веж.

— Көні? — юалө сійө.

— Со, узьө,— коляска вылө индө мамыс. Вова лов шысө кутөмөн видзөдө тубрас вылө. Со ичөтик гөрд чужөм, муртса вөрөдыштис-тяпкөдыштис вом дорнас.

— Тайө и эм Юляыд? — юалис Вова.

— Да,— меліа нюмунө мамыс.

Вовалөн лөнис зэлавлөм лолыс. Татшөм ичөтик. Рузумө тубралөма. А Вова чайтис, мый ворсө сылөн чачаясөн. Пырالیс да видзөдліс ассыс жырсө — ставыс вөлі сідзи, кыдзи и кольліс: чачаяс асінас.

— Уп! — ыджыда ышловзис Вова.— Гөртө вои.

— Мыссы да пызан сайө пуксы. Вердышта туй выв йөзөс,— мамыс меліа шылыкнитис Воваөс юрситіыс.— Быдмыштөмыд весиг. Гөжъялөмыд өна.

И Вова мөдіс висытавлыны мамыслы чери кыйөм йылысь, чиганъяс волөм йылысь, Ёгор дядьлы отсасьөм йылысь. Оні Вова төдіс, мый сійөс и мамыс, и батыс радейтөны, и некод вылө сійөс, дерт, оз вежны. А чойыс зэв на и мусаник, абу детсадса Юля кодь.

Сөйыштөм бөрын Вова мамыскөд петалисны ывлаө, коляскаын ичөт чойнас. Керкаса став зонпосниыс төдмалісны, мый Вовалөн эм чой, код вөсна сійө мөдас төждысьны, кутас сыкөд ворсны да дорыны дзерөдысь зонкаясысь.

Шор помөм

Карө ветлөм бөрын Вова воис сиктө быттьө вежөмаөн. Ыджыд мам дорсьыс оз и вешйив, отсасьө сылы. Корөсьыс көзаяслы тырмымөн лои сайникын, мөдісны дзоля да пөрысь турун заптыны.

Ыджыд мамыс ытшкө, Вова сэк костіыс апалө туруныслысь чөскыд көрсө, төрыгья ытшкөмсө ичөтик пелькиник куранөн бергөдлө, вөрзөдышталө, мед өдйөджык косьмас. Сэсся, воддза лунъя косьмөм вөвдөмсө куртөны да нөбъялөны: Вовалөн ичөтик, ыджыд мамыслөн йөрышаджык — сідзи и ваялөны гортаныс турунсө боръясысь.

Вова виччысис баты-мамсө ичөтик чоюкыскөд, көсйисны во-лыны сиктө, кор батыслы сетасны шойччан лунъяс.

Мамысьяс воисны виччысьтөг, лун шөр гөгөр. Вова уськөдчис ывлаө. Ыджыд мамыс дзиръя сайөдз петіс вочаавны выль во-ысьясөс. Ки вылас босьтис Юляөс да пыртис керкаас, сэсся небы-дика, муртса инмөдчылөмөн, люкөдіс кагасө юрнас ыджыд пачө да вордіс:

**Пач кодь ён, би кодь тэрыбөн,
Тшын кодь пыськөсөн быдмы, бур ныв.**

— Ыджыд мам, мыйла тадзсө вочан?

— Миян мамъяс тадзи виль олысьсө пыртөдлісны, и ме сідзи жö воча. Тэнö öд люкөдлі жö. Со и быдман тэрыбөн, суюсьөн, писькөсөн,— гылыда сералö Вовалөн ыджыд мамыс.

Вовалы нимкодъ: став семьяныс öтчукöрын. Унанад гажаджык. Батыскöд ветласны чери кыйны весиг войколөн, вөрö кайласны тшак вотны, уджыд-нокыд сиктад тырмымөн.

Сёйыштöм бöрын Вова петіс батыскöд пывсян ломтыны. Батыс карысь вайöма электромотора ва кыпöдан насос. Кузь шлангыс шорсянь пывсянөдзыс судзö. Оз нин ковмы ыджыд мамыслы ведраясөн кыскасьны.

Вовалы таысь нöшта нин нимкодъ. Ачыс нинöм эз куж мөв-пыштны, мед кокньöдны ыджыд мамсö, а батыс со вежöртöма.

Нюжөдісны шланг да вöсньыдик провод, лэччөдісны да посдорас ваас лэдзисны мотора насоссö. Батыс кайис пывсянас, суйис вöсньыд проводыслысь вожа помсö розеткаö. Кыліс дзужгöм, и пывсян пöртіö кутіс киссьыны шланг помысь ва, но ведра нель тыртöм бöрын ваыс гудыртчис да Вовалөн батыс бөр дугөдіс моторсö.

— Ляпкыд шорыс, гудыртчö,— висьталіс батыс.

Ковмис час кымын виччысьны сөдзöмсö, виль ва чукöрмöмсö.

— Талун ог нин босытчöй, асыв ковмас тэа-меалы уджö кутчысьны, джудждöдны шорсьыс гöпсö.

Мöд лунас ая-пиалөн некутшöм шойччөг эз вöv. Медводз чукöртісны му помъясысь да бокъяссьыс изъяс, кодйыштісны-джудждөдісны шорсö, зыр вороп кузяö. Ваыс көдзыд, ключ, да батыс кузь гөленя сапөгөн уджаліс, зырьён шыблаліс пыдөссьыс лыасö да нуйтсö. Эжисны пыдөссö да бокъяссö изъяснас да нöшта изъяснас жö и помисны юкмöс горувсö.

— Бассейн кодъ лои, оз кут гудыртчыны,— нимкодя сёрнитіс батыс.— Бур юкмöс тэа-меа вöчим. Аски видзöдлам, гудырыс пуксяс да, кутшöм лоö.

Кык лун на сэсся гудыртлісны шорсö, мед пуксьöм лыаыс да нуйтыс кылалас шор горувсö. Сэсся сөдзис ваыс да сярвидзö-тыдалö пыдöсыс, уна рöма изъя. Эз мöд гудыртчыны шорыс насоснас васö пывсянö лэптигөн. Мыйкö жö и шензис ыджыд мамыс. Весиг Паладь пöч лэччыліс шор дорөдзыс да дивуйтчис ая-пиалөн удж выlö.

— Тэ, Паладь тьöt, миян пывсянысь и босыт шор ватö, кор ковмас, эн и лэччыв татчөдз,— велөдö Вовалөн батыс.

— Зэв тай кужысь киаöсь ті, ая-пия,— ошкö пöчö мужичöйясöс.

Вова нимкодясьö: кутшöм кокни лоö ыджыд мамыслы, ваыс шорсьыс пывсянөдз воö да.

Лэбачьяс велөдысь

Вова лун-лун виччысис Володя дядьсö. Мамыс висьталіс, сійö пö миян учёнöй, олö Москваын, письмöын көсйысьöма волыны сиктö шойчыны.

Вова инас оз öшйы, сэтшöм окота видзöдлыны учёнöй вылас. Буракö, сійö ыджыд да ён, кыз рушка да öчкиа, ньöжмыд да выlö пуксьысь. Сöмын книга лыддьö да мыйкö зунясьö-гижö. Вова весиг пызан вывсьыс став небөгъяссö идраліс да джаджйö тэчис,

мед, колёкё, пуксяс да гижас учёной уджъяссё. Родыштё на весиг зонка: мыйкё, дерт, мёдас сылысь юасьны, да вочавидзнысё, гашкё, оз куж...

А воис дядя Володяыс да чуймёдіс Воваёс — сійё вёлі пёрысь-мыштём детинка кодъ. Кымёсыс да син доръясыс ёна нин чукырёсь, а төвся енэж кодъ руд синъясыс вильышёсь. Шёркодъ тушаа, вёсныдик, визув да пельк, и очки оз новлы. Мамыс кодъ жё руд чикыля юрсиа. И Вовалён сэтшём, сёмын югыдджык. Володя чожыс нюмсера да шмонитысь, тэрыб да варов. Вовалён быттё ыджыдджык ёрт воис. Аскёдыс компас да бинокль вайёма: шойччигмоз пё и уджалышта. А мый мёдас уджавны — эз висътав. Дерт, кёнкё, Вова пызан сайё пуксяс да гижны мёдас. Сёмын татшём тэрыбыс кызди пызан саяс өшъяс?

Учёнойявнысё эз и мёд чожыс, весиг пызан саяс эз пуксьыв, воёмён тшётш петіс пывсян ломтыны, сэтшёма гажыс бырёмә. Ёна ошкис ая-пияёс шорас юкмёс лёсьёдөмысь. Рытыс сэсся кыпид вёлі: отырышъя сералисны чоя-вока важсё казтыліг. Ыджыд мамыс мелі нюмён видзёдө став вылө: сьёлөмыс бурмөма.

Мёд асывнас Володя чожыс водз чуксалис Воваёс, ветлам пё джыдж позъяс видзёдлам.

Асылыс вёлі чуймөдана лөнь да шонид. Пыжён и мөдөдчисны ю паныд. Поводнёя лои сынны.

Алькөсіныс помасис. Водзын тыдовтчис джуджыд, вывсянныс ваөдыс веськыда лэччысь берег, быттё кодкё ыджыд пуртөн шөрыштөма — тадзи ваыс сёйөд берегсё вундөма-шыльөдөма. Пыжыд кё татчө путкыльтчас, берегас кайнысё он во. Да и ёна визувджык сәні. Сыннысё Володя чожлы сьёкыдджык лои, весиг со ваболяс чепөсйисны кымөсас.

Чөв-лөньсё тані торкисны пемыдруд, весиг гөрдөват рөма лэбачъяс. Найё тюръялісны ва веркөсөдыс, кыйисны лэбалысь гутгагсё да гораа чивзисны.

— Тайё джыджъяс. Со и позъясныс. Аддзан берег вевдорсьыс гөгрөсіник розьяссё? — висътавалис и петкөдіс Вовалы Володя дядьыс.

— Кутшём уна! — шензис Вова.

Крут берегыс помассыгтөдз пыжнас катлісны, кытысянь джыджъясыслөн позъясыс заводитчөны, а сэсся Володя дядьыс дугдіс сынны, кылөдчигмозыс лыддис джыдж позъяссё да гижалис морөс зепсыс перйём блокнотө.

— Содөма лыдыс! Кольём во серти, — нимкодъмис Вовалён дядьыс.

— Мыйла тайөс гижалан? — юасьё Вова.

— Менам уджөй татшём: лэбачъяс бөрся видзөдны, артавны.

— А пыдөдз-ө эськө кодйысьөмаөсь поз вөчысь джыджъясыс?

— А му сертиыс. Чорыд-ө берегса сёйыс. Öтияс — метр джын, мөдъяс көнсюрө кодйысьөны метрөн-джынийөн пыднаөдз. Кык-куим лунён позныс дась. Пыдйыс паськыдджык пыранінсьыс. Кодйём бөрас кос турун сіяс пыртлөны да лэбач гөн. Вит-квәйт кольк пуктөны, сэсся энъыс да айыс вежласьөмөн пөжөны. Дас вит лун мысти нин джыджпияныс кольк кышсө поткөдөны, а позсыс нөшта лун кызь на оз петны. Сэсся велөдчөны лэбавны да водз, моз төлысьё, и мөдөдчөны шоныдджыкинө.

Вова сюся кывзё дядя Володяыслысь висъталөмсё.

— Эм нөшта мөд пөлөс джыдж, сиктын олө. Сійөс шуөны вожа бөжа чикышөн.

— Вожа бѡжа чикыштѡ ме тѡда,— шызис Вова.— Сійѡ ыджыд мамлѡн гид вевта-стена костас поздысьѡма. Зѡв мича лѡбачьяс, морѡсныс еджыд, голя улыс сьѡд, мыш вылыс пемыдлѡзѡн лѡсталѡ. Сьылі вылас да кымѡсас гѡрдов чут. Ыджыд мам шуѡ: ай чикышыс пѡ пияннас ошйысьѡ: «Пи-вит, пи-вит».

— Пияннас ошйысьѡ?— выльысь юалѡ да гылыда сералѡ Володя чожыс, а сѡсся ошкыштѡ Воваѡс.— Бура ставсѡ казьялѡмыд!

— А збыль вит пи сьлѡн?

— Унджыкысьсѡ. Но овлѡ и нѡль, гежѡдика — квайт.

Кывзѡ Вова, пель саяс сюркнялѡ. Эз казьявны варовитѡгад, кыдзи крут берегыс алькѡсѡн вежсис, а сѡсся пыжсѡ найѡ курьяѡ веськѡдісны. Шыблалісны донкаяс да курья мѡдарас вуджалісны. Видзѡдісны сѡтѡр кустьяс: воѡма вотѡсыс, пев пом гырся тусьяс розйѡн ѡшалѡны. Окотаысь сѡйыштісны, а вотчынысѡ мѡдысь шуисны воыны.

Кыйсьыштісны, пумѡн чери шеді. Бѡр кывтѡны гортлань нѡжйѡникѡн. Вова гоньялѡ юрнас ѡтарѡ-мѡдарѡ, бинокльѡн видзѡдчѡ.

— Со каля лѡбѡ,— индіс Вова еджыдруд лѡбач вылѡ.

— Тѡдін,— нюмдѡмѡн шыасис дядьыс да юаліс:— Но и мый тѡ кужан висьтавны на йылысь?

— Ва дорын олѡны, сідзкѡ, чери кыйѡны,— воча серѡктіс Вова.

— Сѡсся мый тѡдан?

— Найѡ оз тані тѡвйыны.

— Мыйла эськѡ?

— Юыс кымѡ, и сѡяныс бырѡ, йи улын лѡѡ.

— Поздысьѡны кытчѡ?

— Ог тѡд. Буракѡ, ва дорас жѡ кытчѡкѡ матѡджык.

— Сідз. Воѡны миянѡ апрель помын да ю дорѡ либѡ ты дорѡ и поздысьѡны, зільѡны кыкнанныс, энъыс и айыс. Корсясны ойдлытѡм места, косджыкин, ваяласны увьяс, вольсаласны турун. Куим кольк пуктасны, сѡсся кыкнанныс вежласьѡмѡн и пѡжѡны. Пияныс кольксьыс гѡнаѡсь нин петѡны. Сентябрь помын татысь лѡбѡны медсясѡ Скандинавияѡ да Балтийскѡй море дорѡ, а мукѡдыс весиг Средиземнѡй море дорѡдз воѡдчѡны.

— Володя чож, а сѡтчѡдз ылын?

— Зѡв ылын. Гортѡ воам, да ме тѡныд карта вылысь петкѡдла, кѡні найѡ тѡвйѡны.

Вова шензьѡ, мыйта тѡдѡ сьлѡн чожыс. Буракѡ, зѡв уна книга лыддьѡма. Вова эськѡ пыравліс жѡ библиотекаас мамыскѡд, но кыз небѡгьяс вылас полѡмпырысь видзѡдіс: кыдзи татшѡм кызсѡ лыддьѡны йѡзыс.

— Володя чож, кытысь тѡ тайѡ ставсѡ тѡдмалін?

— Тѡ арлыда вѡлі, кор лѡбачьяслысь оланногсѡ куті туявны. Сиктын олысь лѡбачьяс бѡрся медводз видзѡді, кор воѡны, кыдзи поздысьѡны. Сѡсся вѡрѡ мѡді ветлѡддыны, а быдмышті да зѡв уна книга лыдди.

— Тѡ, сідзкѡ, Володя чож, лѡбач учѡнѡй.

Чожлѡн бара татчѡ серамыс петіс.

— Бурджык шуны — лѡбачьяслысь оласногсѡ тѡдмалысь, а мѡд ногѡн кѡ — орнитолог.

— Ор-ни-то-лог,— коставлана тѡчасѡн шуис тешкодъ да гѡгѡрвотѡм кывсѡ зонка.

Рытланьыс дядя-пия воисны гортаныс. Мудзѡсь, но шудаѡсь да варовѡсь. Юква вылѡ чери вайисны. А мыйта тѡдмаліс ѡти лунѡн Вова! Дядьыслѡн уджыс сьѡлѡм вылас воис зонкалы. Код тѡдас...

Коркө, быдмас да, гашкө, лоас тшөтш эсйөн... орни... кыз нин...
Но, лэбачьясыслыс оласногсө кутас төдмавны.

Карө

Колльөдны Воваөс ыджыд мамыс да Володя дядьыс петісны
дзирья сайөдз. Мамыс чойыскөд машинаын нин пукалісны.

— Но, сэсса, шөвктуг, бура велөдчы да кывзысьөмөн ов,—
топөдліс сйө зонкаөс морөс бердас.— Мөд во бара гожөмбыд
кежлө лок, меным гажаджык.

— Водз карад мунан, эськө мыйта на вөр-ваөдыс собалім
өтлаын,— бара на кайтіс дядьыс.

Петөма колльөдны и Паладь пөч. Йөрас сулалө, потшөс вылас
мыджсьөмөн.

— Но, Вова, мунан нин? Гөтрасьны вөлі ме вылө көсьян, а
пыштьян.

— Кор ме көсйысьлі?— юалөмөн воча шыасьө Вова.

— Төрыт нө мый пывсян дорад?

— Нинөм ме эг көсйысьлы,— дөзмөмөн вочавидзө зонка.—
Ыджыд мам, шу мыйкө...

Ыджыд мамыс сөмын небыдика нюммуніс воча. Вовалы төд
вылас уси сылөн коркөя шуөмыс: шмонь вылө шмоньөн и воча-
видз.

И Вова нюммуні пөрысь мортлы:

— Тэ, Паладь пөч, виччысьлы, кытчөдз ог быдмы.

Вак-вакөн серөктісны ставөн.

— Вот и бур, пиук. Ме мөда виччысьны. А тэ эн вунөд ме-
нө, карад олігад.

Батьыс чуймыштөмөн чөвтліс синъяссө пиыс вылө:

— Но-о! Шмонитны нин велалөмыд?

А Вовалы сьөлөм вылас лои кокньыдсьыс-кокньыд, и сйө гө-
гөрвоис, мый радейтө и ыджыд мамсө, и дядьсө, и шмонитны
кужысь Паладь пөчөс, и керкасө, и кыр дорө куткыртчөм пыв-
сянсө, и вөр дорсө, и вадорсө, и Лидаөс вильышпоз Ия чойыскөд,
и Ёгор дядьөс Иринь тьөтыскөд, и Кузь Коляөс — сиктса став
олысьсө. И төдіс Вова: локтан гожөм бара воас татчө, кутас от-
сасьны ыджыд мамыслы чегьявны корөсь, шмонитны Паладь
пөчкөд, кыйны чери Кузь Колякөд, да быдтор вөчны, мый сям-
мас-кужас да вермас.



Владимир ТИМИН

* * *

Кодӱс радейтлӱн тӱрыт,
Кодӱс окавлӱн тӱрыт...
Ог ме вежӱгты нӱӱти,
Кӱть и лои сы бӱрын.

Ог зӱль важ вӱсна кыйны,
Бурджык туйӱ ог пуксьы,
Некор ог юась, мыйла
Тӱян радейтчӱм дзугсис.

Ковтӱм майшасьӱм вена,
Ставыс ас кадӱ воас —
Лоан медводдза меным,
Тӱныд медводдза лоа.

Тадзи овлӱ оз шоча —
Шудыд ылысь оз горзы,
Нӱӱжӱӱ матысмим воча,
ӱта-мӱднымӱс корсиг.

И со тӱнӱ ме аддзи,
Лои шудаӱн збыльысь,
Шуам ӱтвылысь тадзи:
Овны босътчамӱӱ выльысь.

Шудным сюри кӱ киӱ,
Сӱӱӱс донъявны кужам,
ӱти туй ӱнӱ миян —
Сӱӱӱс ӱтвылысь вуджам.

Эн видзӱд сы вылӱ, эн видзӱд...

Эн видзӱд сы вылӱ,
Эн видзӱд!
Эн менӱ вильшасьӱмнад дойд.
Ме тӱнӱ сӱӱлӱм шӱрын видза,
Ме тӱӱн ола лун и вой.

Нӱр чалльӱн радейтчӱмным чужис,
Со, мича дзоридз нин.
Эн чег.
Ме тӱнӱ радейтӱ, кызз кужи,
И тӱ кӱ кодзалӱн,
Ме эг.

Век тӱнӱ радейтны ме кута,
Оз некор муслун чусмы, сӱм,
И ме нин сӱмын сыысь шуда,
Мый вӱтӱн вашка тӱнсьыд ним.

Эн видзёд сы вылѳ,
Эн видзѳд!
Эн менѳ вильшасьѳмнад дойд.
Ме тэнѳ сьѳлѳм шѳрын видза,
Ме тѳн ола лун и вой.

Тэд

Кор ми аддзисьлімѳй,
Ог и куж нин шуны,
Гашкѳ, весиг нимѳй
Та дыранад вуні.

Вермас лоны, мѳдкѳд
Лѳсьыд сѳрни кыан,
А ме коли ѳткѳн
Визув олѳм гыас.

Дерт жѳ, тэныд веськодъ,
Кыдзи ола-выла.
Кыв-мѳд шуны эськѳ,
Да тэ мясянь ылын.

Но он шогав век ѳд
Шудсѳ воштѳм бѳрын...
Янсѳдчимѳй тэкѳд
Ой и важѳн —
Тѳрыт!

Тѳвся карын...

Тайѳ карыслѳн оласног аслас и мич,
Уна туй гѳгѳр разалѳ тасянь...
Дона карѳй, тэ мянѳс питшѳгад видз,
Мед эг кымѳй и некод эз казяв.

Менам киясын мусалѳн небыдик ки.
Чѳла видзѳдам ми синмысь синмѳ.
Миян сьѳлѳмъясын чужысь югыд би кинь
ѳта-мѳднымлы пыдїѳдз инмѳ.

Пѳся окала мусалысь чунь бѳрся чунь,
Тѳвся шондїыс югѳръяс койѳ.
Дона кар, ассьыд синъястѳ здук кежлѳ кунь,
Сѳки лоа ме вѳвлытѳм збойѳн.

Ичѳт кодзув моз дзирдышталѳ эзысь пуж,
Дзуртѳ лым, и ми тан сѳмын кыкѳн.
Сыысь эн дивит, кар, мый ог лысьт да ог куж,
Лоа дзебасад шудаѳн сьѳкод.

* * *

Мый нѳ синъястѳ дзебан,
Югыд ѳчкиа ныв?
Тэнад сѳрниыд небыд —
Паныд шуѳм он кыв.



Весиг нюмъёвтны полан,
Абу мукӧд кодъ збой,
А вот вӧтӧ мем волан
Он нин медводдза вой.

Аддза, пырмуніг, кыськӧ —
Тэнад век удж да горт.
Ёна, тыдалӧ, кыскӧ
Аслад ай-мамлӧн борд.

Но ӧд нэм чӧжыд накӧд
Ӧти пыжын он кывт.
Скӧрман он, окышта кӧ,
Югыд ӧчкиа ныв?

* * *

Физика да лирика,
Юркӧд сьӧлӧм мирита.

Лунысь лунӧ, воысь воӧ
Мунӧ помасьлытӧм кось —
Сьӧлӧмӧйлы бур здук воас,
Юрӧй щӧтятся: оз позь.

Кӧні лӧсялана шӧрыс,
Медым водзӧ кось эз мун,
Медым йиджис вояс бӧрын
Сьӧлӧмӧйлы мывкыдлун.

Сӧмын олӧмын ни уджын
Бурӧ велӧдӧм эз туй:
Важ моз кӧдзыд юрӧн вуджа
Пӧсь сьӧлӧмӧн индӧм туй.

* * *

Ас нэмӧн кытшовт тэ став мирсӧ
И челядьдыртӧ ылӧ коль,
Но ӧтчид аддзан: вӧв со йирсьӧ,
И матын визувтӧ сӧдз ёль.

Тэ чуйман сэк да чӧла сувтан,
Тэ татшӧм аддзысьӧмлы рад,
И мый тэд ошкӧм либӧ увгӧм,
И ылын бокын кольӧм кад.

Збыль олӧм гажсӧ аслыд восьтан,
Мӧд серпас татшӧм шуд оз вай.
Тэ сямӧд чибльӧг кыськӧ босьтан
Да юан енэж сора ва.

Тэ вӧлись тӧдны кутан стӧча:
Меддона тэд — ас му, ас горт...
И весиг пиняд воысь пӧчӧ
Тэ водзын — медся чина морт.

* * *

Ми олём олам
Огё сёмын ассыным —
Важ йёзлысь,
Да и выльяслы туй дасьтамой.
Поль-почьяс миян пытшкын
Водзё олёны,
И миянкёд тшётш
Радлёны и полёны,
Эз ор мед рёдлён олан туй
Еньюгядас,
Ёд орёмыс и налысь олём
Дугёдас.
И ме тшётш водзлань
Надеяён видзёда,
Мый бурыс эм,
Внук-внучкаяслы вичмёда.
Мед вояс, нэмъяс
Коставлытёг лэбёны,
Мый лоё,
Ёнъя олысьясось дзебёны.
Но, тёда,
Ылыс нэмъяс пырыс воамой,
Ас рёдкёд
Сьёкыд здукё
Ётвыв лоамой.

✕ ✕ ✕



Нина КУРАТОВА

Чеччыштны увлань юрөн

ПОВЕСЬТ

Талун пыригкостаыс жö шыасис ныв дорас:

— Гортын нин? Чай пуодны көть пуктін эн?

— Эг, мамö.

— Тэ нин пуктан...

— Ме кухняс эг на удит пыравны. Дай кынöмöй оз сюмав. Вукöдö...

— Вукöдö-ö?— пыр и сирасис мамыс тайö кыв дорас.— Сёйöмысь оз жö вукöд! Тэ, нылö, абу эсійötö!

— Мый сійö «эсійötöыс»?

— Ак тэ, кыраланка! Юасьö-ö...— мамыс скöрмис да кватитіс диван вывсьыс пöдушкасö, шыбитіс нылыслы.— А он думайт: чурка кутан быдтыны?!

— Ловъя бать дырйи абу жö чурка! Быдтам! Тэныд и ковмас видзны, чужта да! Сетамö кө ещö... Сылөн и мöд баб на лоö, мелі да шань...

— Эсійö деревенскöйыс?! Оз ло некор сідзи! Да ме бурджык... Киллерöс медала! Аслам киён джагöда!

— Мамуля, дугды! Мича китö лякöсьтан! Шыд рачтö мыскыны полан-а, пыр папöс тшöктан.

— Сійö, куш юра кодзöм ужыс, сы вылö и эм...

Асланыс шум шыö эз и кывлыны эня-ныла көзяиныслысь воёмсö.

— Пöжар ли мый нö? Ывлаöдзыс тай нö кылö горзöмныд,— шыасис сійö да пондіс пöрччыны вывсьыс плащсö.— Йöзсьыс көть мед яндысинныд.

— Яндзымыс лоö сэк, кор кынöмыс чургыяс!— вувзысис мамыс верöсыс вылö да дзик пыр и кватитчис морöсас, тракйыны кутіс:— Мед вöлі талун жö нуöма врач дорö! Тэнад эмöсь тöд-саясыд! Перйыны колö, пока абу сёр!..

— Мамö! Папа!

Надя ставнас матö воöма, то чургöдлö кисö мамыслань, мед öвсяс да лöняс, то батыс сывйö уськöдчыны дась, мед сійö мездас да дорйыштас ярмöм мамсьыс. Батыс Надялөн, ёна гежöд-мöм юрсиа, ыджыд туша-рожаа, пырджык небыд гөлöса да лөнь, ичöтысянныс нывкасö ёна радейтліс и öні дась вöлі аснас дзебны нывсö мам ышмöмсьыс, но эз тöд, мый шуны ни мый вöчны. Морöсас шашаритчöм гöтырсö тойыштны да кевман гөлöса нывсö сывйыштны, гөлöссö сетны ли,— петкöдлыны, коді көзяиныс гор-тас. Но сідзи и эз ышты нинöм шуны.

Гöтырыс бара уськöдчис сы вылö:

— Видзöдлö! Бать шусьö! Пельсö эз вөрзьöд! Кылан-ö, нылыд чурка регыд ваяс!

* Пом. Водзыс нельöд номерын.

— Но и мый? Ме чайта, зэв бур! Внук али внучка лоӧ!— кияссӧ паськӧдлӧмӧн кыпыда кайтыштӧс верӧсыс да чургӧдӧс кисӧ нылысланы:— Сӧдз абу, нылукӧ?

— Папа, гашкӧ, нинӧм на и абу. Мый водзвылыс... Прӧстӧ вылӧ эз лок ас кадас да...— ляскысис батыс дорӧ нылукыс.

Мамыс татчӧ сьӧвзысис да скӧрйивсьыс ӧбедайттӧгыс и мунӧс бӧр удж вылас.

— Папа, тэ эн думайт нинӧм лӧксӧ Серёжа йылысь. Ме сӧйӧс радейта. Папа, зэв ёна радейта! И сӧйӧ менӧ...— батъ сывъяс вашкӧдӧс нылыс.

Лолита Павловна, ресторан-кафелӧн кӧзьяйкаыс, мыйкӧ частӧ пондӧс лэбавны Москваас. Бӧръяыссьӧ кык лун и ветлӧс да воис ёна вежсьӧма, некод дорӧ сибавтӧм лоӧма. Уджалысьясыс вашкӧдчисны ӧта-мӧдныскӧд, мый пӧ лоӧма кӧзьяйканымкӧд? Эз-ӧ Москваас верӧс сайӧ пет суйӧрсайса кутшӧмкӧ миллионер сайӧ?

Лёша Надеев весиг повзъыштӧс, кор сӧйӧс чукӧстӧс кӧзьяйкаыс ас дӧнас. Гашкӧ пӧ, кодкӧ удтӧс да, рыгъяснас ачым ассъым сьыланкывъяс сьывлӧ да, эг бокӧвӧй артистъяссьӧ чукӧстлы да. Но мыйӧн пырисны кабинетас, Лолита пыр и юалӧс Сергей друг йывсьыс. Оз пӧ тай нӧ пыравлы Сергей другыд, лӧгасинныд ли мый?

— Велӧдчӧ. Семестр пом, зачӧтъяс регыд,— веськодъ гӧлӧсӧн вочавидзис Лёша.

— Но нин... Зачӧтъяс... Тӧда ме сылысь зачӧтъяссӧ.

— Тӧдан кӧ, мый юасян?— збоймыштӧс Лёша.— Сӧйӧ, гашкӧ, кывлӧс: Москваӧ ветлан.

— Но и мый, ветла кӧ?

— Верӧс сайӧ пӧ петӧмыд да.

Лолита серӧктыштӧс да скӧракодъ и шуис:

— Тэ быдтор тӧдан! Збыль петан кад. Комын арӧс бӧрад сӧсся некод оз босът.

— Тӧнӧ?! Босътасны бара-й!

— Гашкӧ, тэ коравны кӧсьян да,— серӧктӧс Лола да чашкӧдлӧскодъ весиг нырбордъяссӧ.

— Мыйла — ме? Серёжаӧс юасян да. Но сӧйӧ, буракӧ, крукӧ нин шедӧма,— нюммуӧс Лёша.

— Тӧда, та вӧсна и интересуйтча,— паныдалӧс Лёшаӧс Лолита да тшап гӧлӧсӧн и содтӧс:— А тэ прав! Ме збыль верӧс сайӧ петӧ. Зэв прамӧй морт сайӧ, зэв озыр сайӧ.

— Иностранец сайӧ?— не то юалӧс, не то ассъыс дӧгадкасӧ висъталӧс Лёша.

Лолита стрӧга шмонитыштӧс:

— А тайӧс тӧныд абу быть тӧдны. Но Серёжаӧс, кора тӧнӧ, аддзӧдлы, чукӧстлы ме дорӧ. Ог ӧд ме ачым сы дорӧ университетас мун, патераас ли...

Университетсьыс воӧм бӧрын мамыс Серёжалы пыр и юӧртӧс, Лёша другыд пӧ пыралӧс да тшӧктӧс тӧныд сы дорӧ удж вылас волены. Лолита Павловна пӧ корӧ. Ог тӧд сӧмын, мыйла тэ ковмӧмыд налы?

Серёжа пыр и тэрмыштчис:

— Ветла, тӧдмала.

— Ветлы да эн дыр манитчы. Надяыд кӧсйис волены. Пывсянӧ мӧдӧ. Корӧсь юалӧс, да кори, эм, мися, волы. Магазинын паныдасълӧм да...

— Манитчышта кө өд... Метөг сет корөссьө дай,— веськодъ-пырысь шуис пиыс да мамыслы тайө чушискодъ, но чушөмсө эз петкөдлы, а шуис:— Пывсян бөрас инө аддзысьланныд, кургыштанныд. Пывсянбөраса чай инө дасъта.

— Вот и юй дай,— дөжныштіс пиыс да тэрмасьөмпырысь и петіс.

Сылөн лолыс ставнас кыпъяліс, эз мун, а быттьө лэбис. Коммунистическөй улича вуджиг тайкө и машина улө эз веськав, светофор вылас видзөдтөг и мөдіс туйсө вуджны да.

Но кор пырис Лолита кабинетө, пыр и уси ловнас. Лола абу өтнас, сы дорын пукалө Щанов, Лолалөн веськыд кийс, бухгалтерыс. Пызан вылас руасьө чашкаясын кофе, дукуыс лөсьыдика гильөдө ныртө. Щанов, кыдзи и пыр, шыльыд гөна лөнь кань кодъ, но тайө разыс чужөмыс сылөн гөрдөдыштөма, буракө Серёжа пыртөдз на костын вөлөма ыджыд сёрни.

Мыйөн Серёжа пырис, Лолита радпырысь уськөдчис сылы паныд, сывйыштіліс, окыштіс пель боксө да кыпыд гөлөсөн шыасис:

— О, коді локтө! Зэв на и кузь кокыд! То миянлы муртса пыртисны кофе! Тэныд кисътыны? Да тэ пуксьы. Сёрни эм.

Серёжа ыждалыштіс, ме пө гортын муртса на нуръясьышті да оз ков.

Лолита дөзмөмсө петкөдліс шмоньпырысь, шыасис Щанов дорө:

— Аддзылінныд, Николай Дионисьевич?— менам любимчикөй ичөтик невежа, весиг аттьөсө эз шу, кофе стөкан бөрынтьіс да. Ковмас норасьыштыны вежайыслы. Кстати, Иван Михайлович талун пыраліс жө ме дорө, муртса муніс. Көсйис тіяно мамтө видлыны пыравны. Пөлинө, кыдзи мамыд? Здоровйөыс кутшөм?

— Öні быттьө ничево тай,— вочавидзис Серёжа да содтіс:— Пасибө.

— Вот öні ме аддза культурнөй том мортөс,— шуис Лола да мичаа серөктіс, кутыштіліс крепыдика зонтө.— Сідзи и окота меліалыштыны этайө красавецсө, упрямецсө!

Щанов зэв ньөжйө, тшапа юис кофесө да чашкасө пуктөм бөрын мыссьыс кань моз и чышкаліс уссө да вом доръяссө, шуис:

— Но, том гулюяс, ме, пөжалуй, муна, ті асьныд лөсьөдчөй и сёрнитөй.

Лола сылы гогнитыштіс юрнас, верманныд пө мунны, да пуксис аслас пызан сайө, шыасис Серёжа дорө:

— Пуксьы, сёрни и збыль эм,— индіс дзирдалан чунькытша кинас аслыс воча улөс вылө, сэсся вом дорсө кыдзкө мичаа юмбыртлөмөн нюмдіс:— Öти-кө, верман менө чолөмавын: петі верөс сайө. Свадьбаыс, дерт, эз на вөв, но чунькытшасьөмыс лои нин. Алекс менам зэв шань, озыр морт. Поляк. Польшалөн став парфюмерияыс, лыдды, сы кийн. Перспективаыс менам, ачыд аддзан. Но... Ме ог вермы кольны таті ассъым «Политикөс», көть тайө здукас. Эг на помөдз вөчны вермы, мый көсйи. Тэ өд төдан... Но Интернет... Тэ аддзылін, миян кафеын мыйта пыр йөзыс! Тэнад Лёша другыд и то электроннөй почта пыр корсьө гөтыр вылө мичаник француженкаөс! А Алекс менө нуны көсйө Польшаө. Миян пө медся мича панияс и тэ пө лоан налөн царицаөн. А ме ог вермы лоны царицанас. Сійө татчө оз көсйи воны. Вот татшөм менам, царицаыдлөн, делөяс. Тэ гөгөрвоан, Серёжа? Гашкө, мездан да? Вежан менө? Дерт, тэ томиник на, абу на дась татшөм удж вылас. Но ме тшөкыда кута воыны. Мый нинөм он шу, сідз

видзодан ме вылө? Чайтан: йойми? Эг. Но верма. Кодлысюрө эновтны, сідз кольны таті ме ог вермы. Тэныд көсйи... Но аддза: аслым на ковмас кольччывны кутшөмкө кад кежлө. Но ме, шуи тай, верма йоймыны и мырддыны тэнө невестаыдысь. И прөщай сэки менам Алексой и став польской парфюмерияыс! Тэ тайос көсьян? Сергунчик, но жө, сет кутшөмкө воча кыв.

Лолита, төдчө, ловнас ставнас ыззьөма, но зільө кутчысьны. Вильыш нюмыс петыштлас кө, бөр дзебсьө, кыпыд гөлөсыс вежсьө садь да лада гөлөс вылө.

Сылысь сёрнисө кывзигчөж Серёжа кыв эз шулы, ыштө чолөмала, али жалита, али вежөгта. Төдіс: радейтө тайө барышняыс вильшасьыштны. Москваясті, суйөр сайті ветлігас велалөма ышмывны.

Серёжа көсйис нин скөрмыны да тайос и шуны, но мыйкө кутыштіс жө койыштны Лолалы татшөмторсө, да збойника мөдтор шуис:

— С законным браком, сідзкө, Лолита Павловна! Ме зэв рад тіян вөсна! Но, а ме кузя тіян сёрниыд, ті асьныд төданныд: абу менам удж рестораныд. И кутшөм меысь веськөддысь? Менам — Енмыс, енэжыс да му-ваыс. Тэ өд төдан: геология бөрийи. Вот велөдчынысө кызди? Университетсө помавны? Мамө висьө, радейтана нылөй регыд ваяс, а стипендия менам... босьтігас чунь костті вошө...

Серёжалы лои жар, мышкуыс көтасис. Сійө тэрыба разис сьылі вывсьыс дөрөм кизьсө, водзө нуөдіс:

— Лола, улөдз копыр и аттё тэныд, абу вунөдөмыд да, со и бур места вөзьян. Но, ачыд төдан: лөсвятөмтор сійө. Төвся ка-никульяс кежлө кө уджтор меным индыштан — бур лоө. И ог вунөд сійө буртө.

Серёжа татчө кузя ышловзис, а Лолаыслөн серамыс петіс.

— И та мында тэныд сөмын колө?! И по заслугам мынтысян?— горөдіс сійө да мича чунькытша чуньяснас пондіс йөктыны да тотшөдны пызан кузяыс. Сэсся кималаснас прөйдитчис пызан пөв кузяыс, быттё мыйкө ковтөмтор чышкыштіс, да шуис:

— Аддза тэныд уджтө! Тэ плебей, и чайта: тэныд сійө кажитчас! Сөмын, өтчыд көть, ковмас менө окыштны!

— Окышта. А кутшөм удж?— вельмыштіс жө Серёжа да падъявтөг и юаліс.

Мөдыс падъявтөг жө пондіс висьтавны.

— Төдан, ме коркө гарыштілі нин, рынокын, мися, менам дас вузасян точка. Куимыс вевт улын. Сэні миян нывьяс сёян-юан вузалөны. Сизим точкаыс ывла вылын, палаткаясын. Паськөм сэн, бельё, чачаяс... Прөдукта вузалысьяслы отсөгыс пөшти оз и ковымыв. Сідз, шочиника. А вот палаткаясын — мөд делө. Асывнас, рынок воссигкежлө, колө босьтны төварсө складысь, вайны палатка дорө, сдайтны вузасьысьыслы честь по чести. Вайин — на тэныд кызь шайт! Наличнөйөн! И гуляйт, Ванька, лунтыр, көн көсьян. Но рыгнас, рынок тупйысигкежлө, мед тэ вөлін сэні нин, палатка дорас, вузасьысьыслы төварсө вой кежлас бөр нуин да сдайтін складө. Нуөмсьыс бара босьтан кызь шайт.

— И ставыс?!— Серёжа весиг чеччыштіліс места вывсьыс.

— А мый, этша тэныд?— серөктіс Лолита.

— Да абу этша! Кокни зэв да?

— Збыль кокни. Юртө оз ков жугөдны. Лысьөмыд тэнад кодь өшпилөн оз жө ёна жугав. Но учтит, сизим точка менам. Сизим-

нансö и колö тэрыба могмöдны. Нажöтка тэнад лоö: асывнас кызь да рытнас кызь жö. Артасьныс кö кужан — кызь да кызь лоö нелямын. Нелямынсö босьт сизим вылö. Мыйта лоö лунся нажöткаыд?

Серёжа шутёвтіс:

— Кыксё көкъямысдас шайт! Вот тайö да! Вот...— Серёжаöс босьтіс шензьöмыс да водзö мый шуны и кывсö эз аддзы дыр, а сэсся аддзис жö тай, кайтыштіс:— рыночнöй система...

— Да, вежапиö...— нюмдыштіс Лола да сэсся ачыс ассъыс и быттö юаліс:— А сійö дядьсö, коді сэні уджалö нин меным дыр да честь чөстью, кытчö вошта?

Серёжа тшöкмуніс:

— Да, збыль? Но и но... Олөм жö пуксис... Рыночнöй... Тьфу ты!

— Но ме отсала тэныд, көсийси кö,— Лолалөн гөлөсыс такöдыштіс зонтö, и сійö видзöдліс ныв вылö кутшöмкö мойдса фея вылö моз.

Феяыд шуис:

— Прокопьевичöс ме индыла грузчикөн Москваыс төвар ваялан пульман вылö. Рад на и лоö лолыштыны быд лунся ноксьöмсьыс.

Серёжалы кажитчис феялөн татшöм мөвпыс, но эсійöс, пульманывса грузчиксö, кытчö?

Тайöс и юаліс Серёжа, да Лола сераліс сы вылын дыркодь. Но пö и тэ бур сьölöма зонка. И быдтор тэныд тöдны колö. Да медсылөн мöд грузчик отсасьыс лоö! Тэ дөвөлен?

— Но, позьö шуны: да,— став вом тырнас нюмдіс Серёжа.

Лола тшöтш нюмдіс, чеччис улöс вывсьыс да пызан вомöныс и нюжөдчыліс, да зонмöс чмокнитöм бöрын серам сорөн шмонитыштіс:

— Көсийи, мед тэ окыштан, а аслым ковмис. Тайö миян костын договор. Виль во аски асыв кежлас ло дась. Прокопьевич тэнö кутас виччысьны склад дорас. Сы дорын тэ öти лун велөдчан, а сэсся ачыд... Мукöд удж, тэныд лөсяланаыс, менам абү. А öні окышт менö да мун. Юрöй мыйкö висьмис.

— Муна инö?

— Чөвлы, нöшта окышта да мун. Мамыдлы привет висьтав... Ой, ноко нөрөвитлы, висьысьыдлы гөснечтор ну, ме буфетö пөтала.

Кильчö помас петöм бöрын Серёжа сулаліс да дзоръяліс дыр. Уличаыс öзйис нин электричөскöй биясөн. Вылын, пөмыд енэжас, мыччысьöмаöсь нин кодзувъяс. На пөвстын öти ломалö медъяра да быттö и мигаитыштö на. Сыкөд пöшти орччөн мöд кодзув, чусыдджык.

«Тайö чусыдыс — ме»,— мыйлакö друг думыштіс Серёжа, а орчча ярьюгыд кодзувсö шуис Лолаөн.

Серёжа чатөрвидзис, видзөдіс тайö кык кодзув вылас да мыйлакö зэв тшöкыда ышлоаліс. Сы дорті тэрмасьöмөн мунлісны йöз, кодъяскö — водзö, кодъяскö — «Политик» ресторан кильчөланы. Ресторанлөн мыгöрыс уна лыда бияссьыс ставнас югвидзö да кыскö быттö йöзсö пылесос воронкаö моз. Сысянь кылыс музыкаыс яр би мозыс жö чуксалö гажөдчыны радейтысьясöс. Кутшöмкö пара, сы дорті прöйдитіг, тайкö оз тангысьны, да нылыс ропкөдчыштöмөн, кылö, шуис:— Бөлван, туй вылас сувтöма, вомсö паськөдöма...

Найö кежисны ресторанланы, сійö öдзöс сайö вошины. Тайö

быттьö лои сылы чукöстан сигналöн. Тшöтш веськöдчис ресторан öдзöслань. Кыкöныдлы гажаджык лоö Москвасянь звöнитöмсö виччысьны. Тайö вельмöм думнас и пырис Лола дорö кабинетас.

— Зэв тай нö дыр ветлан?— гортас пыригкостаыс и паныдаліс мамыс Серёжабс.

— Мый нö дырыс?— кыпыд гөлөсөн шыасис пиыс.— Сэтчö вед мунан кö, другöн он мын. То öти чукöстö, то мöд. Ставныс öд тöдсабсь. Зэв пö шоча волан, шуöны, да сёрни-баснинас мани-тöны. Ме сідз нин тэрмаси.

Серёжа шур-шар пөрччысис да мамыс бөрся пырис ыджыд жырьяс. Сэні ичöтик пызан сайö лöсьыдика меститчöмабсь Надя-ыс да суседкаыс, видзöдöны телевизор, пöсь чай чупканмоз гажаа серöктыштлöны.

Надяыс пöсь пывсян бöрад да чужöмыс öгралö кельыдгöрдөн, кыпыд серамсьыс мича пиньясыс ставнас еджвидзöны жемчуг сикöтш мольяс моз. Ва юрсисö лэдзалöма, пасьвидзö пельпом пась-талаыс. Таысьсылöн вуджöрыс стенас кажитчö борда ангел кодрөн. И ачыс Надя ставнас югзьö. Серёжалöн дрöгмуні морöс пытшкыс и сэтысь петіс кутшöмкö курыд дум, кайис горшöдзыс, кутіс пöд-тыны. Таысь вомыс тöкөттьö вежыньмунліс да синсьыс бырснитіс синва. Синвасö чышканмоз и сибöдчис чай юысьяс дорад, мудер-луныс тырмис жö, да кыпыда кайтыштіс:

— Синмös ёрис. Сэтшöм мичабсь да шоныдикöсь пукаланныд, чай юанныд! Кузь менам кокöй, тэрмаси-локті! Меным тшöтш кисьтöй!

Серёжа чабралыштіс кияссö, быттьö нин ёна кымöма, да пук-сис Надяыскöд орччөн, кутыштіс сійös коскöдыс. Надя нинöм эз шу, сöмын мелі нюма видзöдласнас дзоркнитліс сы вылö.

Суседкаыс,— но и паськыд да кальöг вома,— пыр и шыасис:

— Мый и тэрмасин? Гусясьысьяс сöмын тэрмасьлöны. Öгö удзöдöй! Пуксьы! Миянлы и тэтöг гажа вöлі, Петросян со гөг вуж ортöдз серамös петкöдлö да. Суин кö и тшöтш миянкöд сералышт. Надя дорад да, аддза, шоналін нин-а.

— Шоналі дерт жö! Нöшта кö ещö пöсь чай да Петросян!— вом тырнас шпынняліг горöдіс Серёжа, эновтіс Надясö, муніс кухняс да вайис сэтысь блюдья чашка, вöзйис суседкаыслы:— Тэ-ныд, Каттьö тьötка, кивывджык, кисьтышт мем пöсь васö, завар-касö ачым пукта. То тай «Липтоныс» тані. Кампет и! Пир дай сö-мын!

— А кыдзи нö, пöсь пывсян бöрас?! — мамыс вайис кухня-сянныс тöрелкаын чукъя пöсь аладушкаяс.— Ужын и лоö аладья-нас чайыс. Сөйöй. Да тэ висьтась, пиук, мыйла корлöмабсь?

— О, мамö...— Серёжа вом доръяснас инмöдчыштліс чай чаш-ка дорас да ютöгыс и бөр пуктіс пызан вылас, ошйысьмöн моз и горöдіс:— Мем сэтшöма удайтчис! Тöвся каникулъяс кежлö сэтшöм удж аддзи! Часлы, висьтала, чайсö юышта да. Збыль, ве-зитіс... Надя, тэ кылан?

Серёжа лöсьöдыштіс Надялысь юрсисö, окыштіс бан боксö да пуксис ськöд орччөн. Кыскыштіс асланныс чай чашкасö.

Мамыслөн петіс кыпыд нюм, чöвтыштіс пернапас:

— Но и слава богу! — шуыштіс да тшöтш пуксис пиыскöд орччөн.

Выль во кежлö нарошнö быттьö Енмыс гажöдöма тадзи ывла

вывсö. Эзысьöн дзирдалысь гыöр пушыда вöччöдöма карса улич пöлөн сулалысь пуяссö да лажмыдик кустьяссö. А рыт кежлас сöдз енэжö жалиттöгыс и койыштöма уна лыда кодзувьяссö. Налөн дзирдыс вермасьö электрической лампочкаяс дзирдкöд, лöсталысь лымья эрдыскöд. Кажитчö, быттö мойдö веськалін. А кар шöр-сянь, ыджыд коз пу дорсянь, музыка да йöз гажöдчöм шыкöд локтö и свежой коз пу сир дук да праздниклөн быд сикас дукьясыс. То сэн, то тан вильышмöм челядь чермунтöдзыд повзöдасны хлопущаöн, öзйöны бенгальской бияс. И тайö став дукьяссыс да шыяссыс чайтан, мый и сынöдыс ставнас юргö, чуксасьö, чолöмасьö. Став мир пасьтаса войтыр и енма-муа костыс чолöмалöны мöда-мöдсö Виль воён, кызь öтикöд нэмлөн медводдза воён, виль коймöд тысяча вояс заводитчöмөн. Быттö сідзи и кылöны гөлöсьяс:

— Думыштчылöй, войтыр! Кутшöм кадö ми олам! Кутшöм шуд уси овны тайö кадас! Мый миянöс виччысьö аски? Кутшöм виль вермöмьяс али воштöмьяс?!

Кар шöр площадь вылын, ыджыд коз пу дорын, а сэсся карса уличаяс кузя восьлаліг, Сергей Колипов кыліс вемöсын моз тайö став чуксасьöмьяссö да вашкöдліс орччөн восьлалысь Надьясылы меліа да нимкодя:

— Да, да, ми буретш тайö кад кежлас чужлім, олам, радейтам!

Найö öта-мöдыскöд кутчысьöмаöсь, восьлалöны ньöжйö, сувтöмөн нимкодьясьöны ывла вив мичнас, шмонитöны, окыштчöны кадысь кадö да кыпыда чолöмасьöны паныдасьысь тöдсаяскöд, университетса ныв-зонкöд.

Тайö вöлі колян वोся декабр комын öтиöд рытö да Виль волөн первой луннас да рыгнас.

А талун Виль во, январ мöд луныс нин. Пемыд на, лöзалöмыс на оз тöдчы. Чайтан, и став мирыс на узьö-шойччö кыпыд праздник колльöдöм бöрын. Но мамыс Серёжалөн чеччöма нин. Мелі гөлөсөн, пöшти вашкöдöмөн катö писö:

— Серёж, пиук, регыд сизим час. Чеччы, мыссьышт кöдзыд ваён, мед палялан, да мун, дитя. Пöсь сёянтор ме дасьтi нин.

Ой, сизим час асывнад чöскыд жö том зонмыдлөн унмыс! Нöшта эськö сыркнитыштны, но колö чеччыны. Серёжа ырситö вольпась вивсьыс, тэрыбиника, кызсюрö лöсьöдыштö крöватсьö да котöртö мыссянінас.

Мамыс видзöдö сы бöрся да шыньмунöмөн думыштö:

— Бать кок пöв, пиукö... Сійöс, шондібан, эз жö ковалы кыкысь чукöстынытö. Ырснитöмөн жö пыр чеччывліс удж вылас.

Кухняас пырöм бöрын мамыс сэсянь нин чукöстчис:

— Мыссьышт да лок, пиук, нурьясьышт сэсся. Ывлаыс нöшта на кöдздöдöма. Ывла вылын öд тэд ковмас кузь асывкодсьö коллявны.

Пиыс лöня, нинöм шыавтöг, пырис кухняас, панясьыштiс, юис чай да бара жö лöня пондiс пасьтасьны. Паськөмсö рытсьяныс дасьтылісны, да корсьысьны да виль пöв ас вылас мерайтны эз и ковмы. Серёжа дась кутчысьны öдзöс вугьяс. Мамыс пондiс благословитны писö. Серёжа татчö дöзмискодь:

— Мамö, быттö армияö колльöдан. Ог öд кытчöкö мöд муö мун.

— Сідз эськö, пиук, да... Мам сьöлöмыд тай... Но, мун инö, бласлö крiстос...

Татшөм водзтö некор на Серёжа эз эновтлы шоныд гортсö да кильчö помас петöм бöрын и дрöжмуніс. Ывлаыс ыркалöма буракодь. Выхь во кешлö гажöдöм мичыс абу на вошöма. Пуяс век на эзысьöн дзирдыштолöны, вевттысьöмаöсь гыöрöн. Енэжсянь видзöдчö югыд тöлысь, кодкö öти дорсö курччыштöма да абу нин ыргöн таз кодь гöгрöс. Дзик на тыртöм карса улича выхь. Öти машина тай, фаранас югнитлöмöн, тöвзис сы боктi кытчöкö.

Но рыноклань матысмигöн тшöкыда пондiсны вуджрасьны йöзыс. Лымйыс дзуртiс на кок улын, да Серёжалы весиг лои гажа. И со пö ме тшöтш петi татшöм водзсö улич вылас. Муна уджавны.

Рынокдорса керка пельöсö и унакодь йöз нин чукöрмöма. Жöйялöны кыза пасьтасьöм кымынкö нывбаба, а на гöгöр бергалöны пöкмелляöн висысьяс, дзайгöны:

— Тьöтушö, «Трояыд» кöть эм-ö? Выручит...

— Вехь дзайган! Вехась! Абу ме миллионер, быдöнлы козьнавны ог вермы!..

Дамочкаыд мыйкö горöдлiс, ыждавны на кутлiс, но аддзис на дорö матыстчысь Серёжаöс, сирасис сы дорö:

— А вот тайö дядыс — настоящей мужик! Рубтö сетас, оз скупитчы!

Серёжа шай-паймуніс, но пöрччис кепысьсö да пырис зептас. Мыйкö сэн шарöдчис. Перйис кымынкö дас ура, мыччис дамочкаыды:

— То быд ставыс.

Дамочкаыд кватитöмöн босьтiс да видзöдлiс, уна-ö сетiсны. Аддзис дас ураястö, босьтчис пинясьны. Мыйтö сöмын и эз шуав! Абу пö тiян, мужичöйяслөн, некутшöм пыдди пуктöм нывбабаяссö! Онö гöгöрвой: нывбабалы окота лои юыштны! Чайтанныд, ыджыд раддунысь юа?..

Сiдзи, нывбаба пинялöм улас, и пырис Серёжа рынокö нуöдан воротаöдыс. Татшöм ывлавывса кабаксö Серёжа и думыштныс эз кужлы да ёнакодь и шензыштiс, но кор пырис рынок öграда пытшкö да аддзис уна лыда ноксьысь йöзöс, сувтовкерöмöн ышловзис: «Ема-ем!» Быдөн мыйкö ноксис да кыкис — ыджыд сумка, мешöк, ящик... Ыджыд дадь вылö тэчöма чукйөн, кык дядьö кыкöны гырысь тубрасьяс, мешöкьяс, ружтöны, горзöны, тэрмöдлöны водзас кыйысь кöзяинсö, кодлөн чукйөн сöвтöм доддыс некыдз оз кöсйи вöрзыны. Медвылiсьыс усьöм велосипед вехькалöма додь полоз улас.

Шум, матькöм, горзöм, чилзöм, дадь полозлөн шливгöм — тайö став шумсьыс, ноксьыс Серёжалөн дась вöлi юрсиыс сувтны. Сылы чайтсис, мый оз йöзыс, а енэжыс ставнас ышлолалö, горзö, матькö.

Талунöдз Серёжа чайтлiс, мый олöмыс пуö школаясын, университет залын, магазинын, автобус сувтанiнын, а вöлöмакö... То кöнi олöмыс пуö! То кöнi уджыс мунö! И Серёжа талунсянь кутас... Со нин и складыс, кысянь тыра доддясыс вехькöдчöны тыртöм палаткаяслань. А палаткаыс мыйта! Найö артмöдöмаöсь уличаяс! Уна улича! Лун кешлас быд тыртöм палатка лöй тыр быд сикас тöварнас. Мый лолыды колö, быдтор эм сийö палаткаясас. Серёжа кымыныськö волiс нин рынок вылö, прöйдитлiс палаткаяс пöлöныс, тöдö. Но со сийö склад дорас нин. Склад öдзöс вехьса. Пытшяньныс тыдыштö би да кылöны гөлöсьяс, чуксасьöм, горöдлöм, кутшöмкö номерьяс лыддьöдлöм.

— Куимсё дас витёд номер! Эй, коді сэн, эм абу татшөмыс?!— кылö пытшыньыс мужичöй гөлөс да нывбаба горөдөм:— Борис, көні тэ, етиттвой!

Мышсяньыс Серёжаөс кодкө тойлалө да пинялө:

— Мый сувтін? Мешайтчан! Менсьым номерөс шуисны...

«А менам номеръясыс...— друг кватитчис Серёжа,— ме ог и помнит палатка номеръяссö, висьтавлісны эськө да. И кытысь татысь аддзан рыжöй тошка Прокопьевичсö? Гашкө, и эз на лок да? А колөкө, склад пытшкас нин виччысьö? Ок эськө жö да... Сёрнитчимö жö тані аддзысьны... А абу. Гашкө, оз и лок да?»

Мышсяньыс кодкө сійөс чорыдакодь и тувкыштіс да гажа гөлөс:

— Тэ, паря, тан нин?— лөньюдіс Серёжалысь пессьысь сьö-лөмсö.

— Көкъямыс кежлө шуим воны, вот и вои,— шыасьö Серёжа ассьыд дон төдан гөлөсөн.

Прокопьевич лапнитлө сылы пельпомас да тэрмасьтөг и шуö:

— Мед но пока кызвыныс ушумгайтчас. Нинөмла тэрмасьнысö. Тэрмасын — кокнад сконъясян.— Прокопьевичлөн серамыс гы-гыөн петыштіс йөз шусьөгсö гарыштігөн. Серёжаөс ки полөдыс босьтөм бөрын вөзйис:

— Вай, другö, палаткаяс дортіыс прөйдитчыштам. Видзөддам, коді медводз воөма да вуджрасьö палатка дорас, сылы и медвойдөр ваям. Миян öд сизимөн. А ставыслы другöныд он вай...

И збыль öд...

Сизимнан точкаас төвар разөдөм бөрын Серёжа брөд пөсяліс. Нетшыштіс шапкасö, гыжйыштіс юрсö да шыасис Прокопьевичыс дорö:

— А нөшта мый кутам вөчны?

Мöдыс серөктіс:

— Мый көсьян! Йөкты, сьыв! Мун сур ю! Ме öти өртөс татысь көсья аддзөдлыны, эсылань ветла. А тэ рытөдз прөст. Вит кежлө лок, эн сёрмы.

Прокопьевичыс шуис тайөс дай пондіс ылысмыны Серёжа дорысь. Серёжа сулалыштіс на. Друг сылы юрас воис мөвп: ыджыд даддыс нө пö көні, мыйөн төварсö разөдісны палаткаясас? Кытчö Прокопьевичыс воштіс? А рытнас кө оз лок Прокопьевичыс да өтнаслы ковмас Серёжалы чукөртны төварсö палаткаяссыс да сдайтны складас?

Серёжа чепөсйыліс нин, көсйис вөтөдны өртсö да юавны, но мыйлакө яндзим лои, ичөтик зонкаөн пö чайтас сійөс Прокопьевичыс. И веськөдчис кирпич павильонлань. Зептас вöлі тырыс сьөм. Дасаяс, дасаяс. Уна-ö, оз төд. Прокопьевичыс торйөдчигас сюйыштіс зептас. Босьт пö, нажөвитін. Öти даса кыскис зепсьыс, ньөбис көкъямыс шайта кутшөмкө юантор да веськыда пластик бутылкасыс и юыштіс. Сдачасö дасасьыс эз и босьт да вузасьыс нывкаыс зэв меліа сылы шуис:

— Волöй нөшта. Менам кока-кола, и спрайт, и пиво эм и...

Серёжа сылы нюммуніс, шеновтыштіс кинас. Талун сійö озыр, мыйла кутас скупитчыны? Петіс ывла вылас. Кытшовтіс видзөдласнас ставсö гөгөр, павильонъяссö, палаткаяссö, ноксьысь-жуысь йөзсö, и кажитчис сылы, мый сійö көнкө вылын, нөрзыйсь йөз юр весьтас. И медем накөд жö лоны, колө чеччыштны увлань юрөн. Усьөм да доймөм йылысь мөвп эз чужлы. Эсійö йөзыс дасьтісны нин сылы усянінас паськыд-паськыд вон.

Рытнас мудзём, но кыпыд лола, Серёжа пукаліс кухня пызан саяс да азыма паняліс яй сора греча рок. Мамаыс долыд нюмён видзёдіс пиыс выло да чов оліс, эз нинём юась ни висьтась. Сёйыштём бёрас Серёжа босьтіс книга да нюжгысис диван вылас, ойёстёмён лөвтыштис да норасьыштис мамыслы:

— Килутшгьяс сэтшөма доймёны! Сой вечикгьяс и...

— Велавтёгыд висясны, дерт,— кайтыштис мамыс да өлөдыштис на киас книгасё босьтёмысь:— Шойччыштін мед сідз. Книга на косьян лыддыны да.

— А зачётгьяссё ме пыдди коді сдайтас? Пушкин?— шмони-тыштис пиыс да восьтіс книгасё, листалыштис.

Тайё кадас и кодкё звөнитіс өдзөсас.

— Код нин сэні?— дөзмөмпырысь Серёжа клопкис-пөдлаліс книгасё.

Пырис суседка Катя тётгьяс, юөртис:

— Кодкё зэв муса ныв гөлөса корё телепон дорё Серёжөс, да вои чукөстны,— пыригкостаыс и висьталіс могсё.

— Мөд могнас тэ мянө он воы да... Грекөвөйтам...— суседкасё лэдзанмоз и шыасис мамыс да чукөстіс писё:— Пиукө, кылан? Надяыд, буракө, звөнитө.

— Ачыс эз вермы пыравнысё ли мый?— ыждагыштис Серёжа да чеччис диван вывсьыс.

— Петав, бобушко, петав, — суседкаыс пырис жырьөдзыс Серёжа дорё.— Меным на и бара позё мамыдкөд варовитыштны.

Шуис тадз да шлопкысис диван вылас.

— Быть өд пет, вөтлан да. Абу асланым телефоныс да,— суседка вылас дөзмөмён моз и петіс Серёжа.

Звөнитіс эз Надя, а Лола. Небыд гөлөсөн сійө дивитыштис Серёжаөс, он тай нө пө и көсйы висьтавыны, кыдзи талун луныс коли. Көсйин пыравны да эн и мыччысьлы.

— Прокопьевичыд эз өмөй доложит ставсё?

— Прокопьевич — сійө өти, а тэ — мөд.

— Талун мудзи зэв ёна да... Эн дөзмы, аски быть пырала. Сёрнитны колө. Ме, пөжалуй, төвбыд верма, не сөмын каникулгьяс дырйи, тэ ордын уджалыштны.

— Кутшөм сёрни! Верман кө, и уджав! Ме благөслөвита! Но аски... Тэ мөвпыштныд он вермы! Алекс локтас ме дорё! Пырав быть, ме төдмөда!..

Трубкаас гөлөсыс Лолалөн воши.

— Алё! Алё!— раз-мөдысь горөдіс на Серёжа, но трубкаыс чов оліс.

«Но и вильышпоз тайё Лолаыс! Сыкөд он гажтөмтчы! А оз кө ылөдчы? Збыль кө Алексыс локтас? Да тайё жө бур! А то Мефи-стофельлы моз ловтө вузавны ковмас Лолалы».

Тадзсё өти гөлөс горзіс да радліс Серёжа вежөрын. Но көнкө морөс кудгьяс лөвтыштис мөд гөлөс, да сійө лөвтыштём шыысь жугылымис Серёжа. Гортас пырис нач виём-нөйтөм кодь. Бур и сійө, мый мамыс да суседка ас костас мыйкө ёна варовитісны да эз казавны зонмыдлысь жуггьясьөмсө.

А здук бөрти воис Надяыс, пыртис ыркыд төвся сынөд көрсө да мича серамсө. Перйис сумкасыс мича көрөб да мыччис Серёжалы. Көзяиныслы пө аслас нажөткаысь одеколон то ньөби. А ме пытшкын ичөтик олысьыслы пө то этайөс. Шарөдчысь мича пакет пытшкын тыдаліс мыйкө зэв еджыдик да небыдик:

— Папыссянь козин ичотиклы чужигкежлас. Скупитчи да аслым тай нинөм эг и ньоб-а. Бать эськө сетліс сьомсö. Ньоб пö асльд козин Виль во кежлас. А мыйкö нö меным öнi лöсялас этатшöм кынöмнас? Регыд рекма да сэки и ньоба.

Надялысь ошйысьомсö да висьтасьомсö кывзигтыр Тасялөн быдлаö суитчысь суседкаыс малыштiс Надялысь чургысьом кынöмсö, юалис:

— Корджык нö көсьян рекмынысö? Чужтан да вежанявнысö кор жö менö! Тайясысь ог жö нин прамöя петав-а. Сэки и нöшта на помкаыс лоö.

Надя ачыс тшöтш малыштiс кынöмсö, вашмунöмөн вочавидзис:

— Коркö мартнас. Мартовскöй кот то, кылö, чужьясьö. Мем шуисны нин: зонка пö лоö. Серёжа кодь дзик лоö, муса да визув. Тöлка и. Зачётгьяс сдайтны колö, а сийö, мусукö, содтöд удж на корсис. То тай, мудзöма кызди, чöv-лöня бокын сулалö.

Надя вöчис воськов лöня сулалысь мусукыслань, крепыда сывъялис да мыйкö вашкöдiс пеляс.

Мамыс мыйлакö саймовтчылис жырсьыс кухняас да бөр пырöм бöрас аддзис сывъясьом пи-моньсö, шуис:

— Со, со... Жалитышт, Надюк, питорсö менсьым. Мудзöма, няньөн вердысьöй, менö гажöдысьöй. Тэ, Надя, тарыт эн нин и мун гортад узынысö, татчö кольччы. Ужнайтыштöй да водöй дай.

— Эг висьтась да тöждысьны вед кутасны гортын. Мамö эськö оз да... Папа маитчыны кутас,— воча кыв сетiс моньпуыс.

— А коркö вед быть сэсся пыр кежлö лок. Дитяяс, öтлаынöсь жö нин да...

БÖРКЫВ ПЫДДИ.

Висьмылöм бöрас Таисия Степановна эз аслас воддза удж вылас мун, а вуджис Лолалөн «Политик» кафе-ресторанас.

Öткодь эськö пöжасьысьöдлөн уджыс, сэнi көть танi, да татчö ветлынысö матынджык гортсяныс. Мынтысьöны бурджыка и. Нокыс эськö танi тöдчымөн унджык да. Кафеас кутiсны джын донсьыс вежалунгьясö вузасьны студенчествоыслы, да том войтырыс субöта-вöскресеннöнад чукöрнас локны кутiсны. Сэнi нöшта и Интернетыд да. Быд воысьöс, дерт, колö и донтöмджыка нурйöдны. Да мед и чöскыд вöли пöжасыс кофе либö чай чашка дорад дай синмыдлы мед мичаджык вöли. Уна во чöжнад Тася велалöма нин да виль нога пöжастор бара и думыштас. Булочка вылö вед пуктыштан изюм либö пув тусь, дай то синмад пырöджык булочкаыс, чöскыдджыка сейсьö.

Пусьысь-пöжасьысь пöдругаясыс нимкодьясьныс оз вермыны Тася киподтуйөн, шуласны на, воин жö пö тэ кыськö миянлы отсасьнысö.

— А Щановыс, мортыс, кутiс корны, да вои тай...— шуыштас татчö Тася. Мый нöшта шуан?

«Лолалөн ресторан» көть öнöдз шуöны, а ачыс Лолитаö важөн нин абу тан. Виль во бöрас дзик пыр и мунлис кытчöкö поляк верöсыс дорö. Шочиника тай Москвасянь звöнитлö-а.

Лола аслас местаö ресторанас колис Щанов бухгалтерсö. Бухгалтерияас виль мортöс босьтiсны. Дерт, асланыс кытшысь жö кодöскö. Мича том нывбаба тай-а.

Щанов дырйиыс нин и волiс татчö Тася. Уджыс сьölöм сертиыс да и уджалысь ёртгьясыс пыдди пуктöны Тасяös. Уджав да уджав

эськө. Но ковмас эновтчыны. Пи-моньыслөн вель семестр, вель велөдчан во регыд заводитчас. Ичөтик питорсö налысь коді кутас видзны? Гожся каникулъяс дырйиыс ачыс Надя ноксис, а сэсся заводитöма велөдчöмсö да он эновт.

Дерт, водзкодъ на дитятö лöсьöдны вöлі, да лоöма кö нин. Ич-моньыслөн мам-батъыс томöсь на жö да оз кöсийыны кагатö видзны-а. Тасялы и быть лоö Боренькаыскöд нокошитчыны. Мöд дед-бабыс тай сьöмнас отсыштöмысь оз бöрынытчыны. Отсыштасны, гашкö. Öнöдзыс, слава богу, сьöмнас лючки-ладнö, тырмөмөн олісны. Серёжаыс, сьölөмшөр дитяö, төвся каникулъяс кежлас медасьліс рынокад уджавны, да төв коляссö и гожöмсö сэсся пыр на уджаліс-нажөвитчис сэнi рынокас. Мучитчис жö эськö, коньöранöй, ёна да. Воас асъя удж вывсьыс, пöсялöма. Тэрмасьö мыссьыны-пасьтасьны, сёрма пö университетö лекция вылö, чай стöкан оз удит юны, котöртö. То шуас: «Коллоквиум аски, дасьтысьыштны колö...» Колö, дерт, велөдчöмыд вед абу төв чужъялөм. Дитяö. Мед жö эськö и кызкö Ен отсалас велөдчынысö да университетсö помавны. Ой, мый дыра на колö ружтыны! Öти воыс на сöмын прöйдитіс. Мöд со кутіс талаявны. Медъя эськö и öдйöджык ставыс мунас да...

Талун Тася удж вывсьыс водзджык вöзйысис. Пöдруженькаяс пö, дона аняяс, лэдзöй талун менö водзджык. Внучоклөн пö вед талун юбилей! Во джын тырис Боренькалы, сё зölөталы! Мöд дед-бабыс, гашкö, рытнас пырыштласны да сват-сватъялы колö мыйкö и ужынтор лöсьöдыштны. Öти чайөн он гөститöд. Тортсö эськö чайсö юны со босьті да...

Петігас ресторан кильчö помас и зурасис ресторан кöзяиныскöд, Щановкöд. Сійö эз вöв öтнас. Сыкöд орччөн сулаліс Тасялөн жö-никпуыс, Иван Михайлович. Найö мыйкö ас костас варовитісны да Тася вылö эз и видзöдлыны, быттö и эз аддзывны. На сайын бокынджык, асланыс машина дорын, чатöртчöмөн видзöдісны кытчöкö вывлань, керка сигөрланьыс Щановлөн шоперыс да Лёша Надеев.

— Но, Иван Михайлович гөсть воöма да, Дионисьевичö, мыйкö кильчö помад сулöдан,— шыясис Тася Щанов дорас моз. Но сійö, ньöжмыд вöраса да и сёрни вылад скупкодъ, эз на и удит немтор Тасялы воча шуны. А Иван Михайловичыс нем виччысь-тöмысла шензьыштіс быттö да уськөдчис сылы паныд.

— Таисия Степановна! Чолөм! Зэв рад, мый паныдасим! Вои и эм то, гөсть! Да стöчджыка кö шуны: вайисны то эсійö машина-нас зонъясыс. Дионисьевич другö гажтöмтчöма да корны ыстылöма. Сöветуйтчыштім... Вежанылыд öд менам, Лолитаö, ой вильышпоз! Радейтö сюрпризъястö! То тай видзöдлы...— Иван Михайлович индіс кытчöкö вывлань, ресторан керка сигöрыслань, кö-ні рытьяснас ломалöны неоновöй бияс, висьталöны, ыштö тані кафе-ресторан, волöй шойччыштны да гажöдчыштны.

Тася чатөрөн и видзöдіс Иван Михайлович инданінлань да кияснас клеснитöмөн серöктіс:

— Но-о, вель ним инö öні миян ресторанлөн? «Лолита» тай зэв гырысь шыпасъясөн стен пасьтаыс гижöмаöсь.

— Сійö и эм, некод нимсö эз пукты, а кодкö гижöма стен пасьтаыс,— кайтыштіс Михайловичыс да нöшта содтіс:— То тай Щановыс и шензьö. Ме пö öні тані кöзяин пыддиыс, да некодлы эг наказсö сетлы-а.

— Шензьöдö и эм менö,— на сёрниö пырис и Щановыс.— Лун

кык водзті звѣнитліс Москвасянѣ, быть пѣ волам другѣяскѣд ресторанлы во тыригкежлас, пасійыштам пѣ. Мед пѣ вѣлі дасѣтысьѣма да паныдалѣма мянѣс лючки-бура. Керка фасадсѣ пѣ, буракѣ, вильмѣдыштны колѣ и. Мед пѣ ѣртѣяслы синмас шыбитчас сѣмын мичаыс да бурыс. Бухгалтерияын сѣрнитчимѣ да шуим и эм вильмѣдыштны краскасѣ фасад стеныслыс. Малярѣс корим. А талун воим да... Тонѣ... Гижѣд! Тшук ачыс Лолита мянѣс вильшалѣм ради вѣйпѣдїс татыс кодѣскѣ ассѣыс нимсѣ гижны!

Лѣнь этша Щановыд нѣмнас, буракѣ, гѣлѣссѣ эз лѣптыв, а ѣні горѣдѣм и артмис сѣлѣн. Та бѣрын сїѣ инмѣдчыштліс Иван Михайлович дорѣ да корис прѣща, извинит пѣ, другѣ, вежаныв йывсѣыд тадзи думайта да.

— Пырам, пукалыштам. Мый сѣсся танї сувтѣмѣн донѣялам Лолалыс вильшасѣѣмсѣ. Гижны кѣ тшѣктїс, мед тадзи и кольѣ.

— Да-а, Лола-Лолитаѣ...— аслыс моз и нуркнитїс Иван Михайловичыс.

А Тасялы тадзсѣ зѣв ѣна кажитчис да тшѣтш шыасѣыштліс:

— Йѣзыс чайтасны: виль ним рестораныдлы пуктїнныд. «По-литиксѣыд» «Лолита» нимыс лѣсьыдджык.

— Лѣсьыдджык кѣтъ абу сѣсся,— ышловзѣыштїс Щанов да видзѣдліс мыйлакѣ Тася вѣлѣ. Тасялы эз ло лѣсьыд, кортѣгыс сѣитчис начальство сѣрни костас да. Но вед Иван Михайлович дортѣыс нем шыавтѣгыс прѣйдитны абу жѣ лѣсьыд. Быть шыасѣ. Ковмис на и нѣшта вельмѣдчывны да корны кыкнансѣ рыт кежлас гортас пукалыштны, Боренькаыслыс «ыджыд» юбилейсѣ пасїыны.

Волїсны вед, сѣ пасибѣ. Пукалыштїсны. Сват-сватѣяыскѣд тѣдмасисны, Боренькаѣн любуйтчисны да ворсѣдчисны. Серѣжа ассѣыс другсѣ, Лѣша Надеевѣс, тшѣтш вайѣдѣма, да кыпыд Лѣшаыдкѣд зѣв и гажаа рытыс коли. Ассѣыс кывбурѣяссѣ лыддис, и сѣыліс, и серамбана анекдѣтѣястѣ висѣталїс.

Серѣжа быттѣѣ тарыт кежлѣ кага видзны медасѣѣма, питорсѣ ки йывсѣыс эз и лѣдзлы. Тестѣыслы тай ѣтчыд тѣвгыліс жѣ, Надѣяыскѣд Лѣша дыр кутїс танцуйтны да.

«Вежѣгтѣ жѣ тай. Любитѣ инѣ Надѣюшаѣс, менсѣым муса ичмонѣѣс, зарни питор Боренькалыс мамсѣ»,— пи вылас видзѣдїг думыштїс Тася да кузя ышловзис, быттѣѣ лѣдзис морѣс пытшсѣыс кутшѣмкѣ ковтѣм тѣжд-маета. Но водзѣ чужыс мѣвпѣясыс эз на кѣсїыны мездыны мустѣм тѣждсѣыс. Мыйла пѣ и Лолаыслы быть колѣ воыны рестораныслыс годовщинасѣ пасїыны? Серѣжасѣ сѣмын каймѣдлас. Мунїс кѣ, мед нин эськѣ и сѣн олїс аслас олѣмѣн, аслас верѣскѣд. Ойя жѣ эськѣ да!.. Тшук вед этайѣ кык другыс, Серѣжа да Лѣша сїдз баситїсны ресторан стенсѣ. Тшук тайяс! Некодлы сѣсся... Щанов кык друг, Лапшыныскѣд, оз и дѣгадайтчыны, а Тасялѣн мам сѣѣлѣмыс кылѣ и тѣдѣ, он пѣрѣяв мам сѣѣлѣмтѣ. Ѵти мѣвп и шонтыштѣ сѣмын повзѣылѣм мам сѣѣлѣмсѣ. Гашкѣ пѣ, янсѣдчан, медбѣрѣя чукѣстѣмсѣ кѣсїис петкѣдлыны пиыс да гижис Лолалыс нимсѣ стенас, медым пыр кежлѣ мунас сѣѣлѣмсѣыс да лясас сѣтчѣ из стенаас. Мед эськѣ... Мед оз жѣ батѣыслѣн моз ло сѣлѣн, дона пилѣн. Мед оз жѣ... Господи... Боренька то кутшѣм быдмѣ да...



Татьяна КАРМАНОВА

* * *

Ичѳт грездѳ кор ме вола,
Медся шуда мортѳн лола.
Сьылѳ-йѳктѳ сэки лов,
Сэсся немтор оз и ков.

Ылыс рѳдняясѳ пыра
Козинъяса сумка тыра,
Пызан вылѳ нянь да сов,
Сэсся немтор оз и ков.

Сур да ырѳш чурска-юа,
Бур кыв кѳзяйкалы шуа,
Пывся — небзьѳдышта лов,
Сэсся немтор оз и ков.

Ичѳт грездас ола рытѳдз,
Сэсся-й — бара аддзысьлытѳдз...
Быдмы-сѳвмы, нэмыс ов,
Сэсся немтор оз и ков.

Дой

Плавгис шальсѳ пемыд войыс.
Кодзув абу. Енэж куш.
Муртса сибѳдчѳм на дойыс,
Быттьѳ август помын пуж.

Сйѳ тай со пыр и сылѳ,
Муртса вешъяс пемыд вой.
Но ѳд кылѳ, но ѳд кылѳ
Лунысь лунѳ сѳвмысь дой.



Елена ЕВСЕЕВА

Аныб ю

Самтѳ вежлавны он удит,
Посни чери юын тыр.
Ваыс визув, ляпкыд, югыд,
Ю пыдѳсас изйыс тыр.

Джуджыд изъя гѳра пѳлѳн
Нуѳ васѳ Аныб ю.
Татчѳ волѳ том и пѳрысь,
Босьтѳ лолас югыд ру.



Быдмөг

Асфальт потасөд мыччысис турун,
Аддзö — юр весътас енэжыс лөз.
И эз чуж овны копыра юрөн,
Со и талисны тэрмасьысь йөз.

Эськө видз вылас вöляыс эм да!
Абу шуöма быдмыны сэн.
Кытчö төвруыс кöйдыстö индас,
Сэні-й коллялан дженъыдик нэм.



Юлия ГЛУД

* * *

Со и мунін тэ, донайй, мунін,
Бытьё вой шöрын пемыдас сунін.
Öтнам, öтнам ме коли му вылас.
Шытöг горöда — коді нö кылас?
Лунысь-лун сьöкыд лым мусö личкö,
Мустöм кодзыд вой төв гөгөр швичкö.
Тэсянь письмöөн сöмын ме ола,
Тэнö воштöмысь медъёна пола.
Олöм ми гөгөр важ ногыс кывтö.
Тэ эн вунöд сэн радейтысь нывтö,
Ылі муясын казъывлы менö,
Öти думöн ми быдторсö венам.



Настя БУШЕНЕВА

* * *

Зарни, югыз кодзулöй,
Муса, дона мортöй.
Кöсья, медем сьöлöмөд
Лоис меным гортөн.

Мелі би кинь синъясад,
Юрсянь кокöдз шонтан.
Нöкйысь чöскыд вом дортö
Окала ме помтöг.

Сьöлöмöй кö жугыльмас,
Гажöдан бур кывйөн.
Еджыз кияс кутыштан,
Босьтан мелі сывйö.

И мед кадыс котöртас
Аслас шумён-зыкөн,
Бджыз, сбстöм шуднымöс
Видзам тэкöд кыкөн.



И.Д.ПЕТРУНЕВ,

Коми АССР-са народной овмӧ-
сысь заслуженной уджалысь

Кадыс сетӧ на позянлун

Волан Улыс Парчегӧ (Улыс и Вылыс эськӧ важӧн нин лыддыс-сьӧ ӧтлаын да), и чужӧ мӧвп, мый вӧвлӧм деревнянымӧс киритӧ-маӧсь, олысьяснас и весь. Ставсӧ гӧгӧр асалӧма локтӧм йӧз, потш-лӧмаӧсь, скӧр понъяс лӧсьӧдӧмаӧсь. Мыйӧн абу лагерь?! Бытшла-сьысь сутуга сӧмын оз тырмы.

Витсӧ во чӧж сулалысь коркӧя кыпыд деревня эз тӧдлы локтӧм йӧзӧн этадзи зырӧмсӧ. Парчегсалы ас чужанінас немтор абу кольӧ-ма. Исковтӧ ставыс сылань, мый коляс нӧшта во кызь, а гашкӧ, и этшаджык на, и «Парчег» ним вошӧ Коми республика карта вы-лысь.

Ме думысь, мыжыс таысь ёна усьӧ ми арлыда вылӧ. Сы вӧсна, мый лоим дзик веськодӧсь, кывкуттӧмӧсь, водзмӧстчытӧмӧсь. Та-тшӧмнас вӧчис, дерт, олӧмыс. Но а кодкӧ видліс-ӧ водзсасьны? Кыт-чӧ визулыс кылӧдӧ, сэтчӧ и кывтам... Чайта, налы, кодлӧн сӧлӧмыс висӧ на чужанін вӧсна, Парчеглӧн аския лун вӧсна, пӧра и колӧ босьтчыны деревняын олӧм ловзьӧдӧмӧ. Оз позь сетны кувны, вош-ны чужанінлы, ай-мам мулы, кодӧ вердліс и вердӧ ӧнӧдз.

Да, миянӧс, олӧма нин войтырӧс, кыскӧ казътылӧмъяслань. И нинӧм тан шензянаыс абу. Быдӧнлы окота видзӧдлыны ас вылас да ас коддьӧм вылас ылісянджык, стӧчджыка кӧ — во ветымын-квай-тымын коллялӧм бӧрын.

Олӧмын кӧть кутшӧм сӧкыдлун оз ковмы венны, петан туйсӧ корсьны колӧ оз сӧмын важсӧ донъялӧмӧн да сы вылӧ мыджсьӧмӧн. Медколанаыс — мездысьны воддза ӧшыбкаяссьыс. Велӧдчӧмын ме синлі историялань да тӧда, мый некӧн, ни ӧти странаын олӧмыс эз кыптив да сӧмыв шылыда. Крестьянаыд рӧзӧритчыліс, позьӧ шуны, ӧнія сӧвмӧм унджык странаас. Сійӧ жӧ озыр да ыкса Америкаад воддза нэмас крестьяна дзикӧдз рӧзӧритчыліс, муяссӧ ставсӧ асалис-ны гирысь банкъяс, сідз шусьысь латифундистъяс. Но колян нэмын ставыс воис ас местаӧ, кыптіс, вӧвлытӧма сӧвмис.

Миянлы, россияса олысьяслы, оз ков корсьны быть ассьыным, мукӧдысь торъялана сӧвман туй. Та вылӧ ковмас и уна кад, и ёна лоас сконъясьлыны-усьласьны да дыр кывмӧн «доймавны». Торъя нин, босьтны кӧ тӧд вылӧ, кутшӧм ми ньӧжмыда лыбысьӧсь. Ӧні, кор Россия пырӧдчӧ вузасьӧмӧн овмӧс нуӧдӧмӧ, колӧ ас ногным бер-гӧдны мукӧдӧн тальӧм туйсӧ, нюжмасьны некор, кадыс и олӧмыс тэрмӧдлӧ. Ми и сідз воштім сымда кад, быдторйын кольччим. Эко-номика дінӧ, овмӧс нуӧдӧмӧ виль ног матыстчӧмӧн вермам на мыйкӧ вӧчны да шедӧдны. Ме кута, дерт, тӧд вылын медводз видз-му вӧ-дитӧм, сиктса олӧм. Колӧ босьтны сійӧ опытсӧ, мый чӧжисны Ев-ропаса странаясын, Америкаын.

Россияса олысьяс важӧн нин эськӧ гӧгӧрвоисны да, мый йӧзӧс

* Пом. Воддза юкӧныс — нельӧд номерын.

бедь улын уджодомон водзо он мун, овмос оз ёнмы. Колхозникъясос нем жалиттог дзескодан кадэ медся этша и вочлісны. Сы понда и киссис сэсся и колхоз, и совхоз. Помнита, ветымынөд воясэ быд мөслысь лысьтылісны вонас көкъямыссё-сюрс литр йөв, а то и сысь на этша. Вежөра крестьянин татшөм скөтсө некор оз видз. Сійө лөсьодас бур, уна йөв лысьтысь мөсьясөс, кутас нуөдны овмөссө наукаө мыджсьөмон, медым быд пемөслысь лысьтыны йөвсө вонас этшапырысь вит-квайт сюрс литр.

Кор му-виддзыд да уджалан көлуйыд өтувъя (стөчджыка кө — некодлөн), тайө нинөм бурө оз вайөд, чужтө сэтшөм кывкуттөмлун, мый йылысь и висьтавынтө он кууж. Казьтывсьө, кор сөмын на лөсьөдөм МТС-са техника воис колхоз муяс вылө. Гусеничаа вына көрт вөвъяс гөрисны мусө сідз, мый веркөсас кайис гөрд сөй да каржа, а став выныс, сьөд муыс гуассис пыдысь пыдө. Мый вермас сэсся быдмыны сэн? Сиктса олысьяс шемөсмисны татшөм «гөрөм-сьыд». Унджык мусө тшыкөдісны тадзи, нянь пыдди пондіс быдмыны йөн да лапкор. Дзикөдз гөльмөм посни колхозъяс война бөрас өтувталісны, а сэсся лөсьөдісны совхозъяс. МТС-яс бырөдісны. Нянь, яй, вый, мукөд сөян содөм пыдди пыр өтарө чиніс. Со кытчө вайөдіс видз-му овмос кужтөг-сямтөг нуөдомыд.

Казьтывсьө татшөмтор. Н.С.Хрущев дырся «небзьөм» воясө ми мыйсюрө пондім төдны америкасалөн збыль олөм да удж йылысь. Петалісны та йылысь газет-журналын гижөдъяс, весиг кутшөмсюрө книга. Ме сэк уджалі директорөн книготоргын, да вөлі поэянлун судзөдны книгаыссө. Помнита СССР-са внешнөй торговляысь министрөс вежысь Н.Н.Смеляковлысь «Деловая Америка» книга. Гижөма Н.С.Хрущевлөн индөд серти. А ставсө дасьтөмаөсь США-ын уджалысь мяян внешторгса специалистъяс. Сэкся медвывса партюралысьяс вежөртөмаөсь, тыдалө, мый колө садьмөдны узысь чиновникъясөс, петкөдлыны налы, кызди уджалөны рытивывса зіль йөз. Зэв жаль, мый Хрущевлысь тайө водзмөстчөмсө асьсө чөвтөм бөрын пырысь-пыр вунөдісны, некутшөм водзлань воськовтөм мяян эз артмы.

Петаліс нөшта өти книга, совет кадся юралысьяслы вөвлытөм нима — «Организация и управление (опыт США)». Гижысьыс — В.И.Терещенко, наука подув серти удж котыртөм кузя паськыда нималысь учөнөй. Уна дас во уджалөма США-ын. Сылөн книгаыс восьтіс синъяссө уна мяян инженерлы, веськөдлысьлы. Унаөс садьмөдіс, коді көсйис, дерт, садьмыны. Но видз-му овмөсөн юралысьяс синнас весиг эз лапнитлыны, быттьө налы нинөм некутшөм бөкөн оз инмы. Медым «инмис», колі вежны медшөрсө — бырөдны өтувъя эмбур. А татшөмторсө партия политбюро эз вермы лэдзны. Тайө эз лөсяв коммунизм идеологиялы.

Промышленность предприятиясын заводитісны велөдны НОТ — наука серти удж котыртөм. Чукөртавлісны та могысь быдсяма конференцияс, семинаръяс. Ме велөдчылі жө татшөм курсъяс вылас, наука серти удж котыртысь специалистлысь удостоверение весиг сетлісны.

Терещенколысь өткымын вөзйөм пыртісны СССР-са народнөй овмөсө. Ме медводз кута төд вылын вит луна уджалан вежон. Но и тані ставсө гугөдісны, россияса ног артмис. Вит луна уджалан вежонсө предприятиясын лөсьөдлісны сы могысь, медым шойччан лунъясас оборудование бөрся видзөдысьяс ставсө гөгөр видлалісны, лөсьөдалісны. И сэк витнан уджалан лунас нинөм оз кут сувтавлыны, вөчөма лөб унджык. Артыштны кө страналысь сэкся ыдж-

дасё, абу сёкыд вежортны, мыйта быдтор позис вочны. Но мян кыкнан лунсё пондісны шойччыны ставён — и станок сайын уджалысь, и станок бёрся видзодысь. Водзлань воськовтём пыдди табанитчим бёрлань.

Власът бердё Л.И.Брежнев воём бёрын НОТ-лы туй мяннын тупкыссис.

Терещенко книгаас пыдөдз пырөдчөмөн гижёма и америкаса фермерьяс йылысь. Удж котыртөмнас найё нималисны му шар пасьтала. Н.С.Хрущев, кызди видз-му овмөс кыпөдөм вөсна водзмөстчысь юралысь, США-ё ветлігас воліс Айова штатса фермер Гарст ордө да төдмасис, кызди сійё вөдитө кукуруза.

США-лөн медшөр туйвизысь, мый сетіс налы позянлун чеччыштны ёна водзё экономика сөвмөдөмын — страна пасьтала лөсьөдөм консультпунктьяс, производстволөн быд юкёнын, сы лыдын и фермерьясөн нуодан овмөсьясын. Быдтор кузя фермер вермө корлыны төдысь специалистөс. Сійё ставсё гөгөр видзөдалас, арталас и вөзьяс, мый да кызди колө вочны, медым удж артмис кокниджыка, этшаджык кад воштөмөн да с.в. Дерт, төдысь специалистыслы вөчөм уджсьыс лөй мынтысьны. Рытивыв странаясын, торья нин США-ын, вөзйөмьяс (консультацияс) сетөмыс зэв ёна паськалөма. На отсөгөн пыртөны уджө став медся выльсө. Вөзйысь-велөдысьыс оз куш видзөд, мый оз тырмы, кызди да мый оз ков вочны, но и ачыс отсалө бырөдны тырмытөмторьяссө, бурмөдны уджсө, пыртны выльторьяссө. Сійё корсьө и кытчө инавны вөчөмторсө.

США-ын наука вылө мыджсьөмөн уджсө котыртөны 1913 восянь нин. Водзмөстчысьнас вөлі инженер Тейлор. Көсья төдчөдны: Америкаын быд делөвөй мортлы, бизнесменлы, фермерлы медся төдчанайс — могсө урчитөм бёрын стөча төдны, кызди сійөс пөртны олөмө. А ми зілям сөмын эрдөдны тырмытөмторьяс. Совет кадсянь нин ми кутшөмакө сяммам тайөс. А водзё кызди да мый вочны — тайөс ог төдөй.

Бергөдчыла Терещенко гижөдьяслань. Вайөда сэсь өти серпас, мед петкөдлыны, кызди наукаө мыджсьөмыс төдчө весиг посниторьясын. Терещенко гижө: «Вермонт штатса өти фермерлы отсалөма профессор Картер. Фермаас видзөмаөсь 22 мөс. Көзяиныслөн вөлөма өти уджалысь. Картер видзөдөма, кызди фермер да отсасьысьыс котыртөмаөсь ассыныс уджсө, мыйөн уджалөны, көні видзөны көлуйсө, кыті ветлөны да с.в. Сэсся профессор вөзьяс налы: лэбынъяс видзны эсійө пельөсын, мукөд уджалан көлуй видзны мөд вежөсын, ветлыны картаө мөд өдзөсөд, ньөбны лөсьыдджык воропа зырьяс. (Став выльтор ньөбөм вылас урчитөма ветымын долларысь абу унджык.) Картерлысь вөзйөмьяссө пөртөмөн фермер чинтіс уджалан кадсө онас сизимсө квайтымын час, а ковтөг ветлөмсө дженьдөдіс сюрс куимсө километр. Миянлы, дерт, татшөмторйыд тешкодь. Но мыджсьыны кө наука вылө да сы серти котыртны уджтө, быдгырысь- и поснитор босьтсьө төд вылө».

Америкаса конгресс колян нэмса нелямынөд воясө на примитліс фермерьяслысь удж бурмөдөм йылысь оланпас. И медшөрө пуктісны — төдмавын бура, кутшөм удж вылө уна-ө кад мунө. Книгаяс лэдзисны, кызди кокньөдны фермерьяслысь уджсө. Му-видз вөдитөмтө да скөт видзөмтө быдлаын лыддылісны сёкыд уджөн. И со, гөгөр видзөдлісны, мурталісны и тыдовтчис, мый фермерлөн уджыс «сёбктаммө» медсясө кужтөг, артавтөг котыртөм да лишнөйтор вөчөм понда.

Учёнйяс петкөдлісны: бура артыштөмөн да өнйя, лөсялана техника отсөгөн видз-му овмөсын уджсө позьö өддзөдны да кокньөдны шөркодя куим пөв. Со кызди колө уджавны!

Тані эм мый йылысь мөвпыштлыны. Но ми, россияса войтыр, табанитчөмөн табанитчам став вьлиторсьыс, а өд на отсөгөн позис эськө и уджавны, и шойччыны морт ногөн.

Кызкө өтчюд слөймылі ме өти миян «фермер» ордө. Сэтшөм серпас — быттө веськалі кутшөмкө көрт лөп чукөрө. Он вермы вежөртны весиг, кызди сэсь мыйкө позьö аддзыны, непөштө уджавны. Нинөм и шуны, мый татшөм «овмөсас» морт ног уджавны оз вермы ни ачыс «фермерыс», ни некод мукөд. Абу сьөкыд вежөртны, татшөм «овмөсыд» — зэв дженьыд нэм пома. Сійö оз вермы вердны асьсө коньөр көзяинсө.

Коланаинө лөө висьталыштны и мөд фермерлысь шог олөм-вылөмсө.

Быдөнлы гөгөрвоана: вежөра морт көсйө уджавны, мед мыйкө шедөдны аслыс. Кор сиктсалөн лои позянлун судзөдны аслыс вылө кутшөмсюрө техника, лои асласөн му-видз, унаөн уськөдчисны фермеравны, видлыны асьнысө ашшөр уджын-олөмын. Вөліны на лыдын вель водзмөстчысь войтыр, ас выланыс зумыд лача кутысьяс. Эскисны, мый вермасны унатор бергөдны. И унджыкыс на пиысь вөліны грамотаа механизаторьяс. Төдісны техникатө гуг и бан, төдісны машинаяслысь позянлуньяссө. Но... этшаөн на пиысь төдісны, мыйта ковмас котравны, судзөдавны быд сикас бумагаяс да мукөдтор, медым збыль лоны да шусьыны фермерөн.

Республикаын медводдзаяс лыдын босьтчис фермер овмөсө Станислав Семенович Ладанов. Чужліс да быдмис Сыктывкарын, помаліс видз-му овмөс техникум да муніс Пезмөгө. Семья лөсьөдіс, керка кыпөдіс. Уджалис трактор вылын, төдіс и кужис вөдитчыны быд сикас машинаөн. Батыс моз жө быдтор вылө киподтуя. Ньөбис «Запорожец» — миян туйяслы медся лөсялана автомашина.

Кор пансисны өтка овмөс лөсьөдөм йылысь сёрнияс, ньөбис шыбитөм нин «Беларусь» да бөр вайөдіс сійөс уджалан выйөдз. Станислав Семёнович ас синьяснас аддзис, кутшөм кикурөда котыртөма совхозса уджсө. Мужикьяс унаөн палявлытөг юоны, некөн некутшөм төлк ни лад. Совхоз важөн нин оліс ёнджыкасө государство тшөт весьтө. Со сэки и шуис Ладанов босьтчыны ашшөр овмөс лөсьөдөмө. Лэптіс мөс карта, мастерскөй, лөсьөдіс мукөд колана вежөс. Ньөбис мөсьясөс, и эз кык-куимөс, а дас кыкөс. Лөсьөдіс нянь пөжаланін, ньөбис гөльмөм сельполысь столөвөйсө да пондіс вердны сәні ветлысь-мунысь войтырөс, и медсясө, дерт, аслас вөлөгаөн. Вердчөмсьыс пондіс сьөм неуна воыштны...

Партия ЦК-лөн өти пленум бөрын кыптіс сёрни сы йылысь, мый сиктө пондісны мунны карса олысьяс, лөсьөдөны сәні өтка овмөсьяс. Газет-журналса да теле-радиоса журналистьяс регыд и «восьтісны», мый миян республикаын, вөлөмкө, татшөм войтырыс эм жө. И өтбөрсьөн уськөдчисны... Пезмөгө, С.С.Ладанов ордө. Мөд сы кодсьө эз корсьны-ө, эз аддзыны-ө. Но тайө некодөс эз майшөдлы. Ми и сідз восьлалам со Россияс медводзын.

Меным нимкодь жө — Станиславыс өд воча вокөн лөө!

А районса юралысьяс эз тэрмасьны нимкодьясьны, кылісны асьнысө кызкө деливөа: сөвмөм социализм кыпөдам, а орччөн... частник. Да нөшта кутшөм! Тан мыйкө абу ладнө. Колө мөвпыштлыны сы йылысь, мыйла өтувья сельпо гөльмис да эз понды вермыны

кутны столөвөй, а өткa морт кийн содтөд сьом сетө! Муртса на пöжассьом «капиталистлы» тшөктисны джын донысь вердны школаын велөдчысь челядьөс, а сэсся и... дзик дон босьттөг. Станислав Семёнович вöчны татшөмтортө, дерт, эз кут.

Совхоз торйөдис виль фермерлы видзьяс. Коркө видзьяс вөлө-маось, а öнi раскалөмаось нин. Станислав эз усь сьөлөмнас, лун и вой уджаліс, мед весавны турун пуктаніньяссө баддысь, кыдзысь да понөлысь. Мөд онас, кор весалөм видзьяс турунассисны, совхозса юралысьяс виль мытшөд аддзисны: көсьян кө пуктыны турун, джынсө босьтан аслыд, а мөд джынсө — совхозлы. Торьялө-ө тайө мыйөнкө рэкетысь? Нöшта либө. Совхозлы чинтөм донөн воө комбикормыс, а фермерлы — оз. И кымын водзө, сымын лөкджык.

Америкаса фермер дорө ыстöны медся вежөра специалистьясөс, медым отсавны сылы кокньөдны уджьяссө, вöчны ичөтджык донөн, инавны быдтөм-вөчөмсө. Пезмөгса фермер С.С.Ладанов дорө унаөн жө пондисны тальны туйсө. Быдсяма инспекторыс. И дзик өткодь могөн — кыз эськө топөдны, пычкыны мыйкө содтөд. И вөчисны ассыныс сьөд уджсө: фермерөс швачкис insult, неыджыд кад-коласт бөрын — мөд. Станислав Семёновичөс ветымын вит арөсөн ковмис колльөдны мөдар югыдө. Куим челядь коли. И ставныс öти кылынөсь: Ен мед видзас видз-му уджысь.

Медсясө шогыс сыын, мый йөзсө өтарө бөбйөдлөны быд ног. Со и Станислав эскыліс мезд йылысь больгөмө да босьтчыліс аскежся овмөс кыпөдөмө. Мортыслы кувтөдзыс лои, а челядьыс нэмсө кутасны ёрны сикттө.

Ме унаысь аддзысьлі да сёрнитлі Станиславкөд, воча вок Стасиккөд, кызди нимтылім сійөс ас костаным. Локті өтчид Пезмөгө, кор Станислав буретш на босьтчис овмөс лөсьөдөмас. Гөгөр сылөн сөстөм, уджалан көлуй ставыс местаын. Ачыс оз төд, кызди и нöшта нимкодьясны виль олөмнас. Кытшовтім овмөссө, чөскыд йөлөн юктөдіс. Петкөдліс поньяссө, кодьясөс лөсьөдөма, мед видзчысьны гусясьысьясысь. Мөдысь паныдасим во кык мысти. Овмөссө сійө нуөдіс бура, ставыс на лючки. А сэсся друг юаліс менсьым: «Влась-тыс бөр оз бергөдчы, оз мырддыны менсьым ставсө, кызди коркө вөчлөмаось тэнад батькөд?» Вочавидзи сылы, мися, кызди вермасыны бергөдчыны найө, кодьяс некытчө и эз мунлыны, пукалөны воддзаинас. Мортсө дзикөдз шөгө уськөді...

Öнi быдлаын дольöны, мый видз-му овмөс миянлы сөмын убытка вайө. А кодi нö вердліс странасө? Чиновникьяс? А эз мөдарө вөв, эз чиновникыс öшав сиктса войтыр голя вылын? Буретш чиновникьяс и вайөдісны сикт-грездьясөс кулан выйөдз.

Кадыс сетө на позянлун сувтны кок вылө. Олөмыс өд миян кытырын вежсис и өдйө вежсьө водзө. Идеологияа подувьяс, ставсө пөдтысь подувьяс, эз сетлыны мездөн лолыштлыны, öнi чөвтөма бөкө. Россиялөн виль Конституцияысь өтдор примитөма зэв ыджыд төдчанлуна Закон — Россияса гражданинлөн инөд да мезд йылысь Декларация. Сідзкө, мортөс да сылысь интересьяссө кыпөдөма государство серти вылөджык. Морт чужө да олө ас пондаыс төждөн, а оз государство ради. И йөзыс босьтöны төд вылө сөмын Закон, а оз чиновниклысь индөд. Быри көрт занавес, мый сайын чорыда кутлісны сөвет войтырөс уна дас во чөж. Öнi ставыс лои осьса, судзөдана. Позьө велөдчыны овмөс нуөдөмө мукөд войтырьяслысь. Эм позянлун и велөдчыны мукөд странаясса вузьясын, медым том

йӱз вермисны босътны паськыдджык тӱдӱмлунъяс. Позянлунсӱ сетӱма уна, куж сӱмын пыртны ас овмӱсад став выльсӱ да бурсӱ. Мӱвпав, водзмӱстчы да уджав!

Но ставыс тайӱ зӱв дона. Колӱ уна сӱм. А сӱмыс, кыдзи и водзтӱ вӱвлӱ, чиновник киын, мӱд ногӱн кӱ, номенклатура киын. И сийӱ резӱ сӱмсӱ шуйгавыв и веськыдывыв, асалӱ миллиард шайтъясӱн. И тадз пондас кыссыны сӱтчӱдз, кытчӱдз оз кыпӱдны юръяссӱ бура велӱдчӱм, сусь вежӱра, водзмӱстчыс том йӱз. Та могыс налы колӱ ӱтувтчыны партиясӱ и повтӱг синны государство власътлань.

Выль Конституция сетӱс водзмӱстчыс войтырлы ыджыд позянлунъяс — лӱсӱдны ашӱр производствояс, сӱвмӱдны мезда гражданагыс котыр. И колӱ велӱдчыны да босътны сетӱм позянлунъяссӱ.

Сикт-грезд ловзӱдӱм да сӱвмӱдӱм могыс унатор вермасны вӱчны карса велӱдчӱм йӱз, карса интеллигенция. Дерт, налӱн олан туйыс бӱрря воясас ӱз жӱ вӱв кокныдӱн. Ставыс тӱдчис власът кутысъяссянь, республикаса Юралыссянь. Мем чайтсӱ, мый выль Юралысӱс бӱрийӱм бӱрын воис кокниджык кад, позӱ вӱсӱсӱнджык сӱрнитны накӱд, кодъяс воисны власът бердас. А сӱдзкӱ, вӱдчыны и ӱта-мӱдлы лӱсялана ӱти кывйӱ. Танӱ ме кута тӱд вылын и сикт-грезд да видз-му овмӱс ловзӱдӱм.

Коми гижысъяс, журналистъяс ӱна майшасӱны чужан кыв да ас войтыр культура сӱвмӱдӱм вӱсна. Дерт, та йылыс позӱ уна гижны, вӱсътавны и роч школаясын коми кыв велӱдан классъяс, но некутшӱм вежсӱм оз ло. Кывсылыс нин, газетъясын та йылыс гижлысны и, ӱтувтӱм Войтыръяслӱн Организация (ООН) пыртӱма коми войтырӱс му шар вылыс быран войтыр лыдӱ. Со кыз! Медводз бырӱ кыв, а сӱсся и ачыс сы вылын сӱрнитыс войтырыс. Коми кылыд, сӱрниыд ковмас сӱк, кор пондас ловзӱыны да сӱвмыны сикт, видз-му овмӱс, кор йӱзыс и гортас, и удж вылын кутасны сӱрнитны комиӱн, кор коми войтырыс кутас чинӱм пыдди содны. Сӱки йӱзыслы лоасны коланаӱн да лыддянаӱн и коми кыв вылын петыс книгаяс да газет-журнал.

Зӱв кӱсийсӱсӱ аддзывны сикт-грездъясыс бурджык олӱмланы вежсӱмъяс, аддзывны ас войтырлыс зӱль удж, чужан му вылын судзсяна, кыпыд да долыд олӱм.

Кӱсийсӱсӱ мыйсюрӱ юавны и миян республикаын мырсыс ӱчӱнӱяслыс, медводз налыс, кодъяс пыртӱны наукалыс да техникалыс прогрессӱ видз-му овмӱсӱ. Ӭм республикаын (Сыктывкарын) видз-му овмӱс институт — НИПТИ (научно-исследовательский, проектно-технологический институт агропромышленного комплекса). Сийӱс кутӱм-видзӱм вылӱ онас видзӱны ӱти миллион сизимсӱ сюрс шайт. Дерт, быдсяма чукӱртчӱмъяс дырйи ӱчӱнӱ сӱрниясыд колӱны жӱ. Но, ме чайтӱм серти, НИПТИ-лы колӱ мынтыны сӱмсӱ сымда, мый дон вайӱны пӱльзасӱ овмӱсъяслы институтӱн вӱзийӱм выльторъяс.

...Кадыс сетӱ на позянлун сувтӱдны коми сикт-грездлыс кушмӱмсӱ да ваймӱмсӱ. Тайӱ и ас сайын миян, но и, дерт, республикаса выль Юралыс да правительство сайын.



войнаса да ўдзвычайна ветеран

1816 воын, кувсытӧдзис некымын лунӧн водзджык, ыджыд
роч поэт Гаврила Романович Державин шогпырысь гижліс:

Ыджыдсыс-ыджыд да вывтӱ сӱкыд война бӱрын миянӱс, вермысъясӱс, виччысисны гортын. Лун-мӱд мысти нин, шойч-чыштӱг, югдӱмсянь шондӱ лӱччытӱдз ковмис кыпӱдны сиктын киссьӱм овмӱс. Корсылӱм кад и том войтыркӱд, школаясын велӱдчысыяскӱд, аддзысылыны-сӱрнитыштны. Ветымынӱд воясӱ Советскӱй Армияӱ дасътысысыяс пӱсь сӱлӱмӱн кывзӱсны фронт би пыр прӱйдитӱм йӱзӱс да окотапырысь и мунӱсны служитны Рӱдиналы. Ёна пуктыӱсны пыдди армияысь воӱм крепыд, статя да вежӱра зонъясӱс.

Май 9 лун, Победа лун, лыддыссис ыджыдсыс-ыджыд праз-
никон. Артавны позьтөм донон да вывтӱ сьӱкыда лой шедӱдӱм
тайӱ вермӱмсӱ. Фронтъяс вылын — лаймавытӱм би да тшын,
тылын — пӱрысьяслы, нывбабаяслы да челядылы шойччывытӱм
сьӱкыд удж. Ӧтувъя ыджыд празникон пыр и лыддыссылыс
тайӱ луныс. А ӱнӱ тайӱ праздниксыс кыла сӱмын сьӱлӱм дой.
Веськодпырысь, тӱждысьтӱг кутӱсны видзӱдны войнаса ветеранъяс
вылӱ власть кутысь чиновникъяс, оз пыдди пуктыны и том йӱз.
И таысь нӱшта нин сьӱкыд.

Кӱдзӱд, Сулалам Вьльгортын, виччысям автобус. А сийӱ абу и абу. Подӱн да нӱшта сӱянторъяса сумка-ногъясӱн кыскысыны сьӱкыд дай вель ылӱдз мунны колӱ — быть виччысь. Кор воас — Енмыс тӱдӱ: мӱдӱдчан, а машинаыс кыксӱ воськов мысти ордӱдас. Вот и кынмам... Сулалысьяс пӱвстысь ӱткымынъяс видӱны

карса юралысьясös, мөдъяс — «наянитысь» шоперъясös... Варов зон котыр воис.

— А менö армияд оз нуны!— ёртъясылы ошйысьштіс мусянь тэчөм, паськыд пельпомъяса, крепыд мыгöра зон.— Комиссиясö сямми пörъявны...

— Тэ вот пörъялін, а коді нö Чужан мунымös кутас дорйыны, суйöрсö видзны?— юала вежавидзöмөн, но дöзмыштöмөнкодь.

— Енмыс, бабуля, Енмыс!— серöктіс зон.

Некод эз и асьвартлы сулалысьяс пиысь татшöм наян серам вылас. А менам гудыртчис сьölөмöй. Воис автобус. Вына зонъяс медводз пырисны öдзöсöдыс. Мужичöйяс на бöрысь сүйсисны. Ми медбöрын. Зонъяс пукалöны, а нопторъяса пöчъяс сулалöны. И некутшöм вежавидзöм! А ми öд талунъя зонъясылöн да налөн батъясылöн, миян чой-воклөн, кодъяс фронт вылö мунигөн улöс судта на вöлісны, муртса кок йылань сувтöдчисны, шуд вöсна тышкасим.

Меным вöлі кызь арös. Уджали Сыктивкарса почтамтын телеграфисткаөн, кор öйис война. Военкоматсянь повесткаыс воис августын. Сукар ноптор, улын новлан көлуй, кружка-пань чукöртöм вылö сетісны... öти лун!

Шондіа мича поводдя. Сыктивкарса пристань дорö чукöртчöмаöсь уна йöз — фронт вылö мунысьяс, найös кольöдысьяс. Дзажгöны гудöкъяс, Сыктив юбокса пöвйөн вольсалöм перрон вылын сизьдöны-йöктöны ныв-зон. Гудök шысö вевттылöны Гитлерös öдйö вермöм йылысь частушкаяс. Креста волыса, пидзöсöдзныс гача посни зонкаяс визув ёльяс моз бергалöны ыджыд-джык чой-вок дінаныс, корöны, видз вылö моз, тшöтш босьтны найös фронт вылö. Мам сьölөмөд оз ылöд, кылöны и бöрдöмъяс: бомба-снаряд да пуля улö öд мөдöдöны вир чунь быдтасьяснысö, пöрысьö-нэмö найös лелькуйтысьяссö, да, гашкö, медбöръяысь кутлöны-окалöны.

Эз гажъявны том ныв-зон моз и верстьö мужичöйяс. Гортаныс кольöны чунь пом кодь куим-нель челядь да гöтырныс. Тöдісны: тшыглун виччысьö семьянысö, а муса аныслы — öнөдз тöдлытöм куим мында удж öшъяс пельпомъяс вылас. И челядь вöснаыс нывбабалы вичмас содтöд на тöжд, и верös вöснаыс личавлытöм полöм. Бöрдöны аньяс, доршасьö синваыс семья вердысь-кутысьсылöн. Сывъялöма гöтырсö, челядьсö.

— Ог гөгөрво та мында йöз водзын яндзим тöдтöм, бöрдысь мужичöйяссö!— збоялöмөн дивитіс олöма айясös Паша Морозова.— Менам бать фронт вылын, и ме вöйыси. Öдва и босьтісны. Санитаркаөн висьтаси. Пасьвартам Гитлер-фашистьяссö да геройясөн регыд мысти и бөр локтам гортö. Рöдина-мам чуксалö — ми пыр дасьöсь! Став страна кыпöдчис Гитлерлы паныд!

Паша Морозова веськалöма пленö, абу вермöма пышйынысö да пöшти война чöж пукалöма фашистьяс концлагерын.

— А меным мам шуö: «Ог лэдз фронт вылас и пом! Нывбаба — горт олысь!»— сёрниö пырöдчис Люба Рылова.

— Ме комсомолка! Рöдиналөн мездлун — менам олөм!— шуи, а мамук менö татшöм водзмöстчöмсьыс тасма помөн ошкис. Но кутны эз вермы. Тöлысь кык-куим кежлö вошлам — геройясөн гортö локтам.

Пристаньын сулалысь «Архангельск» пароходлөн кузя тутöстөм шыыс, тöдöмысь, кыліс став кар гөгөрас. Военкоматса офицер фронт вылö мунысьясös сувтöдіс стройö. Верöсьясысь да пьян-

сыс торъялём аньяс ливзёмён бёрддзисны. Ныр чышкөдъяс перъялім зепъясысь и ми, нывъяс. Мамъясысь, чой-вокысь, гортысь со торйөдчыны лоё.

— На паро-о-ход! Шаго-ом, марш!— горөдіс да өвтыштис кинас военкоматса офицер.

Крут кыркөтшыввса сера поскөд лэччим пристаньё, пырим пароходё да өдйө-өдйө кавшасим вылыс палуба вылас, веськыд бортланьыс ставон гузыгым — медбөръяысь ныр чышкөдөн мед өвтчыштны берег вылё кольччём дона пöльяслы, мамъяслы, чой-вокъяслы.

— Пароходыс весиг пöлыньтчис.

— Разгрузить правый борт!— горзё капитан.

Кодкө кывзис, кодкө и эз, пароход ньөжйөник, бокша пöлынён вөрзис пристаньысь, катыштис вывлань да бергөдчис ва горув. Йөз гузьөбтисны шуйга бортланьыс.

— Разгрузить левый бо-орт!— весышөрө горзис капитан.

Сыктывкар помассытөдз «Архангельск» кывтис Сыктыв ю кузя бок пöлөн.

Комиысь Котласөдз кывтім вит ныв: меысь кындзи — Паша Морозова, Люба Рылова, Нина Старцева да Агния Рогова. Төварной поездон, сідз шусяна «телячй» вагонъясын, пöвъясысь вөчём уна судта джаджъяс вылын мунім Конюшөдз, кежим ытыв-луныввлань. Пöшти вежон нуисны пыр водзё и водзё, ытыввылө.

Ми, нывъяс, сыйлім. Öд быдөнлы чайтсис: войнаыс кыссяс төлысь кык-куим. Сыйлёмөн гажөдім улыс судта наръяс вылын нюжвидзысь дядьөясөс.

Бөрө коли Россия, вуджим Украина му вылё. И сэнi медводдзаысь аддзим сиктъясысь да каръясысь фашистъясөн жуглём стрөйбаяс. Öти судта «мазанкаяслөн» чурвидзёны сөмын пачьяс-ныс. Уна судта керкаяссö пöшти подулөдзыс чашнитөмаөсь бомбасө, а көлөкөльняыс, Ен крестнас, көрта мытшөд вылас увлань кокыльтчөма, быттё корö прикожанаыслысь прöща: оз нин вермы сэтчөс войтырсө пузувтөм пытшкөсас сибөдны.

Эшелонысь войын чеччөм бöрын (фронт дiнө поездъяс вольвлісны сөмын войын) миянөс паныдалісны офицеръяс. «Ньöбасысыас» ас костаныс недыр вензыштөм бöрын юклісны миянөс торъя котыръясö. Войбыд изъя туй кузя нуөдісны шойччыштылтөг.

Места вылё воим югдандорыс. Миянөс төдмөдісны командиръясыскөд. Политрукъяс, сьөкылдунсö ёна дзебтөг, ыззьөдісны фашистъяс дiнө скөр лөглунө. А асывнас, муртса югдіс, ылын водзын кутіс грымгыны фашистъяслөн артиллерия, юр весьтөд мөдісны лэбавны бордъясас сьөд креста бомбардировщикъяс.

Бомба-снаряд, танкъяс, пехота — адö веськалім. Но дивизион (пушкаръяс дорö веськалі) дорйысис. Муө кодйысьөмөн кутчысис. Войнас фашистъяс эз лыйсыны, но ме, связистка, вой и лун пукалі аслам аппарат дінын. Телеграф аппарат дінын некор весиг вугыртлыны, оз позь пөрччывны наушникъяс. Öтгудырö гартовтчисны лун и вой.

А шуштöмлуныс, весьөпөртана грымгөмыс! Муө кодйөм чом гөгөр вылісянь йиркөдө и весиг кок увсянь зөркнитлас, кор ёсь йыла сьөкыд бомбаыс, пыдө муас тшукөм бöрын, потө. Висьтавыны позьтөм страк! Быд здукө блиндажнымөс вермис чашвартны

бомба. Лыддис-ө кодкө сэки, 1941 вося гожом помнас, усьомаяссө, пуля-осколокъяснас доймомаяссө, веськыда усьом бомба-снарядъяснас чашвартөм салдатъяссө? Одвакө... Сгинитас-вошө бур мортыс лы ни ку. Смертыс синмө видзөдіс... Гөгөр дон көрт да би. Бөрдисны юөр нуысь-вайысь связнойяс, бөрді и ме: быд здук көрт торпыриг вермас розьодны сьолөмөс, жугөдны юр... Но Енмыс абу на сэтчө шуөма кувны. Велалышті пель чунөдан горас.

Усьоны салдатъяс, командиръяс, а ме ловъя, эг на доймыв. Дивизион пыр на өти местаын кутчысьө.

Но воис дзик виччысьтөм приказ: «Бөрынытчыны!». А бөрынытчынысь артиллерия дивизионысь пөшти некодлы нин. Дас көкъямыс арөса зонгясөс пуля, снаряд либө бомба нэм кежлас Украина му вылө водтөдіс. Оломаясыс, кужысь-видзчысьсысыс, лыдаөн колисны.

Бөрынытчыны вөлөм ёна сьөкыдджык кодйысьөмөн дорйысьөмысь. Фашистъяс ылө кольччытөг вөтчөны миян бөрся, мышканым лыйлөны, танкъясөн талаялөны...

Томөн кувны некод оз көсйи, но бөрынытчөм адсыс лёкджыктор война чөжыс ме сэсса эг төдлы. Куим сутки чөж, медсясө войын, дзебсясьөмөн, вөръясөд мунім асыввывлань. Тшыгөс, но сиктъясө, хуторъясө эгө пыравлөй.

Вель паськыд ю дорө петім. Йөзыс! Гөрд Армияса салдатъяс... бөрынытчысыс жө... Радлам! Ас йөз дінө петім. Недыр нимкодясим — воисны фашист бомбардировщикъяс, истребитель-штурмовщикъяс. Муыс сөмын и прысьйө. Гырысь калибра пулемётъяс шырёны йөзөс, вөвъясөс.

— Көнөсь нө Сталинлөн сөкөлъясыс? — төждунөн видзөдөны енэжө салдатъяс. — Но, мед көть нин кык-куимөн волісны, повзөдыштісны кырнышъяссө.

Лётчикъясөс му вылын тышкасысыс пуктылісны пыдди. Найө мыйкө мында и мездылісны сынөдсянь фашистъяслөн усьласьөмысь.

Юрбитөм кодь лоис татшөм юасяна корөмыс. Кымөръяс саяйысь фашистъяслөн бомбардировщикъяс вылө суныштіс визяорда моз краситөм, бордъяс улас гөрд звездаяса ичөтик винёв истребитель да кутш моз мөдіс усьласыны фашистъяслөн тупныра, өдйө бергавны вермытөм бомбардировщикъяс вылө... Өзйис да өдсө воштөм ньөв моз увлань сунгыртчис «Хейнкель». Здук мысти — мөд!

— Ястребок! Ястребок! — адзисны ассыным дыр видзчысяна самолётөс да кутісны горзыны салдатъяс: — Нөшта! Нөшта, көть өтиөс!

Сотчысь мөд самолётсянныс торъялісны сьөд ёкмыльяс. На весьтын воссисны еджыд эшкын кодь парашютъяс. Эз тай артасыны салдатъяс, көть винтовкаясас кольөмны лыда патронъяс. Сөмын и шковйөддыны кутісны парашютъяс улын бовъялысь сьөд ёкмыльясө. Өти бөрся мөд пөльтчөм парашютъяс кусалісны да фашистъяс из моз тювгысисны юө.

— А-а-а! Гадъяс! Вердөй сэні вакульяссө! — радлісны салдатъяс.

Тайө нимкодь здукуыс ёна кыпөдіс менө. А вылын, енэжын, катша моз винёла патурликасис ичөтик истребитель, уськөдіс нөшта өти бомбардировщикөс да вөтліс миян весьтысь кырныш-фашистъясөс. А натөг и штурмовикъясыслы нем лои вөчнысө: патрон-снаряд быри, бергалігас-пышъялігас самолётъясас ломтасыс

быран выйын жö лои. Сетчисны рытиввывлань, да ми лючки и вуджим юсö.

Борисполь кар дорö вотöдз, Борщи сикт дорын суöдiм ассьыным дорйысьысьясöс. Командирьяс регыдöн котыртiсны бöрынтычсьысысь виль ротаяс, батальоньяс — ёнмöдiсны сэтчöс полкьясö. Связистьясыс, тыдалö, асланыс вöлины, менö индiсны отсасьны фронтса госпитальы. Связисткаясöс öд война водзвылас öттшöтш и санитаркаясö велöдлiсны. Косьяс, кыдзи и Киев дорын, вöлисны чорыдöсь. Лыйсян би увсьыс петкöдалам доймöмаясöс. Унаöс, вывтi унаöс, медсясö ми, нывьяс, петкöдiм сотчысь му вывсьыс, кöртавлiм дойьясö, мöдöдалiм бурдöдчыны.

Война öзьян вося ноябрь-декабрын фашистьяс (öни веськыда позьö висьтавны) зэв вынаöсь вöлины. Рочьяслы сöмын повтöмлуныс да фашистьясöс ёна мустöмтöмыс и кутiс да сетiс вын тышкасьны.

Весиг тешкодьторьяс кывлiм: öти салдат бöрся фашист самолёт вöтлысьöма сэтчöдз, кытчöдз став снарядьясö абу бырöдöма. А мортыд вöлöма сюсь: вомöнöн да вомöнöн котралöма. Ловйөн кольöма. Воöма, маткö, скöрсьыс-скөр. Öтка салдат бöрся танкөн вöтлысьлöмаöсь и.

Унаысь вöвлi: фашист танкьяс виччысьтöг уськöдчывлiсны миян вылö... асыввывсянь, кытысянь и виччысьны он куж. Йöзтöминöджык вуджасны окопьяс вомөн, ветласны неылö, а сэсья бергöдчасны да миян вылö мышладорсянь нин уськöдчöны. Ылiсяньыс чайтан: отсöг воö, а гөгөрвоан, да сёр нин. Сэки сöмын гранатаяс и отсавлiсны.

Ноябрь шöрын косьяс лоисны нöшта на чорыдджыкöсь. Фашистьяс выннысö жалиттöг зырисны асыввывлань, Москвалань. Усьöмаяс местаö отсöг воö этша. Снарядьяс, патроньяс видзтöмөн ковмылiс дорйысьны. Сiйö сьöкыдсьыс-сьöкыд луньясас фашист самолётьяслөн да танкьяслөн некымын лун помся усьласьöм бöрын миян дорйысян рубеж вылын колим сöмын дас вит морт. Вежöра лейтенант чукöртiс миянöс да босьтчис петкöдны асыввывлань, асланымладорлань. Кöкьямыс лун чöж собалiм пармаын, зыбуч нюрьяс вомөн вуджалiм. Мудзöсь, тшыгöсь. Öружье эм, но патроньясным быран выйын. Вынтöммöмысла кодсюрöяс кок йывсьыс гылалöны.

— Кутчысьöй, боец-ёртьяс, кутчысьöй! Водз на миянлы, том йöзлы, не морт ногөн кувсьыны,— ышöдiс лейтенант.— Сиктьяс-карьяс сотöмысь, ёртьяснымöс воштöмысь фашистьяслысь водзöссö босьттöм на. Гортаныд мамьясныд виччысьöны, невестаясныд-гöтырьясныд гажтöмтчöны. Петам асланым йöз дорö, ыджыд вынөн кучкам фашистьяслы, пасьвартам, да ыджыд и праздник лоö. Кутчысьöй, ёртьяс, кутчысьöй!

Сиктьяс, унджыкысьсö, кытшовтлiм. Сэни вöлины нин фашистьяс. Пыравлiм сöмын некымын керкаа грездьясö, кöни, туясьыслөн висьталöм серти, немечьясыс абуöсь.

— Пышгьянныд?— лөгпырысь моз, кöритöмөн юалöны сэтчöс олысьысыс.— Ылöдз-ö нö фашистьясöс позьö лэдзны? Кор сувтöданныд?

— Öтувтчам-чукöртчам да регыд и бөр кутам вöтлыны фашистьясöс,— эскöдöмөн вочавидзö лейтенант.— Виччысьöй миянöс тöвнас. Кынтам Гитлерлысь воякаясö Наполеонлысь моз. Рочтöлыс миянлы кутас отсасьны.

— Ен тiкöд! Ен тiкöд!— бурмöны сиктса аняяс, вердыштасны,

туй вылө сёян сетасны, бурсиёны, мед лючки петім кытшсыс. Отилаын миянөс вердісны весиг нөгылтчытөдзыс пусьом-пөжсьом рокөн. Сэтшөм чөскыд роксө сэсса некор эг сёйлы. Война бёрын кымынысь босытчылі пуны сэтшөмөс жө, но эз артмывлы. А гашкө, вывті тшыг вөсна йөла рокыс сэтшөм чөскыдөн кажитчис.

Дыр нуөдіс миянөс лейтенант фашистъясөн рөзөритөм-жугөдөм роч му вывті. Унджыксө мунім войын, а луннас дзебсясим вёрын. Полім паныдасылыны йөзкөд, эг төдөй, ылөдз-ө бёрынытчисны миян частьяс, дыр-ө на дінөдз ковмас писькөдчыны.

Өтчыд кутшөмкө сикт дорын шойччигөн өти салдат пөрччис сапөгсө да ыджыда ышловзёмөн шуис:

— Пом! Көть мый, а водзө мунны ог вермы! Вынөй дзикөдз быри, кокъяс вируляөдз зыртчисны.

Лейтенант и корис, и янөдіс, но салдат горзыны нин кутіс:

— Көть мый, а водзө ог мун! Ог вермы!

— Хэндэ хох!— увтыштөм моз кыліс мыш сайсянь.— Бергөдчим — мыш сайын сулалісны автоматъяса фашистъяс.

И кын мир туй кузя нуөдісны миянөс бөр рытиввывлянь. Военнопленнөйяс, довгам гөрбыльтчөмөн, быттё мыш сайын из ноп. Пленнөйяс! Аски лоам рабъясөн. Миянкөд тшөтш нуөдісны и сиктъясысь босыталөм мужикуловъясөс, нывъясөс. Колльөдысьясыс понтөмөсь, но автомат увсыд он на пышйы. Еврейясөс да комиссаръясөс, кодъясөс туй вылын миян чукөрө мукөд йөзкөд вайөдлісны, син водзын и лыйлісны. Миянкөд кутөм лейтенантөс, том зонмөс, ловйөн колисны.

— Гут, гут! Арбайтен!— бөр йөткыштіс автомат ствол помнас миян чукөрө вашъялысь фашист.

Куим лун чөж рытиввывлянь туй каттим. Мунігчөж ни өтчыдысь эз вердыны. Шор либө ю дорын автоматъяс улын, скөтөс моз, келөдлісны ваас. Содзьясөн юим гудыртчөм васө рушку доймытөдз. Од кор на мөд шор дорөдзыс либө кутшөмкө сиктса юкмөс дінөдз воам. Косымыны кутас горш — юны некытысь. Со и тыртім рушкунымөс көдзыд ванас. Шойччыны пуксьөдлісны сөмын сэки, кор колльөдысьясыс сёйыштны лөсьөдчисны.

Туйын төдмаси арөс-мөдөн томджык нывкөд. Висьталыштіс ас йывсыс, сутшкасысь сутугаа йөр сайын олом йылысь унаторйөн төдмөдіс:

— Менө Аняён шуёны... Мөдысь нин тадзсө нуөдөны. Воддзасысьсө пышйи и өні пышъям. Оти места төда, кыті казавтөг поэьо йөр саяс петны. Талун сёр нин, а аски выльөн вайөдөмаяссө допрос вылө нуөдласны. Гражданскөйөн висьтась. Военнөй паськөмсө ньөблін картофель ведра вылө. Войнаөдзыс уджавлін столөвөйын, тасьті-пань мыскалін. Этайө колльөдысьясыс нуөдасны миянөс сутшкасян сутугаа йөрөдзыс да бөр асланыс частьяс мунасны — армеечьяс найө. Налы миөдз веськодь, а лагерсаыс военнопленнөйяссө ёна синйёны.

Войсө сутшкасысь сутугаа йёрын, картофель косытан лэбулын, узим, а асывнас допрос вылө корлісны. Висьтаси, кыдзи Аня велөдіс, да эскисны. Немтор сэсса эз и кутны юасыны. Пажын дырйи вердыштісны сісьмыны кутөм, кынмылөм капуста корныасөн. Морт вылө ичөтик консерв банка дэбыд гудыр помой солькнытыштісны.

— Тайө и завтрак, и пажын, и ужын. Өтчыд лун татшөм пөтөс сёяннас вердөны,— курыда вашъялөмөн висьталіс выль төдсайы.

Сутшкасьысь сутугаа йöрын олим куим сутки. Видзöдалим-кыйкъ-ялим, кытджык ветлöдлöны мянöс видзсысясыс, кытчö вой кеж-лас сувтöдалöны часöвöйяссö, дыр-ö мысти вежсьöны. Нельöд войнас пышйим.

Аня, кöть и томджык, зэв сөнöд, мудз тöдтöм ныв вöлöма. Войбыд тэрмасьмөн ылыстчим лагерьысь, но эз öд гарыштлы шойчöм йылысь. Ме, тыдалö, ёнджыка мудзи, но пуксьышталöм йылысь мöвп юрö эз жö воны. Асывнас, югдигөн, петим кутшöмкö грезд помö. Торкöдчим медводдза керка öдзöсас. Игансö восьтис да петис кильчö вылас олöма нин украинка. Висьтасим. Нывбаба пыртöдис керкаас, пуксьöдис пызан саяс, пöттöдз вердис.

— Немечьяс грездö эз на воныны,— висьтавлис керкаса кöзьяйка,— но йöзыс ёна полöны. Быд керкаысь öд мужичöйяс, тшöтш и менам верöсöй, Гöрд Армияын.

Сейöм бöрын аттьöалим бур кöзьяйкаöс да кöсйим нин водзö туй кутны, но аныс нормöм сьölöмөн юалис:

— Кытчö нö мунанныд? Мый тиянöс водзын виччысьö? Фронтыс, кывсьö, ылын нин, асыввылын. Кольчинныд эськö? Кокъясныд со дойöдз зыртчöма. Ен сетас, Гöрд Армияным регыд бөр воас да сэки и öтувтчанныд,— тайöс нин меным, военной паськöмалы, шуалö аныс.— Куимөн, öткөн дорысь, кокниджык и гажаджык. Энö, колöкö, юрнытö пудьялöй, веськаланныд фашистьяс киö.

Кöзьяйка ломтис пачсö, ыджыд чугунын шонтис ва, тшöктис бура мыссыны. Рытнас аныс петис гидас мöссö лысьтыны, а ми петим пемдыштöм нин ывла вылас ыркöдчыштны. Гидсянь кылис пöдöнчаö йöвлөн джигöмыс. Мöд жырянныс бакöстлывлис ыж. И муткыртчис сьölöмöй, гортса олом казытыштис: «Кыдзи-мый сэнi оло мам, Володя вок, соседьяс?».

— Кöзьяйкаыс зэв бур, да ме, пöди, кольчча?— шуис Аня.— Дышöдис öти-мöдлаын шöйтнысö. Кыкысь йöртлисны сутшкасьысь сутуга сайö. Мойвиис пышйыны кыкнанысьсö, а нöштаысь кутасны, да код тöдас мыйөн ставыс помассяс? Кута овны кöзьяйкаыскöд, отсасысь пыдди сылы лоа...

Небыд няньөн мöс вöра йöв пöттöдз юём бöрын гортысь пөтöмсянь медводдзаысь водi небыд вольпасьö. Дум вылö бара уси гортса олом, мам да вокьяс вöсна тöждлун. Куим вок, Потапий, Николай да Александр, фронт вылынöсь жö. «Дзоньвидзаöсь-ö, ловьяöсь-ö?»— майшаси.

Асывнас садьми водз. Завтракайтыштöм бöрын аттьöали бур кöзьяйкаöс да öтнам петi туйö. Аня кольччис. Водзын бара кузь туй. Лунъяснас дзебсяси вöрын, оврагьясын, вундытöм шобдi пöвстын, а войнас, видзчысьмөн, мед ог тшук фашист патрульяс вылö, кань моз восьлалi дзик тöдтöм местаясöд асыввывлань. Дырөн чукöрмим витөн, кытшысь петысьяс жö. Кымын матыс-мим фронтлань, сымын сьöкыджык лои писькöдчыны: тшöкыджыка кутим аддзывлыны лöзовруд шынеля патрульясöс. Казялам — дзебсям либö вöчам ыджыд кытш. На вöсна жö сьöкыджык лои судзöдны сёян. Сиктö пыртöдз кö улича вывсьыс адзам машина либö мотоцикляс — бара лоö пышйыны. Сиктас фашистьяс. Тшыгйөн лоö мунны мöд сиктöдз.

Öти сиктö менö мöдöдисны разведкаö. Йиркöдчи медся дорса керкаас — эз восьтны. Мöд керкаысь öдзöссö восьтис олöма нин нывбаба. Гöля олысь семья. Кык ичöтик челядь. Лабичас пукалö да пöдтöдзыс курксö-кызö пöль.

— Гитлеровецъяс сиктын оз патеруйтны, но воливлӧны тшӧкы-да,— юӧртис кӧзаякаыс. Вайис йӧв кринча. Недыр и пукалі, ывлаын кутісны таргыны мотоциклъяс. Пырисны керкаас. Пӧдан висьӧмӧн нӧрпалысь пӧльысь да менсьым бӧрлань кӧрталісны кияс да нуӧдісны аскӧдныс. Пыртӧдісны вӧвлӧм колхозса правлениеӧ. Видзӧда: менам туй ӧртъяс нӧльнанныс сэтӧнӧсь жӧ нин. Кӧрталӧм киясаӧсь жӧ.

Юасисны, кодъяс, кытчӧ мунам. Дерт, пӧръясим. Эз жӧ позь висьтавны кытшысь петӧм йылысь. Оз эскыны. Юр вылын вӧлі лётчик кучик шлӧм, да менӧ лётчицаӧн и чайтісны. Нӧйтісны. А сійӧ шапкасӧ локтігӧн аддзи да шоныдджык вылӧ и босьті. Пилотка — абу сӧр арся новлантор. Миянӧс петкӧдісны ывлаӧ, сувтӧдісны стенлань чужӧмӧн. Кыліс автомат ӧчередь. Миян ӧти салдат уси. Повзьӧмсьыс, вӧлӧм, усьӧма. Некодӧс эз лыйлыны. Ставнымӧс йӧртісны турун видзан игана ӧдзӧса сарайӧ.

— Талун сӧр нин, а аски кучикнытӧ кулям,— бара повзьӧдлыштісны.

Кор ставыс лӧнис, пӧль вешталыштіс турунсӧ да шуис:

— Меным пышйыны некытчӧ, дай арлыдӧй, висьӧм ӧна нин торкасьӧны, а ті томӧсь. Мойвиас — мынанныд кӧинъяс пиньгыж увсьыс. Тайӧ сарайыс батылӧн на коркӧ вӧвлі. Подулыс сэтчаньсӧ восьса, тувсов ва кырӧдӧма. Овраг кузяыс ю дорӧдзыс лэччӧй. Ен отсалас — воанныд коланаинад.

Сувталытӧг-шойчышттӧг войбыд котӧртім кодзувъяс кузя асывыввлань. Асьядорыс петім немеч шойна дінӧ. Лунтыр гуяс костас куйлім, а пемдіс, да водзӧ мӧдӧдчим. Друг кылам: водзын кутісны ӧна лыйсьыны. Автоматъясысь, винтовкаясысь. А роч винтовкалысь шысӧ нинӧмкӧд он соров. Вӧчим ыджыд кытш да петім лыйсьысыс мышкӧ. Раддуннымла бӧрдім. Асланым йӧз дорӧ ӧд веськалім. Салдатъяс мыгчисны миянлы водка, пӧвар вердіс рокӧн. А недыр мысти воис «смершысь» офицер да тшӧктіс арестуйтны миянӧс ставнымӧс.

Фашистъяслӧн тылысь петӧмаясӧс «смершса» следователь дінӧ винтовкаяса салдатъяс вайӧдлісны ӧтикӧн-ӧтикӧн. Арестантъяслы мӧз весиг кияснымӧс тшӧктылісны мыш сайӧ креставны. Кынмаломысь менам кыптіс жар, весиг сырми висьӧмысла.

— Эн пов, нылӧ. Тянӧс, радӧвӧйясӧс, мыждынысӧ нинӧмысь. Ставыс лючки-бура помассяс,— сьӧлӧм сетіс шӧр арлыда нин полковник.— Миянлы, командиръяслы, сьӧкыд лоӧ эскӧдны, мый дорйысим медбӧръя патронӧдз. Оз эскыны. Бӧрынытчан приказъяссӧ сетавлім, медым йӧзсӧ ловйӧн кытшсьыс петкӧдны. А юрнымӧс видзим сӧмын сы вӧсна, медым петны кытшсьыс да водзӧ тышкасьны фашистъяскӧд. Бать мулы колана йӧзӧн на ачымӧс лыдди да ловйӧн и петі асланымладорӧ,— полковник плавгис мыш вылӧ шынельсӧ да содтіс:— шонтысь, бур ныв, да нинӧмысь эн шогсьы. Ставыс тэнад лоӧ бур. А меным, тӧдӧмысь, тайӧ шынельыс оз нин ковмы.

Мый лои тайӧ бур дядьӧыскӧд, некод оз тӧд. Сійӧс сэсса эгӧ аддзылӧй, следователь дінысь мӧд ӧдзӧсӧд петкӧдісны. Позьӧ шуны, пленӧ веськавлӧм ыджыд чина командиръяслӧн олӧмын сійӧ кадӧ вермис лоны сӧмын кык туй: пуля либӧ штрафбатальон.

Лӧз петлицаяса, мича чужӧма том лейтенант сӧрнитіс мекӧд зэв вежавидзтӧма, эз лэдз весиг пуксьыны.

— Ми ставсӧ нин тӧдам. Висьтав, кутшӧм могӧн мӧдӧдісны тэӧ немечьясыс. Сӧмын эн пӧръясь, аслыд жӧ лӧкджык лоӧ.

Татшом юаломыс падмодіс, ёна повзбодіс. Бёрддзи. Лейтенант мыччис ва стокан. Юалис, кутшом частын служиті, кызди овыс командирлөн, комиссарлөн, да унатор на артдивизион йылысь ковмис висътавыны, а сэсся бара аслыс колана ног бергөдіс юасьомсө:

— Кызди овыс офицерыслөн, коді дасьтис тэнө татчө мөдөдтөдз?

Меным немторйысь некодөс мыжавны ни удтыны, да кыздимый вөлі, дзик ставсө сідзи и висътавлі. Лейтенант быд ногыс грөзитчис, повзбөдліс, но весьшөрө. Бөрдөм сорөн збыльсө унаысь лоис висътавыны, а вөвлытөмторсө ас вылө эг босыт.

Вежон кык мысти бара нуөдісны политотделө. Ставсө выльысь юасисны-гижисны, но эз нин сэтшөм скөрысь сёрнитны. Сы бөрын хозчастысь сетісны выль көм-паськөм да аслам специальность кузя и мөді служитны. Колө чайтны, частын сійө кадө эз тырмыны связисткаясыс да быть ковмис босытны. Но «смершса» лейтенантлысь суклялана гижөдсө, вөлөм, ки уланыс матын видзөны. Во мысти, 1942 вося октябрын, миянө воисны выльөн велөдөм телеграфисткаяс. Бара корисны «смерш» отделө да көсийсны важ «мыжсьыс», мый эз вөв, мөдөдны штрафбатальонө. А сэсся виччысьтөг воис приказ: «Лэдзны гортө, военкомат видзөдлас улө».

Приказыс эськө и воис, и туяс петі нюжмасьтөг, но Княжпогостөдз воөдчыны ковмис төлысь чөж, пөшти декабрь помөдз. Пөпуттьө мунысь машинасьон воөдчи Ичөт Слудкаөдз, а сэтсыянь сэсся, котөрөн сорөн нин — подөн. Көть Ипатьөдз и абу матын — ветымын верст, но весиг асывсө эг кут виччысьны: вой улас и петі.

Кор чужан сиктөдз колис верст-мөд, паныдасисны вөлаяс.

— Салдат, видзөда да, гортас шавксьөдө... Мый нө, войнаыс помасис нин? — дойданаа юалис мужичөй гөлөс. — Гитлерсө нө чергөдінныд нин? А гашкө, вынныд оз судзсьы? А гашкө, шпионнөн мөдөдісны? Егориха, кылан? Миянөс вөр лэдзны этапируйтисны, а воякаяс фрицкөд косьын матө воөмаөсь!

— Мый морт дінас лемасин? Тыртөм мельнича моз нем абусө изан! Эн кывзы сійөс, салдат. Этайө пыр татшөм, жель кодь, быдөнө желлясьө. Кузь кыв вөснаыс со татчө, войвыв муас, вөр лэдзны мөдөдісны, а сылы пыр на этша, сувтны оз вермы. Ипать базаын уджалам. Пызыла мөдөдісны. Висътав, кызди сэні фронт вылас немечсө нөйтөны? Венам өд мутивөйсө?

— Бура велалісны тышкасьнысө, бура. Быть венам, ылөдз нин вөтлім, — вочавидзи да мөдөдчи водзө.

Мунігмоз вежөрті дядьөыслысь вашгялана сёрнисө, да воськовъясөй пыр и ньөжмалісны. А мый? Тадз жө өд и дөваөн кольөм сиктса аняяс, кодъяслы верөс усьөм йывсьыс шог юөр воис, вермасны шуны. И найө, кодлөн ныв-пияныс фронт вылын вир кистөны, көритөмөн кутасны видзөдны. Войнаыс өд эз на кус. Помыс на оз тыдав, а ме гортө нин локта.

Сувті медводдза керка дорас вотөдз да вель дыр воськов эг вермы вөчны. Мөвпгясысь пальөдіс руд пон. Сійө кытшовтіс менө, исалыштис кок туйөс, кольча бөжнас өвтчигтырйи матыстчис да чеччыштөмөн кыпөдіс воддза лапаяссө морөс вылө. Асланым Буско вөлөма. Воөн-джынйөн коли мунөмсянь, а төдіс өд, весиг салдат шынельөн төдіс. Лөсьөдышти мышнопйөс да понкөд и мөдөдчим гортлань.

Керка өшиньяс битөмөсь на. Пукси кильчө вылө, өдзөсланьыс мышкөн. Кузь туй бөрын зэв лөсьыд тадзсө, кокъяс пос горув-

лань нюжодомон, шойччыны да мовпавны. Друг воссис кильчө одзос, курич весьтас — мамой. Сувти, матыстчи сы динө, топодчи чужомон морос бердас. Эгө окасьой, эгө сёрнитой, чов олигтыр сулалім ота-мод динө топодчомон. Дыр тадзи сулалім.

— Мый нө тэ, нылө, кильчө вылын пукалан, а керкаө он пыр?— медвойдөр мамлөн воссис кыв-ворыс.— Он игөдчы ни?

— Чайти, узянныд на, эг көсйи уннытө пальодны. Кузь туй бөрын кильчө вылын кокос шойччөдышти.

— Ветымын верстсө Ичөт Слудкасянныс подөн локтин?— шензыштитис мам.— Войнас? Отнад?

— Туйыс, майбыр, төдса.

Пырим керкаө, мам озтис карасина лампа. Садьмис ичөт вок, Володя. Пөрччи шинельос, сапөгос, пукси лабичө.

— Муса нылөй! Да кызди нө тэнө гортад лэдзисны, войнаыс мунө на да?— ставсө вунөдомон уськөдчис ме динө мамө, кутыштитис сьыли гөгөр.— Да ме од тавой, дзик на өні, тэнө вөтөн аддзыли. Сийөн и садьми, а тэ со гортө воин,— бөрдигтыр шуалө мам.

Ме бөрда жө.

— Мамө, чойө, мый нө ти бөрданныд? Радлыны колө, а ти бөрданныд,— шыасис Володя.— Пызан лосьода. Агния од тшыг?

Володя вайис пызан вылө кринча йөв, кисьтитис кружка тырыс. Пукси пызан сайө да кринчасьыс ставсө юи. Сэтшөма гаж бырөма гортса йөвсьыс.

Кывлөмаось, да пажын кадөдз мянө волісны сиктса пөшти став йөзыс. Од меөдз Ипатьө фронт вылө мунөм салдатьясысь некод на абу волөма. А кызди сэнй фронт вылас збыльысьсө, сиктсаяс пөвстысь некод оз төд. Висьтавлі, мый позьө, а нывбабаяс кывзисны да сөмын юрбитісны. Фронт вылас Ипатьысь быд керкаысь мунысьыс вөлі. Сөмын мян рөдысь фашистьяскөд тышкасисны дас өкмыс морт, а Победа бөрын гортаныс воисны некымынөн. Батытомон колисны челядьыс Николай Павлович, Иван Павлович, Анатолий Дмитриевич Выборовьяслөн, Анатолий Михайлович, Иван Михайлович, Вениамин Павлович Полутрудовьяслөн...

Ипать колхозын сійө кадас вөлі нель бригада. А өні эновтөм сиктас олөны сөмын, дасысь неуна унджык пөлынтьчөм керкаын,— пөрысьяс.

Фронт вылысь выльөн воөм мортос корлісны и школаө, челядь дорө. Мыйсө сөмын найө оз юасыны: «Мыйла Москва дорөдзыс фашистьяссө лэдзлісны?», «Фашистьясыс көсйөны пөртны мянөс рабьясө, а асланыс нө абуось рабочөйясыс да крестьянаыс?», «Миян медся вына армия, а кор эськө, тиян чайтөм серти, пась-вартасны Гитлерлысь армиясө, а сэсся и став капиталист-буржуйсө кор бырөдасны?». Вөлісны и Сталин йылысь юалөмьяс.

«Смершса» следовательяс дорө веськавлөм бөрын ковмыліс бура мөвпалөмон вочавидзны быд юалөм вылө.

Москва дорөдз фашистьяслөн волөм йылысь висьталі дженьыда: «Бөрыньчылім, медым став фашистыс воисны мян му вылө, а сэсся, тупкасны налысь петан туйсө да, вынөн өтчыд кучкөмон мед и бырөдны ставнысө». «Миян вежөра вождь И.В.Сталин төдө, кызди песовтны сьылідзирсө гундыр-фашистлысь».

Кывсьыліс: НКВД юасьялөма, кызди да мый висьтавлі челядьлы фронт йылысь. Ме водзвыв төді та йылысь да ёна чинталі фашистьяслысь оружие вынйөрсө, ошки ассьыным танкьяс, самолетьяс. Висьталі, дерт, и сы йылысь, кызди мян өти ичөтик ис-

требитель тышкасис дас вит-кызь бомбардировщиккӧд да штурмовиккӧд, уськӧдіс куим бомбардировщикӧс, а мукӧдсӧ разӧдіс да вӧтліс миян весьтысь.

Вывті нимкодя та йылысь кывзісны велӧдчысьяс, ошкисны Сталинлысь вежӧра да кужысь лётчикӧс, клопайтісны сылӧн подвиглы.

Совинформбюролӧн сводкаясыс 1943 во сувтігӧн эз на вӧвны зэв ошйысянаӧн. Таысь и ме кутшӧмкӧ ас сайса мыж кылі да шыӧдчи военкоматӧ корӧмӧн, мед босьтісны фронт вылӧ мӧдысь. Регыд и виччыси. Январь дасӧд луно воис повестка.

Мам корис колхозысь вӧв. Вӧлі водз асыв, но туйӧ петтӧдз керка дорӧ воис пӧшти став сиктыс. Мам бӧрдіс, а ме бурӧді сійӧс. Ог, шуа, вермы кольччыны гортӧ, кор менам пӧдругаяс фронт вылынӧсь.

Комиысь дас сизим нылӧс мӧдӧдісны Горьковскӧй областӧ. Сэні велӧдчим шоперӧ. Школасӧ помалӧм бӧрын ваялі самолётъяслы бензин, уджалі шоперӧн и госпитальын.

Сӧмын кино вылын нывбаба-салдаткаясӧс петкӧдлӧны мичаа вурӧм гимнастёркаӧн-юбкаӧн. Кром сапӧг коканыс. Фронт вылын сэтшӧм кӧм-паськӧмсӧ нывбабаяс пӧвстысь некод эз новлывалы да весиг эз аддзывать. Мый вӧлі вурӧма мужичӧйяслы, дзик жӧ сэтшӧмӧ пасьтӧдлісны и нывбабаясӧс: гимнастёрка да гач, а коканыс кирзӧвӧй сапӧг либӧ весиг обмоткиа ботинки.

Тайӧ вӧлі Прибалтикаын. Олім муӧ кодйӧм чомйын. Узьлім очередьӧн наръяс вылын. Помасьӧ дежуритӧм. Локтам асланым чомйӧ дай водам миянӧс вежысылӧн прӧстмӧм пӧвъя нар вылӧ. Матысмис 1945 вося март 8 лун. Сёрнитчим нывъяскӧд: праздник кежлӧ ассыным му чомнымӧс гажӧдыштам. Чегъялім пожӧм чальяс, дзоридз моз сюялім пожӧм лыссӧ снаряд гильзаясӧ. И сэки миян оланінӧ, киас ыджыд чемодана, пырис сапӧр Коля Хохлов. Вежӧра, варов да збой зон радейтӧма миян пӧдруга, телеграфистка Маша вылӧ. Зонмыс кужис гажӧдны йӧзӧс да быдлаын, тшӧтш и нывъяс ордын, вӧлі пыдди пуктана. Анекдотъяс зэв сямӧн висьтавлӧ, фронтыввса олӧм йылысь мичаа, быттӧ мойд, сяммӧ лӧсьӧддыны. Збыльтор либӧ юрсыс босьталӧ, но кывзӧны. Торйӧн нин геройяс йылысь сылӧн лючки да мичаа артмӧ. И ачыс абу польсы, йӧз мыш сайӧ эз дзебсясь. Смелунсӧ куим орденӧн да кык медальӧн пасйӧма.

— Кӧсья, медым март 8 луныс лоис гажасьыс-гажа праздникӧн, а менам Маша тайӧ тувсов бал вылас — королеваӧн,— Хохлов восьтіс чемодансӧ.

Нывъяс шемӧсмӧмӧн ойӧстісны: чемоданас — кӧсынкаяс, ковтаяс, платтьӧяс, туфлияс...

— Вай петав, петав, Коля, уличас миян вӧччигкоста.

Пасьталім мича новланторъяссӧ, видзӧдлім рӧмпӧштанӧ, ӧтамӧд вылӧ — сэтшӧм мичаӧсь ставным. Кодъяскӧ исерга пеляныс ӧшӧдісны, вом доръяссӧ, синкымсӧ босьтчисны краситны.

Ӧдзӧс сайын кылісны кок шыяс, кызӧктыштӧм.

— Коля! Бур сӧлӧма рыцарь! Верман пырны,— горӧдіс кодкӧ нывъяс пиысь.

Куним синъяснымӧс. Мый шуас Коля Хохлов?

— Нывъяс котырӧн радейтана Коля! Сюся видзӧд: тӧдан-ӧ миян пӧвстысь ассыд королеватӧ?— серам сорӧн юаліс кодкӧ нывъяс пиысь.

— Мы-ый? Кутшӧм нӧшта королева? Кӧлысь вылӧ тадзсӧ мич-

мөдчинныд?— кыз гөлөснас букөстіс старшина.— Велөда тіянөс пыдди пуктыны уставъяс! Сідзи вөччөда — нэмтө оз вун! Өні жө пөрччөй вылыссыныд став чачаяссө!

Старшина видчис нөшта минут дас, а миян синваным доршасьө, кутім пөрччавны туплияс, исергаяс. Старшина петіс. Нывъяс пөвстысь кодсюрө кутісны бөрдны.

— Мый нө лоис? Мыйла синватө кисьтанныд?— пырис да юалө Коля.— Эз во сьөлөм выланьд вөччанторъясыс?

— Старшина воліс да видіс. Тшөктіс бөр ставсө пөрччавны. Уставъяс пө торкаланныд.

— Сылы, гөрд уска төрөканлы, сөмын устав! Устав пырыс мортөс оз аддзы!— скөраліс Коля.— Энлөй пөрччысьөй, здук кежлө петала.

— Старшиналысь приказсө ме вежа!— нывъяс оланінө пыриг-мозыс на, гораа шуис ротаса командир капитан Сергеев.— Шойччөй, нывъяс, гажөдчөй!

Лунтыр гажөдчим, бура пасйим нывбаба праздниксө. Колис нин сійө кадсянныс ветымын сизим во, а пыр на син водзын та-йө шуда луныс.

Прибалтикасянь вуджим Германия му вылө. А победылы салютсө аслам карабинысь вөчи Дрезденын.

Коркө война бөрын нин чукөртчим фронтыввса пөдругаяс, да юалі Агния Роговалысь, кодкөд 1941 вося августын өтлаын мунім фронт вылө:

— Мыйысь тэ медъёна полін война вылас?

— Полі отиторйысь: мед эськө некод эз аддзыв кувсьөм бөрын мисьтөммөм чужөмөс,— недыр мөвпалыштөм бөрын вочавидзис пөдругаөй.

Война йывсьыс мөвпалігөн ассьым юавлі:

«Кутшөм вын отсаліс пасьвартны фашизм? Өд сылөн кабыр улас вөлі став Рытивывыв Европаыс?»

И ачым жө вочавидзи:

«А кыдзи нө, кутшөм вынөн, коді вермас пөдтыны сэтшөм войтырөс, көні мужичөйяскөд орччөн, кианыс өружьеөн, мездлун вөсна тышкасисны и нывбабаяс? Нывбабаяс вылын жө зумыда сулаліс тыл — страналөн став овмөсыс. Нывбабаяс дорисны фронтлы өружье! Сэтшөм войтырсө оз вермы ни кусыньтны, ни чегны некутшөм вын!»

Снимокыс **Ф.Макаровлөн.**



Крестьяна сямӧн

Сёрнитысь йылысь.

Семуков Юрий Иванович. Чужліс 1938 вося январын Кӧрткерӧс районса Пезмӧг сиктын. Инженер-стрӧитель. Содтӧд велӧдчис Высшӧй партийнӧй школаын да босьтіс экономистлысь диплом. Уджавліс стрӧительӧн, а сэсса комсомол да партия обкомын. Дас во веськӧдліс Кӧрткерӧс районын — райисполкомса председатель, партия райкомса первой секретарь. Сы бӧрын — партия обкомса секретарь, Госпланса юралысь. 1988—1990 воясӧ — Коми АССР-лӧн Верховнӧй Сӧвет Президиумса Председатель.

1993 вося октябрӧдз Ю.И.Семуков вӧлі Коми АССР-сянь РСФСР Верховнӧй Сӧветса депутатӧн, уджаліс Москваын. Сыӧдз, 1990 вося июньын, Коми АССР-лӧн Верховнӧй Сӧвет Президиумса Председательӧс бӧрйигӧн венласис тайӧ чин вӧснаыс Ю.А.Спиридоновкӧд.

Ю.И.Семуков — республикаса заслуженнӧй уджалысь, наградитӧма «Знак Почёта» орденӧн.

Олӧм йылысь мӧвпгъясӧн Юрий Иванович юксӧ «Войвыв ко-дзув» лыддысьяскӧд. Сёрнитӧ сыкӧд Алексей **ПОЛУГРУДОВ**:

— Юрий Иванович, мый колӧ, медым сиктын чужлӧм мортлы кыпӧдчыны ыджыд юралысьӧдз?

— Медводз — велӧдчыны. И, дерт, уджавны колӧ. Сиктад крестьяниныд кызди овліс? Шонді петӧ — сійӧ уджалӧ нин, шонді саялӧ — сійӧ уджалӧ на. Крестьяна сямыс, буракӧ, вӧлі и миянын, чужӧмсянь нин...

— Кыдзи артмис, мый Тi лоинныд сэсса карса олысьӧн?

— Меным вӧлі кӧкъямыс арӧс, кор батыӧй локтіс война вылысь. Пырис уджавны карӧ, а сэсса и миянӧс вуджӧдіс. Ме буретш мӧдӧд классӧ куті ветлыны, а рочнас сӧмын «я» да «мы» тӧді. Медводдза восӧ вӧлі сыӧкыд, а сэсса тай ньӧжйӧник велалі. Менам век вӧліны бур ёртгяс. Лӧсьыда сӧвмим-быдмим. Сэсса ветымын витӧд воын 12-ӧд номера школа помалі. И сэки эз вӧв кокни: баты-мамлӧн некутшӧм образование абу. Баты шопераліс, мам карса пывсянын уджаліс. Ме муні военнӧй училищеӧ пырны. Сэні ӧд дон босьттӧг пасьтӧдісны, вердісны, велӧдісны. Но эз артмы сэні велӧдчӧмыс. Бӧр локті гортӧ сентябрь помас. Ӧтчыд ёрткӧд мунім сельхозтехникум дорті, и сійӧ вӧзйис пыравны. Документгяс корисны дай босьтісны велӧдчыны.

Кык во да джын сэні стрӧительнӧй юкӧнын велӧдчи. Техникум помалӧм бӧрын ыстісны Войвожӧ, кӧні уджалі во, а сэсса армияӧ босьтісны. Демобилизуйтчӧм бӧрын пыри уджавны стрӧительнӧй институтӧ, но удждоныс вӧлі вель ичӧт да муні стрӧйка вылӧ.

Сэтысянь нин босьтісны комсомол обкомӧ, гашкӧ, сы вӧсна, мый пыр водзмӧстчылі: пионервожатӧявлі школаын, армияын комсомол комитетын уджалі. Буракӧ, казялісны ли мый зільмӧс да, комсомол обкомӧ корисны инструкторӧн. Сэтӧні уджышті, сэсса оборонно-спортивнӧй отделӧн веськӧдлі. Куим во комсомолын

уджалі, но ӧд сӕсся и комын арӧс нин. Та бӧрын Совминӧ вуджи. Сӕні куим во уджалі, сӕсся партия обкомӧ босытисны. Сӕсянь и ыстисны велӧдчыны ВПШ-ӧ.

Некутшӧм сідз шусяна «блат» менам некор эз вӧвлы. Йӧз дорӧ кужлі матыстчыны, и йӧзыс ме дінӧ.

ВПШ бӧрын сӕсся быть колӧ вӧлі ветлыны уджавны районӧ. Со менӧ и ыстисны Кӧрткерӧсӧ. Сӕні депутатӧн бӧрйисны, сӕсся райисполкомса председательӧн. Квайт во уджалі. Сӕсся партия райкомса первой секретарӧн лои. Сӕні нӧшта нель во уджалі. Дас воннад Кӧрткерӧсын унатор вӧчим: республика медводзсӧ сӧвмис ӧд лунвывланьӧ — вольсалісны туйяс да мый да, а сӕсся мӧдӧдчисны миянланьӧ, и ме веськалі буретш сійӧ кадас: кутісны нюжӧдны Эжва да Висер вомӧн посъяс, вевттыны асфальтӧн туйяс. Би нюжӧдім.

— *Юрий Иванович, а асьныд кызди чайтанныд, вежис-ӧ Тіянӧс власытыс да карса олӧмыс?*

— Но неунасӧ, дерт, быдман, сӧвман, сямлун босытан и сідз водзӧ, но медым мукӧдыс моз этшӧс понді воштыны либӧ йӧзыскӧд вылісянь сӧрнитны, тшапитчыны — сӕтшӧмыс эз вӧв. Некор тшыкнысӧ вӧлі. Сиктад уджалігӧн — лун и вой йӧзкӧд, а йӧзыс вӧсна вийсян — пыдди пуктанаӧн лоан.

А вежсынысӧ?.. Иван Павлович Морозов кызь кык во веськӧдліс республикаӧн — эз ӧд ло ыкшаӧн, кутшӧм прӧстойӧн вӧлі, сӕтшӧмӧн и колис. Альберт Федорович Сюткин — сӕтшӧм жӧ прӧстой морт. Попов Виталий Георгиевич. Некод лёкланьӧ эз вежсы. Кодӧс он босыт — ставныс шань войтыр вӧліны.

— *Юрий Иванович, мый йылысь медся тшӧкыдасӧ мӧвпавсьӧ ӧні Тіян?*

— Сы йылысь, мый эг сійӧ туйӧдыс кутӧй мунны, кежим, ӧтдортчим важсыс, бурсыс. Кор ӧкмысдасӧд воас ӧнія власытыс локтіс, сійӧ медводз кысytіс партия да народнӧй контроль, медым некод видзӧдыссыс эз вӧв. Дерт, забеднӧ таысь, ӧд сы мында ми вӧчим, сійӧ жӧ Кӧрткерӧс району... Сӕтшӧм нин ставыс крепыд вӧлі: и сикт-грездъяс пондісны ловзыны, и скӧт лыд содіс, и мыйта выль му-видз лои вӧчӧма, а ӧні ставыс эндӧ. Комплексъяс лӧптім — ставсӧ нин жуглӧмаӧсь. И быд сиктын ӧд таdzi. Джын скӧтыс эз коль. Ставсӧ пазйӧма, жуглӧма. Та вӧсна сьӧлӧм висьӧ.

— *Сиктас ӧні ветлывланныд жӧ?*

— Да. И ог сӧмын ветлывлы, ме сиктас гожӧм чӧж ола — чужанінын, Пезмӧгын. Меным землякъяс сетісны «Пезмӧг сиктса почётнӧй гражданин» ним, и почётнӧй гражданинлы моз — кызь сотка му. Зӕв лӧсьыд места, ты дорын. Сӕні ме пукта картупель, морков да мукӧдтор. Ӧти кывйӧн кӧ, гожӧм чӧж му вылын уджала-шойчча, лӧпта ичӧтик керка. Кыдз шуласны, кыа рӧдвуж поз, «родӧвӧй гнездо», рочӧн кӧ. Дедлӧн ни батылӧн керкаясыс абуӧсь нин, киссисны. А ӧні вот ачым лӧпта, мед сӕсся внукъясӧс сӕтчӧ нуӧдлывлыны, велӧдны му вылын уджавны, радейтны сійӧс, мед тӧдісны чужаніннысӧ. Вӧр-ваыс ӧд зӕв мича, лӧсьыд, и ме сӕні пыр ола, йӧзыскӧд аддзысьла да мыйкӧ век нин варовитыштам.

— *Жалитанныд-ӧ мый йылысь кӧ? Гашкӧ, мыйкӧ мӧд ног окота вӧчны?*

— Ёнасӧ нинӧм ог жалит. Менам олӧмӧй вӧлі зӕв интереснӧйӧн, пыр йӧзкӧд, пыр йӧз вӧсна вийсян, пыр мыйкӧ зілян йӧзлы вӧчны, и медым жалитны мыйкӧ сідзи — нинӧм сӕтшӧмыс абу.

Ме чайта да, ми олім кыдзи колё, честнőя, и медся тőдчанаыс — сőвесьт менам сőстőм, ме некодлы нинőм абу уджйőза.

— *Юрий Иванович, а мый окота на вőчны?*

— Гőгőрвоан, кор őкмысдас витőд вонас ковмис петны пенсия вылő, ветымын сизим арőсőн, буретш на вынйőра арлыднас — первой восő, дерт, вőлі зэв сьőкыд: некодлы ог ков, нинőм ог вермы вежны, нинőм ог вермы вőчны. Сэссия ньőжйőникőн куті велаvны. Мый сэссия вőчан?

Коми йőзлőн медводдза съезд вылас корлісны да сəні уджалі на, а őні весиг оз корлыны. Ме чайта да, сййőн, мый коми войтырлőн съезд оз коланасő вőч, нырщикьясыс лоисны чиновникьясőн, а коми йőз йывсьыс вунőдісны. А съездьяс вылас йőзсő, кодьяс кőсйőны збыльсő шуны, трибуна вылас оз лэдзны. А ме шуа: нырщиклы быть колő веськыда висьтаvны збыльсő правительстволы — мый вőчсьő коми йőзыскőд, сиктыскőд. Сиктыс киссьő, юсьő, и та йылысь колő лəптыны юалőмьяссő. Ми őд республикаас, коми войтырыс, — кőзяева, а кőзяинлы колő кывкутны оз сőмын ас вőснаыс, но и мукőд вőсна тшőтш, тőждысьны республикаса став олысь вőснаыс. И асьсő кутны кőзяин моз, а ми быттьőкőнőсь лоим кутшőмкő...

— *Гőсьтьясőн...*

— Весиг абу гőсьтьяс. Ме казьтыла 1989 во. Ме вőлі буретш Россияса Верховнőй Сőвет Президиум вылын, кор сəн пондісны сёрнитны республикаяслы правояс сетőм йылысь. И ме сəні őти сессия вылын понді висьтаvны сы йылысь, кыдзи мунő сőвмőмыс миян республикаын да кутшőмджыка олőны коми йőзыс. Мися, комынőд воясő быд коми морт вылő ружье улын вайисны кык мортс, сэссия, ветымынőд воясас, бара колő вőлі сőвмőдны промышленность, и оргнабор серти нőшта на унджыкőн локтісны.

Мый йőз татчő локтісны, сййő бур. Республикасő колő вőлі сőвмőдны. Но найő őд ставныс локтőны недыр кєжлő, мед сőмын мыйкő татысь босьтны: вőр жугőдны, из шом, мусир босьтны.

Госпланын уджалігőн ме лыдди: кызь воон — 60-80 воясő — озырлунсő миянысь нуőма некымын триллион доллар дон. Некымын триллион! Мыйла ми сэссия и лəптім шумсő, союзнőй министерствояс грабитőны республиканымс да. Сəки жő, сййő жő сэссия вылас ме висьталі и та йылысь. Висьталі, мый миянлысь нуисны, босьтőны, а миянлы сетőны босьтőм донсьыс дасőд юкőнсő. Но кőть сетőны на вőлі. őд мында сы вылő вőчőма: и ЛПК, и «Воргашор» шахта; мында посėлок лəптисны, мында кар быдмис дас прőчент вылас. А őні őд и сы мындасő весиг оз сетны. őні огő и тőдйй, коді мый босьтő. Сəки тőдам вőлі, мыйта министерство босьтő и мыйта сетő. Могмőдісны тőварнас эз лəка, бөрья-вылыс тай сőмын мыйкő торксис-а. Йőзыслы оланін вőлі стрőитőны, клубьяс, больничаяс вьсьталőны. А őні? Нинőм оз стрőитны.

«Коми котырас» колő бөрйыны сəтшőм нырщикс, коді эськő тőждысис коми войтыр вőсна, и колő, мед сййс правительствоыс эз вермы дзескőдны ни личкыны.

— *Тйяны окота уджыштны коми движениеас?*

— Окота, абу окота — сййő мőдтор быттьő, но корисны кő да бөрйисны, эськő уджышти. Но нырщикаvны ог кőсйы, менам сы мында выныс ни сы мында руыс абу. Сəтчő колő томджык морт. őд эмссь жő сəтшőмыс. Со Ижмаын кутшőм йőз эмссь, кодьяс тőждысьőны район вőснаыс, сőстőм вőр-ва вőснаыс. И окота мыййкő отсавны. Но ог, буди, ков. Оз корны.

— *Юрий Иванович, кыдзи Тi чайтанныд, мыйла киссис совет империяыс?*

— Сэні, дерт, уна помка вöлі, эз öти. И пытшкөсса фактор вöлі — веськөдлысысыс эз сідзи кутны веськөдлыны. И, дерт, ортсыса фактор. Ортсыса факторыс зэв жö тöдчана вöлі. Зэв ёна могмөдісны деньгаөн сэтшөм котыръясöс, йөзöс, кодъяслы оз вöлі сетны видзны ассыныс озырлунсö. Сэсса содтöд вöліны на и союзной республикаяс. Наөн веськөдлысысыс ставныс асьныс нин көсйисны ыджыдөн лоны. Кыдз он видзöд, а найö öд Москва улын вöліны. Но позис, дерт, ставсö тайöс кызкө мөд ног вежны. Китайын со компартия веськөдлөм улын ставыс вежсьö. Тані позис жö кысъттöг ставсö вежны. Вузасьöм, йөзöс могмөдөм — унатор позис сетны аспом йөзлы, и мед сөвмисны, мед озырмисны, Ен сыкөдөн. Вöлі öмөй тайö лёк?! Но газ, мусир, көрт туй, аэрофлот да мукөд сэтшөмторсö, дерт, колі кольны государство кийн. Партия бөрнас лои сэтшөм нин сьöкыда мөвпалысьөн ли мый ли, пыр öтарö долис — не лэдзны, оз позь. А кор йөзыслы ставсö тупкөны, оз лэдзны вöчны, сэні пондö уджавны вын, коді венö «оз позьсö», синö мөдарö.

— *Юрий Иванович, ладмас-ö бөр олöмыс? Кутишөм петан туй Тi аддзанныд?*

— Зэв лектор öні вöчсьö — көсйöны вузавлыны му-видз. Позьö öмөй чужан мутö сетны вузавны? Сідз кө нин босътны, кутасны вузавны мутö, мый лоö? Сійö жö, мый мусирыдкөд лои: коді сэні уджалö, сійö, дерт, бура олö, а мукөдыслы — нинөм! А öд тайö мусирыс миян. Газыс миян, из шомыс миян; сійö öд выльысьтö оз чуж. Сідзкө, локтан көленаясылы сійö оз коль. Быдлаын чөжöны сьöм локтан көленаяс фондö, а миян сійö абу. Да мутö кө сэсса ньöбасны, крестьяниныд миян коді лоö? Батрак! Кодкө Израильын кутас овны, Австрияын, Лондонын: кызвын ньöбысыс öд миян — кык гражданствоа йөз. И медводз, мый вöчис выльөн локтөм власть — лөсьöдіс кык пöвста гражданство. Миянöс, посни войтыръястö, сідз кө нин шуны, быд ногыс ылөдлісны, мыйла и ми сы вöсна гөлбсуйтım — чайтım öд таджикөн: коми республикаса гражданин лоö и россияса гражданинөн. А вöчисны кыздз? Украинаса гражданин — россияса гражданин, израильса гражданин — россияса гражданин. И найö ставныс мыйкө да «асалісны». Глузман со мында гуис республикалысь.

А водзö мый? Виль поколение локтас, а öні важыс на. Вильыс найö, коді öні велөдчö институтын, университетын...

Он кө кут эскыны таö, то и овнысö нинөмла.

— *Арлыдаяс шуöны, мый том йөзыс төлктөммөмөссь, дыш-мөмөссь, юсьöмөссь да сідз водзö...*

— Тайö абу сідз. Ме вот ветлөдла институтъяс дорті, да сы мында том йөз велөдчöны öні! Мыйта виль институт воссис, быдсяма кафедраыс. Том йөзыс ёна зільöны велөдчыны. Кор найö верстяммасны, бара вежсяс поколениеыс, и нöшта нин томджыкъяс кутасны нырчыны власът дінас, и мыйкө вежасны, дерт.

— *Мый Тi колинныд, чайтөм сертиид, локтан көленаясылы?*

— Мый колим? Унатор, сөмын вузалісны нин унджыксö, асланымлөн нинөм эз ло. Туйяс да посъяс колисны. Ме нимкодяся, кор мыйкө стрөйтöны, мыйкө вöчöны. Колö радлыны, мый сійö татчö кольö, миянö, йөзыслы воас. Лёк сөмын, мый став

сьомсö миянысь нуоны да Рытиввыв сы вылö сöвмö. А колö, медым сöмыс миян вылö уджаліс. И та могысь колö лöсьöдны колана условияс.

Власьт дорö локтісны зэв горш йöз, налы зэв ёна колö вöлі власьтыс да деньгаыс. Кор ми уджалім, миян вöлі сöмын власьт, озырлун асланымлөн эз вöv. И со локтісны йöз, кодлы власьтыс лоис этша, налы озырлун колö. Вот найö и пузувтісны ставсö, медым озырлунсö босьтны. А йöзсö ылöдлісны, став мыжсö вештісны партийнöй вождьяс вылö. А мый налөн вöлі? Мый Морозовлөн коли? Гöтырыслы патера коли. Сэсся нинöм. Миян сідз жö, сöмын патера коляс, сэсся некутшöм озырлун абу. Сы вöсна, мый ми, коми йöзыс, тані олам да думайтам: ставыс, мый тані эм — ставыс миян. Некытчö оз вош, ставыс асланым, öтувъя. И став йöзсö велöдлім сэтшöм нырвизьын. И со мöдарö бергöдісны...

Социализм — сöвмöмлөн медвылыс тшупöд, Швецияын тай со ачыс локтіс. А миян öні олöмсö пузувтісны, бергöдісны ставсö, бөр 1913 воö вайöдісны...

— *Юрий Иванович, бергöдчывны кө челядьдыр кадад, мый медся ёна казътывсьö?*

— Медводз, көмтöм челядьдыр... Война дырйиыд зэв сьöкыд вöлі. Но олім котырөн, ёртасьмөн. Сиктад öд пöшти ставныс рöдня — ылыс, матыс. Мунан — кодлөнкö пывсян ломтöны, пыран на ордö. «Пывсян ломтанныд?» — «Ломтам. Но лок, Юрий, пывсям». Пывсян — чайөн быть юктöдасны. Татшöм вöлі ичöтдырöй, казътывны кө деревняса олöмсö, войнадырсясö. Нянь кө кыськö аддзан, босьта вöлі да чойöс корся, сыкöд шöриөн юкся. Мам лун и вой уджаліс колхозын, ог вöлі и аддзылöй. Ми нин узям, кор сійö локтас, а чеччам — абу нин. Сідзи и олім.

— *Юрий Иванович, мортлысь кутшöм оласног лыддянный медся коланаөн, пыдди пуктанныд?*

— Веськыдлун, мед мортыс эз вöv ыкшаөн, и, дерт, медшöрыс — уджачөн. Мортыс öд быдмö да сöвмö, мед уджавны. Кыдз шуласны, сöмын уджын чужö мортыс. Та понда колö уджавны и уджавны, медым лоны мортөн, збыль мортөн.

— *Юрий Иванович, а позис кө бергöдчывны бөр сійö кадас да бөрйыны мöд туй, кутшöмöс эськö бөрйинныйд?*

— Ме öд бөрйылі. Война бöрас миян почётынöсь вöліны военнöйяс, и ме бөрйи военнöй туй, но эз артмы. Енмыс эз сет сылань муннысö, син вöсна эз лэдз. Сэсся стрöительөн лои. Муні кө тайö визьöдыс водзö, быдми жö эськö кутшöмкö тшупöдöдз... А бөрйыны кө вöлі позьö, ог тöд, гашкö, и кутшöмкö мöд туй, мöд визь бөрйи. Но ме тайö туяс веськалі, и тайö туйöдыс муні...

— *Ыджыд аттьö Тіянлы!*





А.И.ЩАНОВ,

войнаса да уджывивса ветеран

Эз мойви нимабны

Г.А.СТАРЦЕВ ЧУЖАН ЛУНСЯНЬ — 100 ВО

Нелямын коймод вося март заводитчигон фронтывивса сьокыд дойясысь бурдодчыштём бёрын ме вои гортё — Емва вожса Катидпомё. Дойясысь кортёд вежны ветлі Онежьеса больницаё да кежи сиктсёветё — окота од тодны, мый нин керсьё фронт вылас (телефон да радио сэк вёлі сёмын сиктсёветын). Юралысьыс — Иван Лазаревич Козлов — мыччё военкоматсянь шог юёра гижёд: Сталинград дорын пуктома юрсё Емва вожса учёной Георгий Афанасьевич Старцев.

— Пырт, Ёльёксан, батыслы, семьяыслы Тэныд, Ленинград вёсна повтёг тышкасысь офицерлы, лоё кивывджык вёчны тайё могсё. Пукышт рёдвужыскёд, юкышт накод ыджыд шогсё...

Г.А.Старцев 1927 воын.

Бура помнита Георгий Афанасьевичёс кызьёд вояс помсянь. Волывліс чужан деревняё Ленинградсянь, а сёсся Сыктывкарсянь. Ас костын шулім сійёс Пиль Опонь Ёгорён. Шөркодъ тушаа, сёстём, мича паськома. И ачыс зэв мича. Чужом вылас том, котъ эськё кёсичаясыс и еждыштёмаёсь нин. Сэтшом обичаа морт, мый быдёнёс кыскис сы дорё — верстьёёс, оломаёс и челядьёс.

Батыслы да тыётыслы ёна век отсасьліс, а прёст кадсё колявліс йёз дорын, кывзіс олом-вылом йылысь висьтасьёмтьяс. Торъя нин сюся кывзысис веськодчысьяс-бурдодчысьяс сёрнийё. Ёль Ёгоркод катліс пыжён Емва йылөдз — чудь кар да шойна корсян могён.

Георгий Афанасьевич вёлі зэв сибыд мортён. И быдёнёс пыдди пуктыліс, видзаасьліс быдёнкод киасьёмён. Зэв радейтліс варовитыштны олома, уна тодысь йёзкод. А миянлы, челядьлы, висьтавліс гырысь каръяс йылысь, торъя нин Ленинград йылысь, сэтчёс йёз, машинаяс да самолётъяс йылысь, мый ми синмён на эгё адзылөй. Висьтасьліс и велөдчанінтьяс да наука йылысь.

— Сёмын велөдчём да тодёмлунтьяс отсаласны йёзлы лөсьөдны бурджык олом,— тшөкыда тодчөдліс миянлы.

Кодсюрё нель класс помалысьяс пөвстысь шулісны воча: ми быдтор нин тодам, миллионөдз кужам артасьны, мыйё нёшта колө велөдчыны?

И Георгий Афанасьевич ньёти дёзмытёг, зэв гөгөрвоана босьт-

чыліс висътавны миянлы му шар вылын олысь уна кывъя вой-
тыръяс йылысь, енэж да кодзувъяс, шоныд саридзъяс да сывлытём
йиа муяс йылысь.

— Мед ставсö тайöс тöдны,— шуліс сэсся,— колö олөм чöжыд
велöдчыны.

Ышöдліс миянöс лоны чожөн уджын и велöдчöмын, зільны быд-
тор тöдны, лоны вылын культураа йöзөн. «Кöсйöмтö вöчны,— тöд-
чöдліс миянлы,— эм сюрс позянлун. Но аддзысяс и сюрс помка,
мыйкö кö он кöсйы вöчны».

Георгий Афанасьевич сёрнитліс миянкöд быттьö ас коддьöмкöд.
И деревняса челядь ёна радейтлісны сійöс. Катыдпомö быд волөм
сылөн вöлі миянлы ыджыд праздникөн.

Со öти лоөмтор висъталö, кутшöм тöждысьысь, бур сёлöма
мортөн вöлі Г.А.Старцев. Миян деревняса кык зонка — Георгий
да Семён Щановъяс 1934 воö пырисны велöдчыны Ульянаса видз-
му овмöс техникумö. Но тшыг нисьö пöт олөм понда коvmис налы
эновтны велöдчöмсö. Гортö бөр локтігас Сыктывкарын пыралö-
маöсь Георгий Афанасьевич ордö, сэк сійö пединститутын уджаліс.
Вердöма, узьтöдöма зонкаясöс, деньга сетöма туй выланис. Не-
кымын лун мысти звөнитлöма сэсся Онежье сиктсöветö, юасьöма,
лючки-ö воисны зонъясыс.

...Георгийлөн челядьдырыс, аспöрöдз быдмöмыс эз вöв кокнийөн.
Дзолясянь быдмöма мамтöг — томөн сійö кувлöма, кольлöма ве-
рöсыслы вит ныла-пияöс. Тьöтыс, батыслөн мöд гöтырыс, чуж-
тылöма бара жö вит ныла-пияöс. А та ыджда семьяад пöттöдз вич-
мыліс быд удж гырысьы и поснилы.

Георгийлөн батыс — Афанасий Филиппович — мыгөрнас,
туша-рожанас, ёсь тошнас ёна мунлöма Ставсоюзса старöста
М.И.Калинин вылö. Велöдіс школаын да паськöмнас бара жö
торъяліс сиктса мужикъясысь. Туръяса арлыда олысь пиысь код-
сюрö öнöдз казътылö серам сорөн, кызди öтчыд Афанасий Фи-
липпович Старцевöс примитлöмаöсь Калинин пыдди.

Тыдалö, батысянныс и вуджöма Георгийлы велöдчöмланы, тö-
дöмунъясланы зільöмыс. Рöдвужыс дасьтысьлöмаöсь сетны сійöс
Сёлöвкиса монастырö. И дыр скöралöмаöсь сыысь, мый зонка ас
вöлянас мунöма Гамö велöдчыны кык класса учитель школаö. Сы
бöрын пыралöма Емдінса учитель семинарияö. Но коvmöма эновтны
велöдчöмсö — воис и Комиöдз гражданскöй война. Том морт
вöзйысис Гөрд Армияö, веськаліс Вашко-Мезенскöй полкö. Тыш-
касис еджыдъяскöд, вöлі радөвöйөн, взводса командирөн, служитіс
секретарөн полкса штабын. 1919 вося декабрын лэдзисны гортас,
кызди... тыр арлыдтём на том мортöс.

Кöсйис водзö велöдчыны Яренскын восьтём куим вося пед-
курсъяс вылын. И бара эз артмы. Д.А.Батиевкöд да А.А.Молод-
цовакöд Г.А.Старцевöс бöрйисны коми-зырянасянь Наркомнацö,
Москваö. Георгий Афанасьевич, кызди Коми представительствоса
кывкутысь секретарь, унатор вöчис, медем шедöдны Комиы ав-
тономия. 1921 вося январын сійö вöлі Усть-Сысольскын чукöртём
медводдза Всезырянскöй партсъезд вылын, көні медшөр сёрниис
муніс Коми автономия йылысь.

И со дыр мысти збыльмис коми том мортлөн медшөр кöсйö-
мыс — 1921 вося октябрын Георгий Старцевöс мöдöдісны ве-
лöдчыны Петроградса университетö. И сы бöрса ленинградса дас
воыс вöлі том учёнöй олöмын медся шудаөн, наукаын медся унатор
шедöданаөн да вöчöмаөн. Георгий Афанасьевич кывзö му шар

пасьтала нималысь учёнойяслысь лекцияс университетын, Археология да География институтъясн. Студенталигас на йёзодд ассыс медводдза научной статьяс.

Кызь кык арёсён, 1924 вося октябрын, Г.А.Старцев помалё университетлысь общественной наукаяс факультет. Сійёс кольдöны уджавны университетас география факультетö. Вежорнас и съолöмнас Георгий Афанасьевич пырöдчö наукаö да велöдан уджö. Университетас туялö финн-йöгра войтыръяслысь олöм. Öтшöтш велöдö студентъясöс Войвывса войтыръяс институтын. Лыддö сэн яран, йöгра кывъяс йылысь лекцияс. Велöдчö аспирантураын, ветлö стажируйтчыны Германияö да Финляндияö, тöдмасьö рубежсайса учёнойяскöд, на лыдын и У.Сирелиускöд, кодi паськыда нималис финн-йöгра кывъяс туялöмын. Г.А.Старцев быд во ветлис финн-йöгра войтыръяс оланiнъясö, сы лыдын и коми сикт-грездъясö. Гижис да йёзöдалiс сэсса статьяс, очеркъяс: «Революция и зыряне», «Свадебные причитания зырян» да мукöд. Петiсны сылөн и книгаяс: «Финно-угорские народы», «Остяки», «Самоеды». Дасьтiс йöгра да яран сёрниа кывчукöръяс.

Наука да велöдан уджысь öтдор Георгий Афанасьевич пыр нуöдiс да вöчис уна общественной мог. Комиысь да рочысь öтдор, тöдiс немецкöй да английскöй кывъяс, гөгөрвоис яран да йöгра сёрни.

Г.А.Старцев гижлис висътъяс, кывбуръяс. Емва вожын найöс вель паськыда тöдлiсны, висътавлiсны войпукъяс дырйи. А кывбуръясö вокрыслысь сиктса клубын медбура лыддывлис Мария чойыс.

1932 воö Сыктывкарын вöсьö пединститут. Коми наркомпрос корöм серти Г.А.Старцев отсалö судзöдны вильöн вöсьöм институтлы студентъясöс велöдны колана оборудование, книгаяс да мукöдтор. Сёрнитчö ленинградса профессоръяскöд да вузъясн велöдысьяскöд, мед найö мунасны уджавны Коми юркарö.

Коми пединститутын «ловъя» Г.А.Старцевлөн личнöй делöыс. Сэсь тыдалö, кыдзи ВКП(б) Коми обком да облисполком комынöд вояс пансигас мырдөн сорөн и кевмысьöмөн корöны Георгий Афанасьевичöс локны Сыктывкарö да уджавны пединститутын. Кöсйысьöны и чин сетны, и бур патера, и ыджыд уджон. Дыр бöрынытчис. Сэтшöм помкаён, мый сійö медводз наукаын туялысь, абу велöдысь. А наукаын туялысьлы Сыктывкарын абу уджалан подулыс. И век жö Союза Наркомпрос пыр Старцевöс удайтчис кыскыны Ленинградысь Сыктывкарö. Пединститутын сійöс индiсны доцентөн, вынсьöдiсны история да философия кафедраөн юралысьөн, медводдза кадас веськöдлiс и институтлөн велöдан юкөнөн.

Пырöдчис уджö. Гижö велöдан программаяс. Лыддö студентъяслы лекцияс коми войтырлөн история, фольклор йылысь. 1932 вося гожöмын нин ветлöдлö Сыктыв районтi — бöрийö да дасьтö институтö велöдчысьясöс.

1933 вося тулысын Георгий Афанасьевичлы сетiсны нöшта содтöд удж — индiсны обласът музейса веськöдлысьөн (институтса уджысьыс öтдор). Но эз вöвны позянлунъяс, мед эськö паськöдчыштны туялан уджнас. Та кузя шыöдчывлис институтса и обласътса веськöдлысьяс дорö. Вежорнас кылис и сійöс, мый кымöртчö юр весьтыс. 1933 вося ноябрын на гижö институтса директорлы:

«...чтобы не возникли в будущем сомнения о моем прошлом, прошу затребовать соответствующую справку из Онежского сель-

совета о социальном положении моего отца до Октябрьской революции и теперь.

Мой отец до революции — крестьянин-бедняк. После революции — служащий в Онежском сельсовете. С 1922 г. назначили учителем школы первой ступени в Онежье. И теперь учительствует. Член ВКП(б) с 32 г. В колхозе был председателем к-за в дер. Катыхдом».

А регыд пондісны суклясьны, быдсяма нимгяс сетапны, усьодны йозсö вежораджыкгяс вылө... Тупкисны «Коми му туялан котыр», «Коми му» журнал, кöні тшöкыда йöзöдавліс ассыс гижöдгяссö и Г.А.Старцев. Тупкалісны кыдзи коми национализм паскöдысьясöс. И татшöм сьöд удж вылас усьöдісны медводз студентгясöс, ыджыдджык классгясын велöдчысьясöс.

Коми пединститутса вöвлöм студентка А.П.Пасынкова совнархозын уджалігөн тадзи висгасьліс сійö кад йывсьыс:

— Ми, студентгяс, вой чöжгясöн сэк соборуйтлім, эрдöдалім институтса велöдысьяс пöвстысь «народлысь враггясöс». Мукöд-дырйиыс тайкö косьöдз эг волöй. Миян гижöдгясö веськалі став вежораджык да сюсьджык велöдысьыс...

И со 1935 вося март 21 лунö «За новый Север» газет йöзöдö КГПИ-са студентгяслысь öтувгя гижöд. Сэні юöртсьö, мый пединститутса велöдысь котыр тырöма троцкистгясöн, войтырлы паныд сулалысьясöн да пытшкөсса мукöд вөрöггясöн. А институтса директор Шулепов дзебö пö найöс. «Вөрöггяс» лыдын пöшти медводдзаөн чуткöны Г.А.Старцев вылө.

Март 27 лунö нин «За новый Север» юöртö, мый Коми пединститутын выль директор — Н.Михеев.

«Народлысь вөрöггясöс» бертісны öдйö, быттьö расписанньö серти.

Г.А.Старцевöс эз босьтны пырысь-пыр. Но таысь эз вöв кокниджык. Эм со институтсянь вывсалы юöртöм, пасйöма 886 № улын 1935 вося октябрь 5 лунö: «Сы специальность серти удж абутöм вöсна Г.А.Старцев мездысьö институтын уджысь».

●

Георгий Афанасьевич тōдіс, мый сылы казытыштасны ставсō: и уна велōдчōмсō, и гырысь учēнōйяскōд Ленинградын ēртасьмōсō, и, дерт жō, суйōр сайō ветлōмъяссō.

Заводитчис увтыртана-кедзовтана олōм. 1936 вося августын ВКП(б) обком бюро вōтлō сийōс партияысь. Институтысь ѓтдор мездōны и музейса уджысь. ѐти кывйōн, комын нель арōса учēнōйōс, кодōс кыскōмōн кыскисны Ленинградысь Сыктывкарō, торйōдісны семьяыскōд, колисны нем уджтōг. Овны лои нинōм вылō. Тōдсаяс полісны видзаасьны ськōд. Кōть кытчō эз шыōдчыв Георгий Афанасьевич, некōн весиг кывзыны эз кōсйыны...

Арестуйтисны сийōс Ленинградын 1937 вося август 18 лунō Коми АССР-са НКВД телеграмма серти. Вайисны Сыктывкарō да видзисны НКВД-лōн пытшкōсса тюрьмаын. Мыйысь сōмын эз мыждыны! И ставыс — РСФСР-са УК-лōн 58-ōд статья: «народлōн вōрōг», «фашистъяслōн шпион», «буржуазнōй националист». «Суд» вōлі сōмын кык во мысти, 1939 вося август 24 лунō. Военнōй трибунал «козьналіс» учēнōйлы... пукавны дас во концлагерын.

Олōма йōз кутōны на вежōрас, кыдзи Сталин вежис ѓти Каинōс мōдōн: вōлі Ежов, лои Берия. И недыр ворсōдчисны «мездōн». Г.А.Старцев шыасьліс жō корōмōн. Сылысь «делōсō» видлалісны выльысь, и весиг мездылісны. Но НКВД кабырысь некод на эз петав. Индісны выль «суд». И сы шуōм серти — артмис тайō 1940 вося сентябрь 10 лунō — Г.А.Старцевōс... вит во кезлō ыстōны Красноярскōй крайō.

Война пансьōм бōрын во мысти кымын Георгий Афанасьевич кыдзкō слōймылōма ыстыны письмō Мария чойыслы. Гижō, видзōны пō вывтї лēка. Кодсюрō кевмысьōны, мед кōть Енмыс ѓдйōджык нин босьтас мōдар югыдō. А ме пō став начальствосō нин дōзмōді фронт вылō вōзйысьмōмōн, кыдзи Гражданскōй война дырйи командирōн воуйтлысьōс кора мōдōдны медся чорыда косясянінō. Кōсья пō, мед меным эскисны...

— Эскōмаōсь тай,— синвасō чышкалōмōн шуис Мария, кор пыри ме на ордō военкоматсянь юōрōн.

И нōшта ѓти содтōд.

1949 воын, Ленинградса университетын нельōд курсын нин велōдчигōн, шыасис ѓтчыд ме дорō философияысь велōдысь Т.А.Казакевич. Юаліс: «Тї абу Комиысь?» (сērни серти, тыдалō, гōгōр-воōма).

Висьтаси сэсса, мый Комиысь, Емва вожса Катыдпом деревняысь.

Татьяна Абрамовна кельдōдіс чужōм вылас. Коставлōм бōрын шуис сэсса надзōник:

— А ме ѓд тїян деревняын чужлōм Георгий Афанасьевич Старцевлōн гōтыр. Тōдлїд ли кывлїд кō сийōс...

ѐні и менам кельдōдіс чужōмōй. Дыр сērнитїм. Татьяна Абрамовна висьтавліс Георгий Афанасьевич йылысь, ас йывсьыс, ныв йывсьыс, Ленинградын налōн коркō ѓтувъя олōм да наукаын уджалōм йылысь. А ме висьтавлї ылі Емва вожса Катыдпом деревня йылысь, сэтчōс олысьяс да олōм йылысь, Георгий Афанасьевичлōн батъ, чой-вок да рōдвуж йылысь, но и миян юркар йылысь, дерт, кōні овліс да уджавліс сийō.

— А менō ѓд нылōйкōд ѓнōдз лыддйōны «войтырлōн вōрōг» семьяōн...

Сийō нинōм на абу тōдлōма Георгий Афанасьевич йылысь 1940 воō Красноярскōй крайō сийōс ыстōм бōрын. Некутшōм письмō

весиг абу волёма. Кор висьталі ме Татьяна Абрамовналы Ста-
линград дорын верёсыслөн усьом йылысь, дыр бёрдіс...

Татшөм со нөшта өти коми учёнойлөн, велёдыслөн да ги-
жыслөн олом-выломыс. Сөстөм нимсö Георгий Афанасьевич Стар-
цевлы бергөдісны сөмын 1956 вося июль 1 лунö. Рөдина вöсна
фашистьяскöд косын Сталинград дорын оломсö сетöмсянь дас
куим во бöрын!

Георгий Афанасьевич Старцевлысь оломсö жутөдісны зэв томөн.
Сылы эз сетны позянлун сөвмөдны талантсö. А öд кызди финн-
йöгра кывъяс туялысь, сійö вермис нимажны сідз жö, кызди
К.Ф.Жаков (Палалей Кале), Г.С.Лыткин (Ёгуш), В.И.Лыткин (Илля
Вась). Эз мойви. Но татшөм йöзыс оз кувны, найö олоны миянкöд.



Лыддьысьысь ёрт!

*Кад катовтö шöрлань. Уськöдам тöд
вылö — эн вунöдöй судзöдны «Войвыв
кодзув» 2002 во мöд джынйын.*

*Пошта пыр журнал судзöдан дон:
3 тöлысь кезлö — 28 шайт 50 ур.
во джын кезлö — 57 шайт.*

*Сыктывкарсалы позьö гижöдчыны да су-
дзöдны журнал редакция пыр:*

*3 тöлысь кезлö — 10 шайт 50 ур.
во джын кезлö — 21 шайт.*

*Тöдчöдам: серпаса виль коми гижöдъяс
медводз петöны «Войвыв кодзув» лист
бокъясын.*

Владимир СОЛОВЬЕВ,
история наукасса кандидат

Григорий Распутинлөн ордпу

Ыджыд виччысьтөмторйөн лои 2000 воын Коми муысь «вежа манак» Григорий Распутинлысь зэв важ вужъяссö аддзöм. Та йылысь юöртлісны öткымын газетын, сы лыдын и «Эскöм» газетын документсö сорсьöмөн индöмаöсь «Ревизские сказкиөн». Збылысьсö сёрниыс мунö «Яренск уездса 1646 вося переписной книга» йылысь. Тайö гижöдас пасйöма Паль погостысь Распутинъяслысь зэв важ рöдсö, а помас индöма: «Двор пуст бобыльской Изосимка Фёдорова сына, а он шёл в Сибирь и з женою во 148 году (1640 воын), а детей нет». [Документы по истории народа коми. Сыктывкар, 1985, с. 114—115].

Тобольск губернияын Распутин овлы подув пуктысь Из сайö вуджигас лыддыссис бöбыльöн, вöлі гöтыра, но челядътöм на. Бөръяыс индö сы вылö, мый Педöр Зöсим вöлі том.

Сійö жö гижöдсьыс тыдовтчö: XVII нэмся черносοшнöй крестьяна пöвстын эз став бöбылыс вöвны öткодöсь. Найö торъялісны муа да мутöмъяс вылö, овмöса да овмöстöмъяс вылö. Бөръяясысь петлісны рöзöритчöм, котыртöм корысыяс, кодъяс йылысь гижлісны: «Скитається в миру и кормится христовым именем».

Бöбыль нимыс мездывліс крестьянинöс овмöсысь вот вештöмысь: «По полуполтине з двора... по животом и промыслом». (Став олысь лыдсö да прöмысьяссö арталöмөн, сідзкö.) Найö мынтылісны сідз шусяна «бöбыльщина» — быд овмöсысь 1 алтын (3 ур), а сідзкö — көкъямыс пöв этшаджык видз-муа, скöта крестьянаысь. Мый сэтшöмыс вöлі XVII нэмын бöбылялöмыс, öнöдз на абу тырвыйö туялöма. Та понда, тыдалö, роч историкъяс «бöбыль» ним донъялöмын эз на воны öти кывйö.

Комиын морт вермис бöбылявны дас воясөн. Быд во öти алтын мынтігөн бöбыльяс эз майшасыны мукöд вот вештысь моз. Бöбыляслөн вöлі кык туй: гöтрасыны да, мир вылö мыджсьöмөн, кыпöдны эндöм овмöссö, либö мунны корысявны. Вöліс, дерт, и коймöд туй — ордчыны ас йöзысь да Педöр Зöсим моз мунны Сибирö.

Переписьяс серти, XVII нэм воддза джынйын Из сайö вöрзё пыр унджык и унджык коми крестьянин. 1646 вося переписьöдз 14 онас лыддöмаöсь 762 мунысьöс. [Очерки по истории Коми АССР. Сыктывкар, т. 1, 1955, с. 116].

Комияс Сибирö веськалісны кык ног. Медводдзаясөн низьöн озыр пармаа выль кыйсянінъяслань мунісны вöралысыяс. Мукöдъяс пышйисны тшыглунысь, няня муясысь корсьны бурджык олöм. Та могысь жö, колö чайтны, Из сайö вуджис ас вылас зумыда эскысь вына том морт Изосим Фёдорович Распутин — Григорий Распутинлөн зэв важ рöдвужыс.

1646 вося перепись кежлö Пальын лоины ыджыд вежсьöмъяс. Сы вылö индö перепись дорö татшöм содтöд: «...была их деревня Палевицы написана к погосту Шожему и к волостке Тыдор (...)

и та их деревня от погосту Шожема отдалела и приход их Вологодского и Великопермского архиепископа к вотчине к погосту Усть-Вымского городища». [Документы..., с. 113—114].

Микёла угодник часовня Пальын лэптём бёрын сійёс ас борд улас босьтис Емдінысь Благовещеннё вичкоса Петыр поп. Паль сикт торйёдчис Шожемысь, но веськаліс епископ муяс лыдö, а сэн олысьясыс лоины вотчинаса крестьянаөн.

Вотчиннöй (архиепископ увса) крестьяна омöля торъялісны крепостнöйясысь. Тайö эз кажитчы Пальса кызвын олысьыслы. Войтыр эз чöв овны, да 1678 вося перепись кежлö нин Паль сиктын воссис Микёла угодник вичко. Сэні лои аслас клир: «...поп Филипп Гаврилов, дьячөк Максимка Савинов сын Костаров, пономарь Лазарка Борисов сын Торлопов, просвирница Устиньца Денисова дочь». Паль бөр петіс Емдін вотчина улысь да лои торъя, асшөр погостөн. [Документы..., с. 271].

Буретш тайö воясас Русьса патриарх Никон вежис вичко книгаяс, выль ног тшөктіс нуöдны соборъясын да вичкоясын Енлы служба, вывті ёна кутіс дзескөдны важ вераысь лэдзчысьтөмъясö. Важ ног Енлы эскысьяслы (староверъяслы) эз кутны сетны лючки овнысö. Бөбыль Изосимка, Енлы важ ног юрбитысь, тыдалö, водзвыв кужис вежөртны сылы чайтсына лёклань гырысь вежсьөмъясö да пышйис гөтырыскөд Из сайö, удитөдчис мынтөдчыны водзын виччысьысь неминучасысь.

Гашкө, Распутин рөдыслөн вираныс вöлі ылö водзö видзөдны кужöмыс, да бөбыль Педөр Изосимкасянь и вуджліс Григорий Распутинлы морт вежөр гөгөрвоан да пытшкөс дой кылан сямыс.



филология наукаясса доктор

«Коми гижан культура панысьяс»

Ёгуш (Георгий Лыткин, профессор) йылысь висьталігөн авторъяс тӧдчӧдӧны, мый тайӧ ыджыд тӧдӧмлунъяс мортыс аслас «Зырянский край...» небӧгас пыртӧма тшӧтш важъя пас-календар — тӧлысьяс да лунъяс вундаса квайт грана бедь. Ёгуш лыдбӧдлӧ и важъя коми тӧлысь нимъяссӧ: тӧв шӧр, урасьӧм, рака, кос му да с.в. Ёні, коми кыв ловзян кадӧ, тайӧ нимъяснас ми вӧдитчам нин. И небӧг гижысьяс веськыда пырӧны венӧ тайӧ нимъяс діӧ велавтӧмъяскӧд, ыштӧкӧ «коми тӧлысь нимъяссӧ кодкӧ

неважён думыштёма да ковтём-туйтёмъяссё пыртёдо гижёда кыв-йё» (70 лист бок). Небёг гижысьяс ярскёба висьталёны: тёлысь коми нимъяс — кывнымлён нэмөвöйя озырлун!

И.Плосковёс да Е.Цыпановёс торйён ышөдёма Андрей Цемберлён коми культура сөвмөдөм вöсна зільöмыс. Котъ тайö мортъс волёма Комиö Польшаысь: ыстывлөм революционерлөн гöгäпи, сийö абу сöмын отсасьöма суйöр сайысь волөм учёнойяслы чукöртны йöзкостса поэзия, тöдмасьны коми оласногөн, гижавны сёрнисикасьяс. Сийö ачыс мудз тöдтөг пасъялö коми сёрниысь зумыд кывтэчасъяс, шусьöгъяс, кывйöзъяс. Усть-Сысольскса типографияын лэдзö 1911 воын медводдза коми небöг — роча-комиа кывкуд, а кык во мысти, 1913 воын, коми мойданкывъяс. Авторъяс пыртёмаось асланыс небөгö А.Цемберён чукöртөм мойданкывъяслысь водзкывсö. А.Цемберлөн гижöдыс быттё талун вöчöма, сэтшöм сийö публицистика лов шыа, ни öти коми мортöс сийö оз коль веськодён. Со тайö водзкывйыс:

«Тайö мойданкывъяс гижли ме. Кыдзи висьталісны, сідзи и гижі — öти кыв эг веж. Сідз мем тшöктісны гижавны миян карö волысьяс — учёнойяс: Викман, Сирелиус, Фукс, Балог, воддза кыкыс — Финн муысь, мөд кыкыс — Венгрияысь. Сідзжö тшöктісны гижавны сыланкывъяс, нöдкывъяс да мукöдтор...

Коми кыв кутіс бырны. Велöдчöм коми йöз сёрнитöны быдсөн рочөн. Сыктывкарын унджыкыс нин рочөн сёрнитöны ас костаныс и челядьныскöд. Сиктын попъяс, пельшеръяс, велöдысьяс, тöргөвöйяс сёрнитöны ас костаныс рочөн и челядьнысö тшöктöны рочөн сёрнитны — мед эськö кокниджык налы лоö велöдчыны школаясын. Дерт, сэтшöм йöз кужöны и комиён сёрнитны, но налөн коми кыв абу нин лöсьыд, кык кыв шуасны комиён, коймöдсö — рочөн.

Сэсся на ног и прöстöй йöз сідзжö кутасны сёрнитны, а сэсся и дзикöдз вунöдасны комитö.

Койгортын вунöдөмаось нин уна коми кыв: **пывсян** шуöны **баня**, **кага** шуöны **дитя**.

Вежа Перымса Степан дырйи (кулöмыслы витсё во нин лои) коми йöз овлöмаось став Эжва кузя Котласöдз. Öнi Котлассянь Еренскöй уездöдз öтик коми олысь нин он аддзы: быдсөн рочö пöрöмаось.

Нöшта кö витсё во, а гашкö, и регыдджык прöйдитас, миян каръяс гөгöр öти комиöс он аддзы. Көнкö, гашкö, Лопыдінъясын, Одыбъясын лоöны сёрнитысьяс комиён и рочөн öтпырйён.

Уна во бöрти кутшöмкö ёна велöдчöм мортлы, гашкö, ки улас сюрö тайö мойдкывъя книга, да сийö и шуас: «Аттö, пö, кутшöм кывъя йöз вöлöмаось, да бырöмаось, абу пö ассыныс кывнысö кужöмаось видзны». Ме кута лача, мый ыджыд вежöра, бур мывкыда йöз меным мөдöдасны нöшта мойданкывъяс, и ме, Ен отсөгөн, бара книга лэдза. Тайö книга вузасьны кутас ас доннас, мыйта сувтас печатайтöмыс. Ме аслам уджысь нинöм ог босьт.

А.А.Цембер, 1912 во».

Сыктывкар. (124 лист бок).

Коми йöзлысь гижан культура сөвмөдöмын ыджыд тöдчанлун кутöны Илля Вась (В.И.Лыткин) да Петыр Семö Йöвгинь (Е.С.Гуляев). Найö эз сöмын туявны коми войтырлысь полтöса (пытшкөсса) культурасö. Найö пыр зілісны гижны да сёрнитны комиён, мед коми кывйыс пыр юргис, пыр кыліс, пыр оліс да зумыдмис.

Илля Васьлысь да Петыр Семö Йöвгиньлысь олан сямнысö

●
водзö нуöдöны И.Плосков да Е.Цыпанов. Оз нин öти гижöд найö лэдзны öтлаын. И небöгысь небöгö налөн гижан сямныс сöвмö. Ассыныс мöвпъяснысö найö оз сöмын гижны, но и зильöны йöзöдны. Писькöслунныс налөн тырмö сьöмөн могмöдöмла сьöкыд кадö шыöдчыны суйöр сайö — Матиас Кастрен котырö. И тайö котырыс вичмöдö рöдвуж кывъя небöг лэдзöм вылö сьöм, а асланым республикаыс эз сюр кыз зепта ни öти котыр, кодi эськö вермис могмöдны шайтъясөн пöсь сьöлöма коми пиян йылысь комиён тэчöм гижöд.

И.Плосковлөн да Е.Цыпановлөн «Коми гижан культура панысьяс» небöг лоас кыв велöдысьлы да коми йöзлысь вылöмсö туялысьлы син водзаныс видзанторйөн, тшöкыда осьтывлöмлаыс öдйö бонзяна лыддянторйөн.



Зоя АНУФРИЕВА

«Вок кывъяс»

Татшом нима небог петис СГУ-са профессор Е.А.Игушевлон. Лэдзёма велодысьяслысь тодмолун совмодан Институт коми кыв да литература туялысьлы отсөг выло, редакторыс В.М.Грабежова.

Небогыс колö оз сомын велодысьлы, колö быд мортлы, кодi мов-пыштчылö: мыйла ми асьнымöс шуам комион? Эмось-ö миян матысса рöдвужъяс? «Вок кывъяс» небог веськыда вочавидзö татшом юалöмъяс выло: ми абу öтнанымось. Эм войтыр, кодi вермö гөгөрвоны миянös, кодi тöд вылас пыр кутö, мый ми ськод — вокъяс. Тайö — удмуртъяс. Е.А.Игушев гижö:

«...коми да удмурт öнi олöны мöда-мöдсьыныс торъялöмön, паськöмныс ни оласногыс абу нин öткодöсь, сомын сёрниныс шензьымön кольöма вежсьытöг, сомын кывныс индö комилön удмурткод öти вужйысь петом выло».

Оз öд весьшөрö Федя Мелехин, Иван Тороповлон «Но-о, биа бордая!» повесътысь геройыс, чуймөмпырысь висътав:

«...Час вит-ö-квaйт мысти чеччим Яр станцияö... Вокзалын миянös зэв ёна шензьöдiс татчös войтырыс... Налön сёрниын джын кывйыс коми вöлöма! Мыйкö тöдтöм ногön шуасны, а сесся коми кывйөн швачкасны... Но, мися, и дивö!.. Юасям öти дядьöлысь: мися, кутшöм нö сэтшöм кыв тiян? Быттьö миян — а абу миян?

Ми пö удмуртъяс, шуö дядьöйд. А ми, мися, коми мортъяс, нимкодъмим ми. Вöлөмкö, морттö найö шуöны муртön... Видзöд со, а ме немтор на та йылысь эг кывлы... А кысь пö и кывлан гортад пукалiгön!»

Профессор Е.А.Игушевлон «Вок кывъяс» небогыс быттьö миянös петкөдö гортысь удмуртъяс дiнö, висъталö, со пö кутшöм аслыссикас удмурт сёрниыс. Сэни ударениеыс век усьö кывпомса слог выло, таын петкөдчö татарыс кывлön удмурт выло көкъямыс нэмся тöдчöмыс. Удмурт шуö, мынныны (мунны пыдди), лыктыны (локны пыдди), юыны (юны пыдди)...

Кыв водзын коми -р- пыдди удмурт шуö -дж-: джыт (рыт пыдди), джуш (рушку пыдди)...

Уна кыв удмуртö пырöма татарыс сёрниысь: анай (мам), атай (ай), агай (ыджыд вок), апай (ыджыд чой), салам (чолөм)...

Но кызвын кывйыс коми да удмурт сёрниын öтмоза юргö да кутö öткодö вежöртас: ки, ныр, пель, син, пинь, вир, лы, сьöд, ми, тi, кык, дас, сюрс, вый, нянь...

Позьö весиг лöсьöдны кывбур öтласа коми да удмурт кывъясысь. Илля Вась ас кадö тэчлöма шмонитана кывбур:

Сьöд сизь, ветлы нюрын!
Бадь пу йылын юсь!
Пипу вылын тури!
Ты матын — эн усь!

Ми, комияс шуам: тайö пö комион гижöма, удмуртъяс шуöны: тайö кывбурсö Илля Вась удмуртъяслы гижис удмурт кывйөн!

●
Ми аддзам, мый удмурт да коми — збыль вок кывъяс, вензьомодз
кӧ воам ӧтласа кывйӧн гижӧм кывбур йылысь.

«Вок кывъяс» небӧгын зэв гӧгӧрвоана гижӧ авторыс, мыйла комиӧс
шуӧны комиӧн, а удмуртӧс — удмуртӧн.

Тані тӧдчӧдома, мый комиын да удмуртын ӧтмында гласной шы-
ыс — 7: а, и, о, ӧ, у, ы, э, согласнойс — 26, зэв матынӧсь падежъяс
(вежлӧгъяс) да лыда суффиксъяс: комиын -яс, удмуртын -ос, кыв-
вужйыс кӧ помассӧ гласнойӧн: киос (кияс), -ӧс, кыввужйыс кӧ по-
массӧ согласнойӧн — удмуртъӧс (удмуртъяс).

Татшӧм жӧ ӧткодьлун тыдовтчӧ и мукӧд кывсикасъясын.

«Вок кывъясӧ» пыртӧма удмурт йӧзкост поэзияыс ворсан кыв-
бур, кодӧ индӧ коми да удмурт фольклор костын ӧтувъялун былӧ.

Небӧг помас сетӧма удмурта-комиа кывкуд, кытчӧ пыртӧма 165
кыв гоз, найӧ ясыда петкӧдлӧны, кутшӧм матынӧсь ас костаныс вок
кывъяс — коми да удмурт.

Небӧг лыддигӧн казялан, кутшӧм пӧся радейтӧ чужан кывсӧ ав-
торыс, кутшӧм пыдісянь сійӧ туялӧ коми кывлысь вужъясӧ, кутшӧм
радейтӧм петкӧдчӧ и рӧдвуж удмурт кыв дінӧ, кӧні сы мында ӧт-
кодълуныс комикӧд.



Көнөсь ті, чаньясөй...?

Öтчыд бригадир ыстіс менö, ар дас нёля детинкаöс, конюшнясы чаньясöс вöтлавны: тэ пö найöс ёна радейтан да кывзыхьöны тэнсьыд, оз повны, дай ачыд чибö кодь, öдйö котралан, тайö и колö найöс вöтлалігөн.

Бабё гортын шуасис: «Нинём вылө сэтчө эн мун. Гашкө, татаралы мөдөдасны Микуньö либө тані начкасны да зверьяслы вердасны. А важөн крещенной душа весиг пöрысь вöвсö эз начкыв. Кытчөдз, коньöр, сулалö, сэтчөдз и видзасны. А кор ачыс пөрö кок йывсьыс, нуасны да гуаласны бур мортöс моз. Мукөддырийиыс весиг кучиксö оз кульны. А öнi грек тöдысь абу, чаньяс вылө нин киныс лыбö... Енмыс аддзас да ёрас! Да и трактор да машина ставсö оз күт вöчны. Вöлыд ковмас на. Вот аддзылам!»

Менам нюкырмуні сьёлёмой. Ёд гожёмбыд чаньяскёд нокси: и няньён, и сакарён чёсмодлі. Сакарыс эз вёв тырмымён, да ачым пёшти эг и сёйлы. Вот и котралісны ме бёрся чаньясид. Но бригадирлы паныд он сувт.

Мукод сиктъяскод отувтчом бõрын, Хрущёвлõн реформаяс дырйи, мян сиктын «Вьль удж» колхоз пыдди вõчисны бригада. А бригадирнас пуктисны Асикрит Мишõс — вõвлõм пленникõс, гажа да кышд мортõс. Пыр вõли сылõ вомгорулас, абу и тõд-чылõма быттõ пленыс. А кор лои бригадирõн, кутис ошйысьны: «Õнi Вьльыбас Сталиныс — ме! Мый тшõкта — сийõ и карны лоõ!» Быть õд кер, кор татшõм ыджыд морт приказ сетõ.

Локті конюшня дорё. Сэні чукёртчёмны нин сиктса мужикъяс: ачыс Асикрит Мишыс, менам дядь Сандыр Өпöнась, Петыр Пантиль — том зон, Семён Штепан — войनावывса инвалид, Микёл Митя — инвалид жö, син пöла. Миян сиктысь весиг öти мужичöй Гитлеркöд тышкасигөн дзоньён-бурён эз во. Сöмын пленник Миш да менам дядьяс, Сандыр Виктор да Өпöнась, пöрысьнысла труд-армияын служитöм бöрын, воисны дзоньён.

Пукалõны конюшня дорын, куритчõны. Чибõясõс тышкыны
кыяс некодлõн оз лыб.

А миян Выхыбса Сталиныд велалёма пленас германской пö-
рядокъяс дiнад. Колö пö, шуö, конвейер лöсьöдны: öти чанъяс бöрся
вöтлысьö, мöд тышкысьö, кык морт шойяссö машина кузолö тэ-
чöны, нöшта öти ставнас тайöн юрнуöдö.

Тышкысыны ас вöляөн некодi эз кöсйись, да пудъясисны. Пуд-йис уси Öпöнась дядь вылö. А сэсся удж пузис. Конюшня öдзöс водзас бригадир план серти пöвъясысь лöсьöдiм дзескыд стойлö: мед чаньыслөн тушаыс сöмын тöрас, а юрыс лöö эрдын. Стойлö водзвывсö пöвъясөн жö тувъялим, муртса гöгрös розь колим чань юр тöрмөн. Мöвпыс сэтшöм: мыйөн чаньыс юрсö мыччас розьö-дыс, Öпöнась дядьлы колö чер тышнас кучкыны юрас. А сэсся водзö конвейер серти...

Ставыс вöлі дась. И ми пырим Асикрит Мишкöд конюшняö, чаньяс дорö. А найö, коньöрьяс, мыйкö казялöмны нин, ниртчöны ёрта-ёрт берданыс, весиг меысь öтдортчöны. Менам синва шорөн киссьö.

— Ог пыр заводитö,— сьölöм сетіс бригадирным,— куритчам да выльöн. Колö мукöдсö öлöдны, мед нөрöвитласны.

Асикрит Миш пырис стойлöö, но эз на удит нинöм шуны, ок-нитіс да уси.

Öпöнась дядьö бура резьöбтöма чер тышнас. Бөрнас висьтасис: «Ог вермы осьса синмөн чаньясöс вины. Куньса синмөн и кучки. Бур на, шапкаа Мишыс вölöма...»

А кор бригадир уси, ставным весьöпöрим. Сэссия Семён Штепан да Микöл Митя кыскисны бригадирнымöс эжа вылö, юр улас суйыштісны кодлыськö фуфайкасö. Микöл Митя корсис Миш-ыслысь сьölöмсö да пычиктіс курган гөлöснас: «Ловъя на! Колö öдйöджык звönитны Косланö. Да вайö кодкö струбаысь ва».

Пызйим бригадирлы чужöм вылас кöдзыд васö, да воис ас саяс. Ме сылы: «Но вот, Миш дядьö, Енмыс тэнö бура ёрис. Не-бось, казялін, чаньясыслы кутшöм». — «Казялі, пиö, казялі,— ымöстіс бригадирным.— Но Енмыс, тыдалö, абу. Вöлі кö, эськö Öпöнась дядьыдлы вынсö содтыштіс. Татшöм рöбöтаысь да грекысь колö шучкыны сідз, мед лолыд петас». Сэссия чöла куйлыштіс да лэдзöдіс: «Скорöй» кö кориныд, менö Косланö нуöдасны. Чаньяссö живөн жö колö воштыны Косланöдзыс. Гашкö, кодöскö кытчöкö и иналасны бур мортлы».

«Скорöй» воис да босьтіс Миш дядьöс. А чаньяссö рытланыс лэдзим вöля вылö. Войбыд найö котралісны паськыд видзьяс вылын, чöскыд турун дука эрдъяс вылын.



Журнал петö «Сыктывкарса ЛПК»
осьса акционер котыр бумага вылын.

*Журналын йöзöдтöм гижöдъяс
редакция оз рецензируют и авторыслы найöс оз мöдöд.*

Техн. редактор **А.Одинцов.** Комп. набор и верстка **Н.Кузнецова.** Корректор **Н.Габова.**

Адрес редакции: 167982. ГСП-2, г. Сыктывкар, Дом печати, комн. 26.
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 29.04.2002. Формат 70х108¹/₁₆. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1393. Заказ № 3001. Регистр. № Ф0095.
ОАО «Коми республиканская типография», 167610, г. Сыктывкар, ул. Первомайская, 70.